


JESUS PUER

(2)

POEMA

THOMÆ CEVÆ

è Soc. JESU.



MEDIOLANI, MDCCXXXIII.

Ex Typographià Josephi Malatestæ.
Superiorum permissu.

1911

1. *Phragmites* (Common Reed)

[illegible]

Schizothorax sinensis Günther, Catfishes, vol. 2, p. 107, 1860.

Figure 1. The effect of the concentration of the *Agrobacterium* suspension on the transformation efficiency of *Agrobacterium* strains. The *Agrobacterium* strains were grown in the YEA medium for 24 h at 28°C. The cell concentration of the strains was adjusted to 10⁸ cells/ml. The cell suspension was then mixed with the plant tissue and the transformation efficiency was determined. The results are shown as the mean ± SD of three independent experiments.

LECTORI!

JESUM, adhuc puerum, manifestasse paulatim suam Divinitatem Nazarenis suis conterraneis, auctor est D. Athanasius *Orat. 4. contra Arianos*, Titus Bostrorum Episcopus, Theodoretus, D. Vincentius, atque alii: (*apud Sebast. Barrad. in Conc. Evang. lib. 10. c. 15.*) qui in ea ætate quandam veluti Divini Solis auroram præcessisse putant. Hanc agnitionem omnium pulcherrimam epico poemate dignam censeo. Atque ita rem disposui, ut in hunc finem cœlestis Infans ex Ægypto in patriam reduceretur; cui deinde viribus omnibus Dæmon moliri primò excidium aperto bello, mox nebulas offundere suspectæ Divinitati contenderet; eventum tamen prorsus contrario. Hinc enim Nazareni multa passi, præstigiis detectis, Divinum Puerum, cujus amore, admiratione, atque oraculis suspensi jam diu tenebantur, Deum tandem agnoscunt. Ha-

bes, Lector benevole, rudem atque informem designationem poematis; quod à personis partim humilibus, partim illustribus, à quibus res geritur, Comico-heroici naturam sumit; unde & stylus utrique formæ in unum mistæ attemperari debuit. Nec aliud mihi proposui, quam ut amorem erga cœlestem Infantem, ejusque sanctissimam Genitricem carmine insinuarem; deformitatem, odia, atque artes Dæmonum aperirem; & Christianas virtutes allegoriis variis adumbrarem: exemplum secutus Jacobi Sannazarii, Ghelfucii, atque aliorum magni nominis vatum; præsertim verò Hieronymi Vidæ, qui jussu duorum Pontificum Leonis X., & Clementis VII. res à Christo Domino gestas inventis poeticis epicè exornavit.

CÆSAR FRESIA

è Societate JESU,

PRÆPOSITUS PROVINCIALIS

PROVINCIAE MEDIOLANENSIS.

Cum Librum, cui titulus est, JESUS
PUER, à Patre Thoma Ceva no-
stræ Societatis compositum, aliquot
ejusdem Societatis Theologi, quibus
commissum fuit, recognoverint, & in
lucem edi posse probaverint; facultate
nobis à Patre nostro Generali Thyrso
Gonzalez communicata, concedimus,
ut typis mandetur, si ita iis ad quos per-
tinet videbitur. In quorum fidem has
litteras manu nostra subscriptas, & Si-
gillo Societatis nostræ munitas, dedi-
mus. Genuæ 14. Maji 1690.

CÆSAR FRESIA.

Die 10. Decembris 1732.

REIMPRIMATUR

**F. P. T. Campana Sac. Theol. Magister, ac
Commissarius S. O. Mediolani.**

**Dom. Crispus Par. SS. Viñ., & 40. Marty-
rum pro Eminentiss., & Reverendiss. D. D.
Cardinali Odescalco Archiep.**

Gallarinus pro Excellentiss. Senatu.



LIBER PRIMUS.

ARGUMENTUM.

Jonas camelarius ex Ægypto veniens, Nazareth patrium oppidum subit. Munuscula Mariæ sibi commissa, Debboræ, ac Susannæ defert. Multa de Pueri JESU, & Matre narrat. Post prandium nuptiale rusticum ludi puellares celebrantur. Oritur dissidium inter Damarim, & Juditham, & miro exitu componitur.



Ælestem Puerum canimus, quem Parthenis alma

E Phariis retulit terris, mox, impia contra

*Tentamenta Erebi, primi genitoris in hortos
Sustulit aërio in curru, rursusque reuexit
In patrios colles; donec, vi turbinis atri
Amissum Solymis, improvisèque receptum
Nazarei agnovere Deum, Tu, candida Mater;
Visa mihi in somnis, inter confinia noctis
Auroræq; comam niveis consperta hyacinthis;
Tuque, Infans, pariter pulchræ Genitricis in ulnis
Visus adesse, rubro subluces candidus ostro;
Vos adedò geminì este duces, cursumq; docete
Per loca nunc primùm Latiis peragrata Camœnis:*

*O decus Austriacæ Gentis, cui subditus Ister
Thracibus ereptas centum prælabitur arces
Pannoniâ in magnâ, teneris Mavortius annis.
Jam nunc ære puer gaudens, & pulvere campi;*

AUSTRIADÆ JOSEPH, si qua est via libera *musis*,
 Si quid ab hoste vacat, sacri inter tympana Martis,
 Et raucos lituos, nostri quoq; murinura plectri
 Excipe, & invicti Genitoris plausibus adde.
 Hic quoq; bellum ingens, horrendaq; classica, utrinq;
 Instructas acies campi, totumque videbis
 Conjurare Erebū, atq; omnem descendere Olympū.
 Quin & sacrilegus conjuncto fœdere prædo,
 Fraudibus, insidiisq; potens, seducere frustra
 Contendet populos, ausus sese addere Diti,
 Mentitamq; Deum, falsumq; imponere numen.
 Unde egressa aded series intexta supernis
 Deliciis divūm, bellisq; alterna, beato
 Eventu clausa, incipiam. Jam tempore longo
 Orba suo infelix sole, obscurisq; relicta
 In tenebris, luctu squalens mœrebat Idume.
 Nec tantum raptō tenera olim sponsa marito
 Indoluit; nec tot lacrymas, tot tœdia, tales
 Pertulit ægra parens noctes, cui funere acerbo
 Dilectum ante alios rapuit mors invida natum;
 Nec dolor est ullus, nec tantus fletus amantum,
 Quos procul avulsos terra, aut mare separat ingens:
 Quantus erat, Divā, Pueroq; absentibus, inter
 Nazaridas mœror: profugā cum Virgine quippe
 Visus abire omnis risus, decōr, atq; juventa,
 Nec miseris reditura unquam tam dia voluptas.
 Fons erat in medio pagī, quod sæpe solebat,
 Lotrices inter reliquas, pulcherrima matrum
 Panniculos Pueri vitreo torquere fluento,
 Mox herbā in viridi puras distendere ad auras:
 Huc variis dives plumis peregrina volucris,
 Purpureā cervice, & versicoloribus alis,
 Venerat è Nilo, parvoq; assueverat amni;
 Frondosaq; sibi tectum delegerat inter

Aërios ramos, & opacæ umbracula fagi.
 Illa igitur, quoties herboſo in margine matres
 Conſtiterant, propius volitare, & dicere quiddam
 Velle videbatur. Quin, flavo ubi vertice longos
 Siccabant crines per eburnea colla fluentes,
 Ad ſolem, viridi in clivo de more puellæ,
 Illa ſuper ſecura humeros, ſupraq; volabat
 Diſtentos funes, quaſi dicere nuncius ales
 Virginibus vellet: Vidi quam ſletis ademptam;
 Vivit adhuc, vobiſq; fero fauſta cœmina cantu:
 Carmina ſed volucris non intellecta canebat.

Has inter curas jam tertius ibat aprili
 Florifer annus, &, exactâ poſt frigora brumâ,
 Vitiferi colles, atq; herbida prata juventam
 Induerant, florefq; novos, nova germina valles:
 Cùm demum, ut viſum ſuperis, e rure Canopi
 Nazareus Jonas, Solymam qui fortè camelos
 Duxerat, atq; Arabum merces, ut vere quotannis
 Sueverat, in patrium divertit mulio pagum
 Nuncius incolumis Pueri, ſanctæq; Parentis,
 Viſus ab æthereis deſcendere ſedibus, ipſam
 Viſus & auroram, miſeriſq; reducere ſolem.
 Nam læta ante alias menſis Neomenia primi
 Fortè recurrebat, viridiq; in gramine pagi
 Turba ſoluta operum, calamis, coniſque ſalignis,
 Et curſu, ludisq; aliis intentæ vacabat.
 Cùm ſtrepitus inter puerorum, & gaudia ruris
 Ecce aderat multo reſperſus pulvere vector,
 Veſpere jam ſero; cui conterranea pubes,
 Proſtinus occurrit clangoribus undiq; lætis,
 Obſeſſumq; tenet: Quæ ſors, quæ proſpera cœli
 Viſtulerit, quod, atq; unde rogant: centum, heu,
 procul annos

Absentem patriâ, oblitumve queruntur. At ille

Nunc hos, nunc illos veteres complexus amicos,
 Adsum, inquit, Memphi digressus, longa viarum
 Post spatia, & soles terdenos; vosq; salutant
 Et Maria, & Joseph, & pulcher Jesus; omnes
 Quos liqui incolumes, & quorum læta reporto
 Nuncia. Ad hæc festus sublatu ad æthera clamor,
 Arrestiq; animi, vulgatusque illico rumor:
 O age, dic, hospes, seriemq; ab origine pande;
 Quid Phariâ regione struit pater? ecqua relicta
 Cura domus? quantum miserè expectantibus usq;
 Restat adhuc? Fesso nunc parcite; fusiùs, inquit,
 Cras, ubi per noctem sopor instauraverit artus,
 Cuncta renarrabo. Sed non turba anxia matrum
 Ferre moram, simileq; rubis, ederaeque tenaci,
 Vestibus apprensus, votis, precibusq; fatigant
 Circumfusæ omnes: siquidem retinere furentes
 Lætitiâ, & differre avidis libamina prima
 Quis poterat? Tonitru interea ter cærule nubes
 Insonuit læto; mox optatissimus imber,
 Quem dudum campi sitiebant, murmure levi
 Labitur, insequiturq; ater rupto æthere nimbus:
 Ocyùs hæc illac profugi, cogente procellâ,
 Quâ via, quâ propior domus, & quâ densior arbor,
 Corbibus in caput injectis, testiq; galeris,
 Quos cuiq; ingenium tulerat, succedere testis
 Agricolaë, & clausis nimbos arcere fenestris.
 Atq; ita congressum pluvia, & nox atra diremit:
 Ast ubi detergo penitus nitidissima eoo,
 Mane aurora algens humili de colle refulsit,
 Convenere fenem Susanna & Debbora primæ,
 Queis Maria ante alias primis assueverat annis,
 Bimula adhuc, utriq; olien, discrimine parvo
 Areolæ, junctis laribus contermina tecto.
 Huic illa intextum velamen miserat, illi

Niliacam zonam; & gnatis quoq; Diva gemellis,
 Utriusq; memor, cerâ de candidâ eburnum
 Addiderat dono pupum cum crinibus aureis,
 Vellere compositum niveo; & de vellere eodem
 Candidiorem ebore & cynis adjunxerat agnum:
 Has senior merces ubi protulit, inter odora
 Cinnama quas secum convexerat, Hoc tibi velum,
 Susanna; hanc, inquit, Phariam tibi, Debbora,
 pallam;

Atque hæc Benoni, hæc Vasthi munuscula ferre
 Commisit Maria, inque sui vos pignus amoris
 Ista tenere rogat: veniam simul usque precatur
 Si non plura, exul nempe & paupercula, donat.
 Obstupuere ambæ percussæ, & multa volentes
 Dicere, non illas lacrymæ, gemitusque sinebant.
 Mirantur, versantque manu tenuissima lina,
 Vixque audent digitis contingere cerea summis
 Munera, nec cessant alternis reddere grates.
 Jamque aliæ interea matres, nuptæque, nurusq;;
 Longæviq; fenes aderant, confertaq; pubes
 Plurima; perq; manus ibat mirabile textum;
 Rimanturq; opus, atque aditu speculantur ab omni,
 Et varia in luce observant, & cuncta tuendo
 Expleri nequeunt oculi: Atque an pinxerit ipsa
 Mater acu illa Arabum folia, atq; ubi fila reperta
 Tam varia, & vivus color ille an flos amaranthi,
 An cerasi, an citri; super omnia cereus ille
 Quem roseis labris, quem reddat pupulus ore,
 Lis erat, & strepitu vario sententia discors,
 Vectoremq; adeunt, importunæq; lacescunt,
 Passeribus similes, ingenti murmure cum se
 Vepribus atque ebulis æstivo vespere condunt.
 Hæc inter Jonas narrabat mira seorsum
 Longævæ Thamari, atq; aliis: Utque ordo ferebat

Et rerum series, ad casum fortè volucris
 Venerat, abstrusam trunco quam rite colebant
 Silvicolæ Ægypti; puerique adventus eandem
 Egerat ad stygias umbras. Audite, puellæ,
 Vos quoq; , ait Zelphe; & muliebrem voce susurrum
 Increpuit Jesse ruris pater. Incipe quæso,
 Inquit Abra, historiam rursus miræ arboris, unde
 Penniger ille ater depulsus; penniger, inquam,
 Ille latens ramis vetus incola. Sic ait, atque
 Sedibus injunceis matres, arcisque salignis
 Confedere alii, fecitque silentia rursus
 Bersabæa manu: tum sic bonus institor. Arbor,
 Dicebam, est ingens prope Memphim, ipsique coæva,
 Ut perhibent, Orbi, inque auras altissima visu
 Tollitur: immanem truncum vix brachia circum
 Ducta queant novies passis complectier ulnis.
 Huic horrens inerat bubo, agrestemque putabat
 Gens ignara Deum: dubiis hinc omina rebus
 Poscere, perfusasque mero cum lacte solebant
 Porgere primitias frugum, solemnina dona.
 Fortè dies aderat, quæ simplex turba quotannis,
 Ad liquidum fontem, fatalis cui super arbor
 Imminet, exercet ludos; epulisque peractis,
 Frondosi nemoris velatus tempora circum
 Deciduis foliis, responsa expectat aruspex,
 At non è ramis, ut pridem, audirier ales
 Incola, nec precibus, nec donis flectier ullis.
 Adduxere nigrum mactandum rite juvencum,
 Instaurantque epulas. Tum verò emissus ab orno
 Feralis gemitus, voxque exaudita per auras:
Me puer Hebræus, cui tellus, abstraque subsunt
Imperio, hic veniens migrare in Tartara cogit.
 Dirigere metu, & circum tremere omnia visa;
 Mox nido prodire niger vapor, inde repente

Tar-

Tartareus volucer coram se sustulit alis
 Horrendus visu . Ter pennis circuit atris
 Antiquam sedem ; ter summis fidere ramis
 Conatus , racuo ter cum stridore relapsus :
 Inde fugit , sequiturque fugam sœdissimus imber
 Grandine commixtus ; tum glebæ , & grandia saxa
 Conjecta in pateras , revolutaque pocula mensis :
 Illico diffugiunt , metus & pavor omnia turbant ,
 Solemnesque dapes , infectaque sacra relinquunt .

Substitit hîc senior paulum , interfataq; Dina est
 Quis puer ille autem , stygius quem dixerat ales ?
 Nunc sequar (hospes ait) ficcis permittite labris ,
 (Nam crudis cœpis vos aspera faucibus hæsit)
 Tantisper liquido verba irrorare lyæo .

Sic ait , appositoque mero , ut gens prisca solebat ;
 Implevit pateram , manibusque utrinque prehensam
 (Quod felix , focii , faustumque sit omnibus) hausit ,
 Bisque interrupit synceris laudibus haustum ,
 Inversaue manu barbam , atque ora hispida ter fit
 Adjecere animos rursus : sic ille secutus .

Ecce autem , postquam bis tertia fulserat Eos ,
 Ecce , inquam , Jessea Parens complexa puellum
 Intortum pannis , deserta per avia parvum
 Ferre videbatur tenera inter brachia solem ;
 Bisgemini anteibant juvenes , atque alter cuncti
 Signat iter , prensasque manu regit alter habenas
 Æstus erat , medioque dies altissima Olympo ,
 Et lassus senior conjux deponere in herbâ
 Jamdudum optabat fessum latus , ægraque membra ;
 Atque oculis circum lustrabat , sicubi rivus ,
 Aut usquam tecta ulla forent : Cùm rustica fortè
 Filia messoris veniens de rure puella
 Montravit fontem , & prope fontem umbracula
 densa

Arboris (hæc erit illa arbor, quam diximus) atque
hîc

Sarcinulas posuit pater, atque è margine pronâ
Cervice (hausit aquâ gelidam; & quâ purior algens
Manabat similis vitro liquidissimus amnis,
Fagineam implevit scutulam, uxorique sedenti,
Optantique tulit; consuetos scilicet haustus,
Queis, exosa merum, teneris assuevit ab annis.
Interea fessi dum puri ad murmura fontis
Respirant paulum, dum lenia frigora captant;
Ex improvîso (dictu mirabile!) mota
Inclinari arbos à tergo, & flectere summa
Culmina, detortis invertens brachia truncis:
Quod simul ac sensit, (nam pronis frondibus ipsos
Jam Mariæ attigerat crines, & mollia colla)
Extimuit subito, pressitque ad pectora natum;
Conversisque repente oculis suspexit opaci
Obsequium nemoris, stupuitque tenerissima mater.
Nec fatis. E curvis ramis nata illico poma
Sponte cadunt, pars ante pedes, pars gramen in-
altum,

Pars in stagna; sinusq; inter, gremiumq; resulant.
Ipsa manu dein casta parens acclinis ad undam
Fasciolas pueri lavit, traxitque salubrem
Contactu ex illo vim postea vitreus amnis,
Unde sacro tacti igne bibunt, ægrique cameli,
Et læsi jaculis abstergunt vulnera cervi.

Hæc mihi narrabat Joseph: namque ipsa roganti;
Quo fugiat, pudibunda parens tegit omnia risu.

*O quæ mira, hospes, memoras! Quod deinde puella,
Quod gressus peregrina tulit? namque abdita prorsus
Nunquam aliâ audita refers. *Procul, inquit Jonas,
Excepit Memphis, Memphis cui mœnia centum

Circum

*Asteriscus * denotat interlocutores varios.*

Circum errant stadiis, ætatis undique portis
Pervia, pensilibusque hortis, & turribus, inter
Nilivæ urbes, terris celeberrima eois.

Hic verò exulibus nostris conductæ prope amnem
Ædícula extra urbem lætissima; namque fenestris
E geminis Nilum, supraque infraque meantes
Prospiciunt toto amne rates, solatia fessæ

Interdum nuptæ, quæ sola, & cognita paucis
Interiora domus servat. * Sed quis labor olli?
Quo vitam infelix tolerat tot saucia curis?

* Nempe manu industri, digitisque intentæ laborat,
Pingit acu, pictasque stupet vicinia telas.

Hæc chlamys, hoc peplum Mariæ labor est; puer iste
Cereus ejusdem pariter labor. * Hinc, Berenice,

Teque, tuosque pores Phrygios abscondere flores;
Aspice quos flores pingit Jesseja. * Jam quid

De puero JESU narras? grandiusculus ille
Creverit, æquævo venturus namque decembris
Quartam hyemem Benoni addet: quid jam ille
tenellis

Incipit enodare labris? quæ gratia dictis?

* Quid senior conjux? ecquando in patria testæ
(Nam quid adhuc metuit?) gnatum, uxoremque
reducat?

Hic bonus illacrymans hospes plorantia terfit
Ora oculosque, manusque ad sidera sustulit ambas;
Delicium nostrum puer ille est, ipsaque mater
Transtulit è gremio sæpe in mea brachia, sed non
Oscula ferre genis potui unquam, nam sacer obstat
Continuè pavor, & pulchri reverentia vultus.

Ille mihi curas vultu aspectuque serenat.

O belli crines! o labra corallina! Vellem

Audires, Susanna, semel cum matre loquentem:

Audivi ipse semel, nec possum audita referre.

* Certè

* Certè aliquid plusquam mortale est ille puellus ;
 Et dixi toties , Maria , hic puer , hic tuus infans
 Non est quem cæcum vulgus putat esse : fatere ,
 Altior est illi quam sit mortalis origo ,
 Tuque hæc mira files , sed & ipsa silentia nosco .
 Tum pater : Audite hoc , Memphi quod nuper in
 horto

Contigit , & nostris sit meta hæc ultima dictis .
 Venerat alma parens Phariæ molitricis in ædes ,
 Hortus ubi exiguus fuerat ; sed , frigore nondum
 Exaëto , nec dum rupto se prodere primum
 Folliculo , quos fagineis servabat in urnis ,
 Audebant flores , colocasia pleraque pictæ
 Hesperides , nasturtia fera , rosæque Damasci .
 Illa tamen puero optanti decerpserat unum ,
 Cui calycis scissi è rimâ jam coccina vestis
 Exhibat distincta croco : Pulcherrimus infans
 Ut tenuit , risit paulum : (mirabile dictu !)
 Flosculus ipse etiam risit , nexusque virentes
 Rupit , & explicuit se se : exemplumque secuta
 Cætera turba etiam pictis caput extulit urnis .
 At cæpæ quotquot fuerant , atque allia in horto
 Continuo traxere luem , morboque peremptis
 Succedere alii frutices ; flosque aureus inter
 Purpureos reliquos , cui crux , & tristia quædam
 Symbola , malleoli in foliis , & virgea flagra .

Talia narrabat , cunctis mirantibus , hospes :
 Nec finis fandi , tot millia poscere rerum
 Instat adhuc denso circumfusa agmine turba ,
 Effugiumq; vetant . * Satis est : permittite jam nunc
 Ut pagum , & patrios agros , atque arua revisam ,
 Namq; diu hunc haustum puri ætheris exul anhele .
 Sic ait , atque iterum in pateram reliqua amphora
 versa est ,

Liba-

Libavitque merum pleno tibi, Partheni, vitro.
Inde domo egressus circum ibat florida rura,
Vitiferos laudans colles, auramque salubrem.
Donec longævi ventum est Simeonis in hortum;
Nupta ubi Bethlæo juveni pulcherrima Elisa
Traxerat agrestem festa ad convivia turbam.
Mensa ibi structa ingens sub opaco tegmine lauri;
Impositæque super lances, metretæque nigro
Stannea plena mero, & similis Phario obelisco
Caseus in medio, atque anates, fumantiaque exta.
Convivæque boni circum, puerique, operæque,
Messoresque, viri, nuptæ, innuptæque puellæ.
In medio Jonas pater in cathedrâ objegnâ,
Thoraca exutus, geminos interque molossos
Jura dabat. Non hîc famuli, nec inutile pondus
Argenti, & vanæ lites cui debita primùm
Ante dapes manibus lymphæ, & subsellia circum
Bellum importunum qui primâ in sede locandus,
Quive locus princeps; nec dignior expectandus
Qui bibat ante alios, totque inter fercula tricæ,
Juscula, pulticulæ, pastilli, & glutina rerum:
Sed quales natura dapes creat, atque labore
Empta fames, vultusque bonæ, & super omnia curis
Liberæ mens, quâ pauperiem clementia Divûm
Temperat, humanis ex æquo provida rebus.
Talibus ergo diem solemnem turba trahebat.

Interea Virgo, & Phariâ regione Puellus,
Absentés quamvis, disiunctique æthere longè,
Gaudia sincera, atque animos, atque otia pagi,
Lætæ vident: utque alma suum tunc fortè gerebat
Infantem gremio complexa; utque ambo vicissim
Muneribus super, & dictis, atque hospite Jonâ
Plurima contulerant, sic Parthenis ore locuta:
Alme Puer (paulûmque metu, non ausa fateri,

Con-

Continuit se : mox iterum , formidine pulsà ;
 Institat) alme Puer, tua si mihi certa voluntas,
 Pulchrum aliquid nostris hodie permittere, si fas;
 Agricolis inter solatia rustica vellem;
 Idque rogo, & meruere boni. Jam tempore longo
 Quæ miseros, nobis absentibus, ægra fatiget
 Cura, laborque vides. Quid si manifestus uterque
 Lætitiæ & ludo intentis, dum gaudia fervent,
 (Idque potes nutu) coram improvisus adesset?
 Quæ tibi mens? quid ais, pulcherrime? dixerat.
 Olli

Dius amor (quid enim matri neget?) ardua quamvis
 Illa quidem, atque insueta poposcerat, ore sereno
 Annuit: atque diem festum, & convivia ruris
 Claudere successu libuit genialia miro.
 Assensit cælo Genitor quoque summus ab alto,
 Altius hinc orsus quæ post memoranda canemus:
 Inventusque modus, condictaque tempora, lusus
 Agrestes inter, sero post prandia sole:
 Tantus amor patriæ, atque absente in Virgine cura.

Jam virides ergo platani majoribus umbris
 Undique opacarant hortum: tres circiter horæ
 Restabant solis, fusique hinc inde per herbam,
 Aggestasque trabes super, & sub viribus altis
 Agricola prænsi jam dudum tœdia ventris
 Distenti inter se vario sermone levabant.
 Cùm senior juvenes lentos in terga jacentes
 Increpuit dictis pater Ammon: Oh quid inertes;
 Ceu pasti saturique boves in stramine fusi,
 Tandiu, ait, segnes horas consumitis? io!
 Macti animis, pueri, detergenda oscedine; ludo,
 Dum vacat, hoc reliquum traducite; surge age.

Laban,

Surge, Joas piger, heus! ohé! Simul Abra puellas
 Parte

Parte alia hortari, atque omnem undique cogere pubem
Nomine quamque vocans; Esther, Sulamitis, Elisa,
Ad ludum: ludo pulcherrima præmia victrix,
Quæ socias cursu valeat prævertere, habebit.
Continuò succensit animi, atque arrepta Juventus:
Convenere omnes. Tumulo Susanna virenti
Explicuit manibus velum, quod miserat alma
Parthenis, hesternum munus. Quæ vicerit, inquit,
Hoc Mariæ peplo cingat sibi tempora, sed dein
Restituat post tres soles memor, atque rosarum
Dona dabo innexam philyrâ violisque coronam.
Inde alium, juvenes, ludum celebrabitis; ipse
Præmia, ait Jonas, victori pocula servo,
Pocula plena mero. Præcedite rite, puellæ:
His dictis festus sublatus clamor ad auras,
Injectusque alacer furor, & nova gaudia cunctis.

Præsum erat, & salices inter longissima visu
Semita utrinque virens, longèque erecta sub auras
Sylvestris morus, cui quæ prior oscula ferret,
Atque manu viridem ramum divelleret, illa,
(Sic statuunt) roseum sertum, & velamen haberet.
Ergo, locis pariter captis, Alphæus utrisque
Percussis manibus signum dedit. Hicet omnes
Effugiunt nimbo similes, studiisque Juventus
Instigat variis: Urge vestigia, Rachel,
Te Damaris propior jam jam tenet: Hei mihi
rhamnus.

Vestibus implicitus: Zambrim fuge, Dina, sequentem
Perge alacris Juditha prior. Sonat undique læto
Circumjectus ager strepitu, vocesque per auras
Congeminat nemorosa echo. Verum omnia pastor,
Pastor amans Nymphæ, nimis cupidine flagrans
Turbavit Daniel. Hic primo in flore inventæ
Juditham sibi promissam, quâ pulchrior ulla

Non

Non erat æquali in cœtu, præcedere cursu
Ardebat; studiisque, & nisu corporis omni
Incumbens, votis, oculisque impellere euntem
Instabat: sed postquam ultra perducere posse
Non aliter videt; heu! Damari nil tale timenti,
Heu lassæ, quæ jam metam prope anhela tenebat;
Vicino è rivo faciem, vestemque, capillosque
Irroravit aquâ, & festum maculavit amictum,
Reticulumque, & syrma novum, calceosque nivales.
Illa furens animis sorbum, quod fortè gerebat,
Conjicit in tergum fugientis, plurima frustra
Vociferans, oneratque probris, & fuste reperto
Nequicquam insequitur: dumq; iras luctibus explet
Femineis; raptum interea Juditha redibat
Ostentans manibus ramum. Non liber habenis,
Effusisque jubis tanto redit impete victor
E stadio Malsylus equus, non Parthica arundo,
Ut campos fugiens niveis quatit illa cothurnis,
Crinibus in ventum sparsis. Sed virgo secuta
Æmula par zephyris, & denique crine prehensam;
Injectaq; utrâq; manu tenet, atque virentes
Multa reluctanti frondes rapit; inde citato
Ipsa prior cursu redit, & sibi debita dona
In medio cœtu exclamat, sparsique recentes
Deplorat maculas rivi. Sed & altera plorans
Sublatum repetit ramum, atque humeralia scissa;
Et laceras queritur vittas: atq; hinc pater Ammon,
Inde utramque bonus dictis compescere Jonas.
Quin & ridiculus Nabal se gutture pingui
Arbiter in medio statuit; quem plurima fantem,
Quâ peponi agresti par struma excreverat ingens,
Ambabus Damaris repulit facto impete palmis.
Labitur ille putre in stagnum resupinus, ut ipso
Margine constitit propior. Risere cadentem,
Nec

Nec sese tenuit Juditha, nec altera, cœno
Ut videre atro emergentem, quem excita circum
Turba canum insequitur lutulentum, &, quâ fugit ;
anfer,

Atque anates raucis quatiunt clangoribus alas :
Hinc paulum sopiti ignes, & fractior ira :
Mitior hinc animis furor, & pax deinde secuta :
Concordes junxere manus, & fœdere iusto
Res ita composita, ut vitrix Juditha referret
Præmia : sed mœstæ Damari promisit in aurem.
Debbora partheniam chlamydem solatia victæ.
Sed non hic finis. Lis altera deinde secuta,
Inque repentinum subito versa omnia luctum :
Stabant intentæ matres, & virginis unâ
Circum omnes texto cingebant tempora flore.
Illa acubus fixis accommodat ; altera subtus
Virgineum peplum nodo implicat ; altera flavos
Educit crines ; hæc denique corrigit omnia,
Atque aliter crines, & velum, & ferta reponit
Floreæ ; nec finis tricis muliebribus. Ast heu !
Heu Daniel miser ! immeritæ qui præmia nuper
Abstuleras Damari ! Nunc sacro denique velo
Clausa, inter veluti nimbos argentea luna,
Ut stërit in medio tua Judith compta amaranthis ;
Et vernis redimita rosis ; heu non tua Judith
Amplius, heu sponsum, thalamosq; averfa repente ;
Et tedas exosa fugit, pactosque hymenæos ;
Conjugiumque palàm, & veteres detrectat amores :
Necquicquam mater, nequicquam cætera turba,
Atque avia, atque soror dictis lenire furentem :
Q gnata, o miseræ dolor, & spes vana parentis !
Unde odia ? unde iræ ? subitæque infania mentis ?
Ipse amiens pastor flens, atque in genna volutus
Crimina scitari lacrymas, veniamque precari.

Aspera

Aspera sed virgo, dictis haud mollibus, alto
 Abnuit ore minax; quantumque miserrimus ille
 Obsequiis ambit; tantum illa ferocius arcet.
 Dein versa ad matrem, Thalami jam desere curas
 Hinc, ait, o genitrix, lacrymisque absiste precari;
 Nam mihi Carmeli sacra inter culmina florem
 Virgineum, atque ævi illæsum servare pudorem
 Est votum: hanc certam injiciunt mihi sydera
 mentem.

Tum verò infelix sponsus quatiens pede terram
 Et scissâ endromide, & chlamyde, abjectoque galero
 Ingratam, immemorem, infidam, agrestemq; vocare
 Præmia cui ludo victæ nil tale merenti
 Heu demens tulerat: nunc donis nempe superba
 Promissos fugit illa toros. Furit improbus irâ,
 Et, nisi vi teneant conantem solvere capta
 Brachia, fortè ruat præceps moriturus in amnem
 Aut sanctum properet manibus rescindere textum
 Tantus agit cæcam furor & vesania mentem.

At non passa diu tristes mitissima Mater,
 Nec donis turbare suis solatia ruris.
 Audiat hæc, exosa domum, si qua innuba virgo
 Nubere cœlesti sponso velit: audiat illa
 Cui thalamo felix, cui sese obstringat amanti:

Fortè in secessu viridi, dum talia fervent,
 Tres pueri, summo speculati in vertice nidum
 Luscinia appensum ramis, quæ carpinus ingens
 Floruerat, jactis glebis saxisque per auras,
 Dejicere instabant; parvis tamen irritus omnia
 Jamdudum conatus erat: Cùm visa repente
 E latebris sylvæ ante oculos pulcherrima imago;
 Incessu prorsus, gestuque, habituque MARIA.
 Illa erat, illa manu Puerum de more trahebat;
 Seu visa in speciem tantum, seu uesta per auras;
 (Quid

(Quidquid id est) medio coram nitidissima laco
 Substitit , arridensque suo de more locuta .
 O pueri , teneros haud fas convellere nidos ,
 Atque suos matri per vim subducere fortus ,
 Quos illa instruit ad cantus ; nam deinde solutis
 Illi etiam linguis , cantu nemora avia mulcent :
 Huc, ait ; & positis saxis accedere coram
 Improbulos , cœnoque manus abstergero iussit ;
 Eduxitque sinu tria persica , & oscula rite
 Ferre prius manibus docuit ; primumque Manassi ;
 Tum Jonathæ , Phineique dedit : dein jam fugientes
 Acceptis donis , cupidos ostendere , rursus
 Ad sese revocat , prohibensque ea lædere morsu ,
 Ferre intacta jubet : Vestris & matribus, inquit,
 Si vos fortè rogent , Maria hæc Jesseia nobis ,
 Dicite , dona dedit ; gravibus jam libera curis
 Huc reditura brevi . Memores hoc deinde tenete :
 Dicite Juditham mihi servant , quam meus Infans
 Vult castis thalamis jam nunc sibi nubere Jesus .
 Audistis ? Juditha meo desponsa Puëlle est :
 Hic meus, hanc, inquam, sibi nuptam destinat Infans
 Sic instat , nomenque iterum , & mandata reposcit ,
 Ut memores servant , recitentque fideliter omnia ;
 Et blasas voces , semesaque dicta reformat .
 Tantaque simplicitas erat , ut jam ferre docentem
 Præcupidi haud possent : Ite ocyùs , ite , puelli .
 Ocyùs exiguos per culta virentia gressus
 Accelerant læti ; procul & clamoribus altis
 Dona manu ostērant : Maria hæc pulcherrima donat ;
 Mirantesque adeunt matres, gremiisque reponunt ,
 Et Mariam quandam , haud sibi notam, hæc pulchra
 dedisse

Munera . Ubi ? qualis ? quænam ? rogat undiq ; circum
 Anxia turba . Illi vestes describere , & ora :

Et digitis monstrare locum , & promittere certos
Quamprimum in patriam reditus ; atque insuper
addunt

Juditham Jesu desponsam , hanc nubere certis
Promissis Puero . Tum facta silentia linguis ,
Injectusque pavor , sopitaque jurgia amantum .
Illico deproperant certatim è colle virenti
Præcipites, ducibus pueris . Ubi verò ? ubi visa ?
Solliciti , intentique rogant . Illi omnia circum
Vestigare oculis : Hic primum objecta Manassi ,
Hic erat . Ast illic jam fons argenteus undâ
Stagnabat vitreâ ; violæque , rosæque marinæ
(Sic Itali appellant albas) cernuntur in herbâ !
Illa tamen nec per salices quæsitâ , nec inter
Pineta , & larices , iterumque iterumque vocata
Ulli usquam responsa dabat . Viden', Ismaris, illam !
Eccilla ! At subito ex oculis evanuit : at mox
Visa iterum tiliâ super altâ : at visa refugit .
En rursus in stagno ! Rachelis sed fuit error ;
Namque erat in nube, & vitreo apparebat in amne .
Nec deinde ulterius visa ulli . At territi agrestes ,
Collectis cedris sylvestribus , atque ligustris .
Juditham Jesu desponsam rite sacrabant ,
Ignari quanto se nomine tollet ad astra
Bellatrix quondam ; quantum feret ardua palmas
Juditham super antiquam ; quæque inclyta rerum
Hinc series oritura ingens , Jesseia postquam
Parthenis in patrios remigraverit alma penates ,





LIBER SECUNDUS.

ARGUMENTUM.

Virgo ex Ægypto redux in itinere ab Angelis convivio excipitur. Patrios colles subeuntem vindemiatores longè prospiciunt. Oppidani admoniti obviam exeunt. Domi Susannæ excipitur; inde paternas aedēs subit. Puerq, Matri, & senī nutritio felices somni, nocturno cantu, è cælo devocantur.



Andida jam cælo reparabat cornua Phœbe,
Spiciferamq; manū radianti proxima soli
Erigone stellis gemmatam absconderat
axe;

Cum lætia guriis tandem cælestibus alma
Nazarii adventum Divæ sensere propinquum.
Scilicet hæc illis reditus certissima signa
Discedens dederat Jonas: Tria lilia quando
In Mariæ speculâ niveum de cespite florem
Protulerint, cælo lunas exinde recentes
Observate, inquit; bis tertia namque reducet.
Lilia vernarant, bis tertia lunaque primum
Clara inter roseas visa est argentea nubes.

Et jam Diva parens Mareotica regna relinquens,
Cælesti monitu, sævi post fata tyranni,
Cum sene, cumque suo tandem expectata Puella,
Nazareos læta in colles, atque arva redibat.
Olli puniceis interflaventibus ambit.

Texta umbellâ comas paleis, & tempora inumbrat,
 Coccina quam propius substringit tœnia nexu:
 Obliqua ex humero descendit janthina zona,
 Qualem fusca genas, & multo torrida sole,
 Singario veniens è pago Ægyptia mater
 Ferre solet; niveos cyclas tegit ima cothurnos:
 Fræna regens senior custos it prævius: ipsa
 Fœmineum iu morem vehitur, nigrosque capillos
 In spiram tortos mundissima lina coërcent.

Sylva fuit tamarice virêns, elatîsque recurvis
 Palmarum, torto quâ scrupæa calle nitentem
 Exigui laticis dicebat glarea venam.
 Haud procul inde Cifon it campis murmure rauco,
 Prætextus glaucis cannis, limoque palustri,
 Læta Palæstinae per pinguis culta volutus.
 Hic, fluvii haud procul à ripâ, sub colle virenti,
 Bisdênî alati juvenes, nemus inter opacum,
 Floriferam mensam secretâ in valle pararant
 Parthenidi, & nato: opportunaque tempora nacti
 Ramorum è latebris læto clamore repente
 Erupere. Delos timuit deprensa viatrix:
 Extemplo: risit cælestis Populus: ipse
 Improvisum epulum senior, distentaque in herbis
 Candida lina stupet. Circumfusi undique ephebi,
 Pars onere infantis longo relevare parentem,
 Quadrupedis pars fræna manu prensare fugacis,
 Sarcinulas servare alii: mitissima Virgo
 Officiosa queri, superûm se fraude petitam,
 Se circumventam; simul interiora subibat
 Frondentis sylvæ, quâ subterlabitur alnis.
 Hinc atque hinc torrens. Illic gratissima lassus
 Parta quies paulum, & viridi mora dulcis in umbrâ.
 Crinibus alludunt Zephyri, strepit undique pennis
 Pictarum volacrum festus chorus, anthusi, aulæde,

Ar-

Ardeolæque, canarinique. At rite ministri
 Dant manibus lymphas : alii mantilia tonsis
 Expediunt villis : alii cerealia liba,
 Mora, oleasque ferunt. Magno prius alma Parenti
 Attollens oculos, purasque ad sydera palmas
 Libabat Regina dapes ; quas ordine pulchro,
 In niveo alabastrite, inspersis amarant his,
 Effusisque crocis, adianto, & amaraco odoro,
 Imponunt famuli, lac pressum, cerea pruna,
 Et mella, atque suis adopertas frondibus uvas.

Hæc cernens limis oculis teterrimus Orci
 Rumpitur invidiâ genius malus. Inter amœnæ
 Anfractus vallis, procul observarat euntes
 Jampridem, scopulos circum, & juga celsa pererrans
 Capripedi Satyro similis : nunc anxius amens
 Circum ibat nemus : ut mensam qui olfecit herilem
 Villosus canis, at metuens oleagina tergo
 Verbera, stratus lumi lances patinasque tuetur,
 Hinc atque hinc motâ fallens jejunia caudâ :
 Haud aliter Stygius lustrabat singula gurgēs,
 Exertans oculos, nunc hæc, nunc pervagus illæc.
 At circum erranti, & per ramos cuncta tuenti,
 A tergo alatus fidicen, cornu inter utrumque
 Barbiton infregit medium, quod fortè gerebat :
 Nam tibi quod, petulans, aditus? ten', lucida pestis,
 Huc inferre? Apage hinc citius, procul, heluo.
 Vento.

Ocyor ille fugâ pedibus quatit arva bifukis,
 Tuta petens; summi scandentemque ardua montis
 Cernere erat pavidum, celsâ de rupe tuentem,
 Atque utraque manu plagam cervice regentem.
 Inde iter ingressi accelerant. Strepit æthere aperto
 Læta phalanx, pennisq; supervolat, arvaq; inumbrat.
 Pars florum manibus plenis effundere nimbos

Virginis alba super velamina : pars pedes ire :
 Ille equitat croceas nubes, hæc cruribus exit
 E mediis nebulis, hic summis prominet alis :
 Mille alii variis nectuntur in aëre nodis.
 Sic peregrè incedens patriis pulcherrimâ campis
 Virgo propinquabat, vultu allatura beato
 Solem improvisum, insperataque gaudia ruri.

Tempus erat, quo læta novo gens munere terræ,
 Grandinis, atque Austri immunem, illæsumq; pruinâ
 Autumnum plaustris, & fera legumina vectant
 Frugiferis è vinetis in rustica testâ.

Jamque fere medio octobri vindemia circum
 Exacta in campis fuerat: restabat apricus
 Azariæ collis, quò se gens rustica bennis
 Atque uncis tulerat cultris, confertaque passim
 Viminâ erant nigris uvis: sonat omnis agresti
 Lætitiâ & cantu clivus. Cùm raucus arator
 Auditus procul è sulcis intendere vocem
 Ingentem, & monstrare manu quiddam eminus;

Heus o!

Vos, inquit, Mariæ redeunti occurrite; namq; hic
 Bos cornu petiit, & nequeo discedere. Sed vox
 Eminus audiri haud poterat; frustra per auras
 Itque reditque idem venoso è gutture clamor.
 At Jerichunta emensa oculis latè undique campos,
 Atque arcens manibus phœbeja spicula utrisque,
 Per callem exiguum, vix, multo in lumine solis,
 Agnovit reduces, intentoque indice matri

Monstravit Zebidæ, hæc Myriæ atque Orphæ,
 Orphaque Osîæ,

Atque hic Romeliæ, hæc Liæ. Sed non tamen illam
 Credere vult Jonathas: Illa est, illa, inquit Elisa,
 Quam te ego præsentem video: * Quo pignore
 certas?

* Quo

* Quo tu cunque velis : signabatque indice certo ;
 Nec jam amens animo poterat , nec colle teneri ;
 Interea observant alii quâ Sylvia monstrat ,
 Sylvia Idumæas inter pulcherrima Nymphas ,
 Intentisque oculis , & hiulcis oribus adstant .
 At pueri jam præmissi , garritibus altis ,
 Illa est , unanimes geminant : illa , inquit arator ,
 E fulcis iterum clamans . Tum protinus altis
 Decurrere jugis , cistis in colle relictis ,
 Viscatis manibus raptim ad femoralia terfis :
 In corbem præceps Zabulon , in mulctra Barucchus
 Prolapso , atque agiles iterum (tanto impete oborta
 Gaudia) deproperant læti . Quis murmura verò
 Explicet , & voces , vultusq ; , hilaremque tumultum ,
 Illam omnes in tecta sequi velle : at bona mater
 Id verat , & qualis vindemia quantaque , læto
 Ore serena rogat ; comitesque anteire volentes
 Abnuat omnino . Tamen uvas rite ligatas
 Et puer , & custos , & formosissima Virgo ,
 Quisque suas manibus gratissima dona ferebant :
 Hinc iter accelerant . Mater blandita puella ,
 Purpurei autumnus donum sibi læta poposcit .
 Ille dedit , manibus sublatum munus utrisque
 Ostendens . Dictu mirabile ! juncta racemo
 Improvisa ceres mixtis flavebat aristis ,
 Quale amethysto aurum nexum , insertumve
 pyropis .
 Obstupuit genitrix : Unde hæc , unde aurea messis
 Cui Puer : Hæc olim geminâ sub fruge , cruento
 Jam propior letho , instituam solemnina sacra ,
 Atque utroque tegam Numen mirabile velo .
 Nec plura : attonitam dictis , trepidamque reliquit
 Corripuere viam , quâ multo semita gyrat
 Autumno dives . Dextrâ , lævâque frequentes

Juglandes, prunique, humilique ex arbore ficus,
Conferitis ramis; prætexunt undique callem.
Cernuntur veteres turre, atque oppida longè,
Immensum camporum æquor, nemorumq; recessus,
Auditurque fragor torrentis, quem cava subtus
Vallis agit per semesæ declivia ripæ:
Hinc iter in patriam nemoroso tramite villam,
Quam sol purpureo devexus lumine inaurat.

At pueri interea, quos non retinere potestas
Ulla fuit, raptim celeres in tecta volarant,
Ægrè animam præ lætitiâ cursuque trahentes,
Nuncia lætitiæ pubes. Volat illico fama;
Fit clamor tectis; Mariæ evulgata propinquæ
Nomina læta sonant: strepit omnis murmure
pagus.

Ad Deborah Samuel, ad Saram devolat Esther;
Contiguam Zambrim foribus Susanna vocabat;
Hæc speculâ ex altâ Sulamitim; hæc læta, fenestris
Ore exerto, Amarim: Jessæ puella, sodales,
Clamat, io! reducem jam nuncius alter & alter
Rettulit. Exoritur clamor, variæque vicissim
Scitantum voces: sed & ipsi cruribus hirtis,
Auditæ strepitu, lacubus qui vina premebant,
Attoniti cessant, & quæ nova gaudia poscunt,
Prodibantque rubro depicti corpora musto.
Jamque iter accelerans processerat obvia campis
Susanna, huic Judith comes ibat, pulchraque Elisa.
Nec longum in medio tempus, cùm visa per ulmos,
Perque humiles vites herbofo incédere clivo,
Pomiferos inter peregrina Puerpèra ramos:
Agnovere procul vestes, lacrymasque dedere:
Mox plausum ingentem tollunt, quo personat æther,
Et circumjecti colles, vallesque resultant.

Exiguum restabat iter; spatiumque, quod usque

Na-

Nazareum ad pagum superest, absolvere Virgo
 Vult pedes: arreptis frenis deducere asellum
 Inter se pueri certant: Judithaque pulchrum
 Implicitum manibus Jesum trahis: ipsa sodales;
 Mirantesque inter pergit Jesseia matres,
 Respirans placide, atque oculos per singula ducens,
 Sustentatque manu vestes, quâ semita aquosa est.
 Sarcinulas humeris Jonathas gerit: obvia passim
 Armenta occurrunt, agrestumque agmina. Jamq;
 Apparent humiles muri, turreaque vetusti
 Oppiduli vestitæ ederis, antiquaque tecta,
 Quæ procul agnoscis, Senior bone, flensque salutas.
 Ipse diem nollit jam seram absolvere Phæbus
 Tam citò, deque suo dolor est descendere curru,
 Atque utraq; manu roseos tenet axe jugales.

Ast ubi Susannæ bona Virgo evasit in ædes,
 Hic fragor, hic strepitus, amplexus, oscula mille,
 Mille hilares voces, mixtumque sine ordine discors
 Undique murmur erat. Nec viso littore nautæ,
 Nec genitrix nato, nec conjuge nupta recepto,
 Quem bello, aut pelago extinctum decepta
 putarat,

Nec quidquid possunt læti sibi fingere noctu
 Insomnes vates, æquare hæc gaudia possint.
 O tandem post secla redux! o denique sospes
 Reddita lux orbæ patriæ, expectata tot annis!
 Ut formosa redis nil cælo decolor illo!
 Quæ via, qui cursus, quæ fors inopina revexit?
 Ecce humeris curvis octogenaria conjux
 Alphæi, explicitis ulnis, edentula voces
 Non intellectas labiis conatur utrisque,
 Et gnatham (sic illa vocat) complexa fatigat.
 En Beroë, en veniens è torcularibus Abra,
 Musta recentia utraq; manu lætissima portans,

Cui puer hinc Ammon, hinc Ruben vestibus hærent.
 Mox Debora ascensu subit improvisa repente,
 Ingenti clamore ruens in colla; lacertis
 Injectis hærens non extricabilis: ipsa
 Candidior nive Cissa latrans formosa catella
 Agnoscit reducem, & circum mille implicat orbes,
 Et vestes scalpit, genibusque audacula reptat.
 Utque animam Debora assumpsit: Mella, inquit;
 in horto

(Attraxitque auram toto ore & pectore anhela)
 Mella, inquam, è seris dum seligo, nuncius Helis
 Te advenisse tulit, mea lux; huc protinus amens
 Advolo; sed fari vix possum, namque cucurri
 Præpetibus cervis, & fulminis ocyor alis.
 Ut tandem amplector! Quæ sors, dulcissima rerum,
 Quæ reducem fausta aura tulit? nam patria nun-
 quam

Oppida visuram, & prorsus mutasse Canopo,
 (Me miseram!) hos agros, & tecta antiqua putaram;
 Ut te versicolor decet hæc Ægyptia palla!
 Hiccin Niligenis cultus habitusque puellis?
 Te finito huc paulò propiorem in luce videri;
 Hæc inter festus sublatus clamor ad auras;
 Illataque faces, & lux face pulchrior omni;
 Namque aderat pulcher JESUS Samuelis in ulnis;
 Atque unà longævus Amos, & vertice glabro
 Natanaël; vèteres Joseph quos inter amicos
 It lacrymans; interque manus pulcherrimus Infans
 Stabat, ut in mediis nivibus rosa nata decembri,
 Quam circum canæ glacies mirantur & imbres
 Vernantem, nec duram hyemem, nimbosque timentē.
 Hinc Bersabæa, hinc Rachel, & Sylvia ridens;
 O quæ bella humero vestis, niveique cothurni!
 Quæ manus hæc nevit, quæ licia candida torfit?

Ille,

Ille, ori digito inserto, placidissimus adstat,
Nec pavet hirsutum mentum Samuelis, & horrens
Brachia circum, semiadapertaque pectora linum.

At satis est, matres, satis est, discedere lassam
Jam finite in patrias ædes: nam tempora fando
Haud deerunt: sic Beris anus, sic Debbora dictis,
Sic jubet ori gravi Samuel; nam sistere votis,
Nec precibus potuere ullis, facibusque præbat
Juditha, inque diem (nequicquam, Diva, recusas)
Debbora jam statuit convivio festa sequentem.
Talia Virgo tulit patrio solatia ruri,
Post noctem obscuram, suspiria, vota que multa,
Mercedem luctus, primæque crepuscula lucis.

Nox ruit. In nidis volucres, in frondibus aura;
Ipsa etiam ripis stagna acclinata quierant;
Et dormire putes, pictasque in gurgite stellas
Esse quiescentis nitidissima somnia lymphæ.
Cum levis in nimbo delapsa volucribus alis
Lætitia in terras stellato ex æthere venit:
Cui comes ille ciens animos, & pectora versans
Spiritus, (a) à capreis montanis nomen adeptus,
Ignotum Latio nomen; pictoribus ille
Interdum assistens operi, nec segnius instans
Vatibus, ante alios Musis gratissimus hospes.

Pastor erat Didymus, qui quondam captus
amore

Cælesti sese comitem sociumque puello
Addiderat Jesu. Is ventos prædicere doctus;
Quidve obitus ferrent varii, astrorumque meatus;
A strepitu procul, & turbâ, sylvestribus annos
Egerat intentus calamis, haud noxius ulli.
Felix, cui vigiles nondum prudentia curas
Attulerat veniens; quin rerum incuria, & ipsa

B 5

In-

(a) Vulgò Capriccio.

Inconstans mens, & vaga conciliarat amorem ?
 Huic levis, in noctem jam seram, Spiritus ille
 Lætitiae comes insiluit; quo plurima secum
 Ibat agens animis, insueto percitus æstro.
 Namque injecta hilari mens improvisa: sub ipsis
 (Cogere si posset sociorum plestra) fenestris
 Virginis, instruere ad citharam melos, atq; sereno
 Hospitibus fessis cælo deducere somnos.
 Sed quid tum poterat? quosve importunus adiret?
 Aut pulsare fores obscurâ auderet in umbrâ?
 Hæret inops animi, mentemque per omnia versat:
 Ecce autem, vario secum dum fluctuat æstu,
 Ecce, inquam, socii vates, quos entheus idem
 Spiritus excierat. Citharas hic vertice eburno,
 Ille lyram ex ebено, hic sistrum sua munera
 quisque

Delicias, atque agrestum intervalla laborum,
 Attulerant secum. Non gratior ulla voluptas,
 Quàm quæ improvisè condita acceptaque, nullis
 In longum trahitur dilata ambagibus. Ergo
 Unà omnes pariter per opaci compita ruris,
 Quod furor immissus, quod mens incensa vocabat,
 Elpinus, Pastor Ligus, Alcindusque secuti,
 Montanusq; (hæc nomina erant; sed Montius iste
 Hic Magius vulgò dicti, Pastorius ille,
 Hic Lemene) papaveribus, sertisque rosarum,
 Et violis crinem præcincti: nec mora. Postquam
 Ventum est stellato sub dio ad limina nota;
 Summissim inrer se primùm, intentique canoras
 Auribus explorant chordas, tenduntque remittuntq;
 Ad numeros calami certos. Cunctisque paratis,
 Dum quisque officiis certat, primusque recusat
 Rumpere præ reliquis nocturna silentia voce;
 Ipse canam, finem positurus, Didymus inquit:
 Nam;

Nam, vereor, si forte puer vos ille canentes
 Audiat, haud unquam vigilantes claudet ocellos;
 Usque adeò vestras dulce est audire camœnas.
 Ipse autem, quantum rauco modulamine possum;
 Infidiatricem, venatricemque soporis
 Fabellam meditor, quæ tædia, languoremque
 Paulatim insinuet. Simul ergo per aëra somnos
 Videritis cælo delapsos, illic nobis
 Cessandum inque humiles, nullo clamore, fenestras
 Cogendi bellè. Facile est agnoscere: plumæ
 Sunt humeris variæ, sunt alba papavera circum
 Tempora; populeosq; agitant sine murmure ramos
 His ita compositis, per opaca silentia pastor,
 Concordes inter citharas, sic ora resolvit.

Humanus peragrabat Amor, sine viribus, æger
 Jamdudum: furtim namque ille comederat hortæ
 Aurea poma; latens quæ forrè infecerat anguis:
 Optabatque miser quiddam, nec quid sibi vellet
 Infelix norat; sed erant medicamina quædam,
 Quæ tamen haud ullis poterat conquirere terris.
 Venit ad auriferum Gangem, sed acerbius inde
 Anctæ sitis; rursusque Tago sitis altera crevit.
 Sedit Erythræum ad pelagus, sed littore in ipso
 Dum conchas aperit digitis, digitum una mo-
 mordit,

Quem læsum intorto religabat tænia filo.
 Venit & in Cypron lassus. Quid singula narro?
 Nullum erat in terris ægro solamen Amori.
 O miser, ignarus quæ pars tibi cognita nondum
 Terrarum profugo restet! Tibi restat Idume:
 Hæc regio, hoc cælû, hæc certam feret aura salutem.
 Venit Idumæas tandem.... (subsistite paulum;
 Nam quiddam, instar avis, visû est confidere opacos
 Hosce inter ramos; sopor est pulcherrimus & mox,

Spero, alios pariter deducam in retia cantu)
 Venit Idumæas tandem, inquam, fessus in oras;
 Jordanemque bibit: dumque agris devius errat,
 Lamentisque vias, atque auras questibus implet;
 Illum mœrentem vidit pulcherrima mater,
 Cœlestis pueri mater, tenuitque fugacem,
 Plorantique dedit bellaria: verbaque dixit
 Blanda aded, dulcesque minas adjecit, ut ille
 Captivum dederit sese; subiitque penates,
 Assuevitque puer lacti, mellique; nec auro
 Sortem hanc, nec gemmâ quavis, pretiove de-
 disse.


Hic æger passus curam est, hic jungere utrasque
 Edidicit palmas, ad solem versus eum,
 Curvatis genibus supplex; hic denique lentâ
 Sensim convaluit febris... (subsistite rursum;
 Nam tecto infedit, ni fallor, penniger alter
 Somnus; at exiguus latet, & vix prominet alis
 Undique stellatis: superest nunc tertius; at mox
 In viscum veniet) febris, inquam, denique lentâ
 Sensim convaluit: sed quàm brevis, ah! fuit ista
 Parta salus, miserande puer, mox, heu! moriturus
 (Aspera nam sic fata volunt) moriturus acerbo
 Funere. Namque aderat sub eodem paupere tecto
 Alter Amor, sed cœlestis, sed natus olympo;
 Terrestremque illum dedignabatur eodem
 Sub lare, quippe levem, cui vox, cui mellea tantum
 Vis inerat verbis, sed nullæ in corpore vires.
 Ergo aliquando miser fando dum plurima jactat,
 Ut solet, atque alium vocat in certamina demens,
 Seu lusus, seu lucta fuit, (quidquid fuit) ictu
 Stratus humi cecidit; nec profuit illico vitam
 Poscere, nec cubito, manibusque avertere vulnus;
 Vulnus atrox, lethale imo sub pectore fixum est,

Nec

Nec lacrymæ, gemitusve ulli valere precantis.
Saucius ergo, ægrèque trahens vestigia, tecto
Successit, jacuitque toro; sed amabilis illa
Plaga erat, atque adeo dulcis, ut ferre medelam
Nollet, nec rivos calidi retinere cruoris,
Nec fomenta pati: donec cum sanguine vires
Paulatim exanimis abiere, exhaustaque vita est:
Ah puer! ah! jaculis quis te concurrere, demens?
Talibus incautum traxit non viribus æquis?
Accipe nunc, quæ non sentis, solatia mortis:
Nam pulchram ut vidit faciem, & fera vulnera
victor,
Effudit lacrymas, implevitque astra querelis,
Incubuitque super, dixitque tenerrima verba:
Dumque sinu toto tovet, & dum brachia collo
Injicit, atque arctis, tenerisque amplexibus hæret;
Tam validè exanimum pressit, sic membra lacerti
Frigida strinxit, ut è geminis amor unus & idem
Extiterit pueris. Sic terris irrequietum,
Humanis rebus lassum, miserèque vagantem,
Diva, trahis nostrum mirâ dulcedine amorem;
Ægrum quem reficis blandè; mox viribus auctus,
Paulatim exuitur terrenis sensibus: inde
Evadit cœlestis amor. Jam ponite plectra:
Fabellam cecini, nec fas producere carmen:
Nam, bene si video in tenebris, tandem ultimus axe
Labitur ecce sopor nitidis argenteus alis.
Jamque omnes gradiuntur humo; jam testæ volatu
Sacra petunt: jamque ille Senis frontem insilit; alter
Plumiferis digitis tibi, Pupe, resignat ocellos:
Ille utrâque manu furtim nivea ora Parenti
Obtegît à tergo. Tranquilla silentia, labris
Admoto digito, subeunt: Genii nocturnas
Lampadas extinxere omnes: tuque humida velo
Nox

Nox super extenso procul hinc discedere mandas :
Namque horæ sex nigricomæ, quæ somnia portant,
Somnia pulchra , ebena textis inclusa canistris ,
Haud inferre pedem, nobis præsentibus, audent .

Pergimus : at vobis , vates pro munere tanto,
Hic Puer , & Pueri custos , formosæque Mater ,
Supremus somnus cum serò advenierit , adsint .





LIBER TERTIUS.

ARGUMENTUM.

Dæmon livore concitus bellum adversus JESUM molitur. Speculatores mentito habitu Nazareth præmittuntur. Armilustrium instituitur in Perside. In conventu matrum, præsentè Virgine, Dæmon explorator detegitur. Deipara ab Angelo monetur, ut secedat cum Puerò in desertum D. Joannis Baptiste. Castra inferna in montes Abarim descendunt, atque ibi rixâ exortâ, mox classe aëreâ demonum delapsâ, bacchanal celebratur.



Ualis formosum niveâ cervice catellum;
Virginco in gremio manibus quem
comit eburnis

Fœmina, sic meritum cernens dolet in-
vidus, ore

Allatratque rudi turpis quandoque molossus,
Dilectus dominæ ille etiam, cùm candidus olim,
Et tener, & blandus fuerat; nunc vincula collo-
Gestantem absterrent mensis, & postibus arcent:
Haud aliter Puerum cœlestem dum videt hostis
Luridus, ipse etiam quondam, cùm degeret astris,
Delicium cœli; ringit, totusque veneno
Livescit miser, & partes se versat in omnes;
Lœdere si tenerum queat, atque absumere letho.

Quin

Quin etiam infelix jubet arma capeffere vulgus
Tænarium, atque iterum superis indicere bella :
Demens, qui rursus tentare pericula Martis
Aufit, & unde olim cecidit, se credere cælo.
Unde aded incensus furiis huc turbidus usque
Prælia distulerit, causas evolvere ab alto
Longa foret series. Pharii namque arva Canopi
Ut primum tetigit Deus infans, illius omnis
Horruit adventum jam tum Mareotica tellus
Oraque torserunt signa ærea, templaque passim
Traxere ingentes rimas; simulacraque mutis,
Adventante Deo, pressere oracula linguis.
Hinc rabies collecta ingens, semperque recenti
Clade auctus dolor, & virus: centum acta sub Orco
Concilia: innumeræ fraudes textæ atque retextæ:
Conscripti, expunctiq; duces. Mens omnibus anceps,
An vates, an fortè aliquis de gente supremi
Ordinis: an demum (quod non est credere) Numen
Humanâ lateat sub imagine. Nec minùs acti
In diversa animi, quid agant, quibus artibus obstant;
Num simulent, num Marte palâ concurrere certent.
Ac veluti, prius abruptis quàm nubibus imber
Præcipitet, longè clausum inter nubila raucum
It murmur, ventique fremunt, noxque ingruit atra
Paulatim cælum eripiens; & jam tonat axis,
Jamque cadunt guttæ ingentes: tum deniq; fractus
Horrissono bombo ruit inter fulgura nimbus:
Haud aliter cæcus furor, atque odia aspera tandem
Evasere modum; bellicque obstacula rupit
Ille explorator quondam teterrimus, ausus
Os inferre epulis, reduci quas cœlica turba
Virgini adornarat. Probro ignavissimus impar,
Per deserta vagus Samarcia, tempore longo
Abditus in sylvis latuit: Stygiosque reversus

Postremò ad manes inhonorum in vertice vulnus;
 Quod nemore in sacro citharista inflixerat Ales,
 Ostendit coram; quæque illic viderat, & quæ
 Audierat retulit. Tunc imis atra medullis
 Exarsit rabies, penitusque ignavia tristis
 In flammæ ablit: tum fracta repagula Ditis;
 Tum sociis data libertas, patefactaque claustra;
 Emissæ furæ ex adytis, decretaque bella.

Principiò lemures præmissi Nazareth, ore
 Mentito, atque habitu agresti, qui tempora nacti
 Insidias struerent, atque explorata referrent.

Illi autem, ne quid malè comptum turpia Averni
 Proderet, his dictis menda erroresque monebant:
 Hanc tu cornigeram frontem meliùs nisi celes,
 Dignoscere statim; atque aliquis fortasse choraules,
 Capripèdi ut socio, citharâ tibi rursus ad aures
 Carmen idem recinet. * Tibi verò hæc bubula calceo
 Ungula se nimiùm pròdit. * Tu pellibus uncos
 Hos digitos: * Tuque auriculas has obtege: * Tuq;
 hanc,

Quæ malè serpit humi sinuosa, recollige caudam:
 * Nescio quid fiet hoc: quoties mentirier ora,
 Incessumve hominum libuit, quid semper iniquum
 Profilit, atque aliquod frustum Orci, aut lingula
 pendet.

Nunc, Stygii, huc animum, fratres. Nos Belphegor
 istoc

Exploratores mittit, qui nunc Babylone
 Eductos Erebo pedites, equitesve recenser
 Adversus Puerum, cui centum millia fama est
 Aligerùm lateri advigilare. Puérne, Deusne
 Incertum: remq; hanc scabere, & sibi cuncta referri
 Continud mandat: Vos ergo advortite mentem
 Quid mediter, quæ se primùm fors optuma pandat.

Cæso-

Cælorum est hodie infantum lux annua. Rite
 Convenient matres in sylvam, ubi cespite ficti
 Sunt tumuli septem lactentum: atq; huc quoq; mater
 Adveniet pueri Je. (vau ! ferme excidit ore
 Flammivorum nomen, quod sulphure pejus adurit)
 Hic ego ploranteis inter lacrumabor, anilem
 In speciem, curas acuens, mixtoque dolorem
 Felle ciens, spargamque ignes, & nigra venena.
 Vos, simul in vulgus paulatim serpere virus
 Cæperit, extemplo facies assumite matrum,
 Quæ peregrè Ægypti veniunt ex urbibus, atros
 Appensos pueros zonis ad colla gerentes.
 Atque ibi clade pari (cùm Memphi degeret infans
 Jesseus) cæsos pariter sine more puellios
 Dicite; vosque ægrè elapsas, mediosque per enses,
 Perque neces, vestros rapuisse è funere gnatos.
 Sic fraus egregie mihi nodo intexta; nec impar
 (Spero equidem) merces operi promissa sequetur.
 Talia jactantes, densâ caliginè septi
 Ibant, & muros pagi portasque subibant,
 Atq; locum, insidiisque modum, tempusq; parabant.

Atque ea dum lemures obscuræ noctis in umbrâ
 Consilia, & fraudes agitant, jam Persidos aruis
 Constiterat legio Ditis; tanto illa paratu
 Flammarum, atque æris, quanto si funditus orbis
 Vastandus terræ, aut repetendum ultricibus armis
 Sydus hyperboreum, soliumve Aquilone locandum.
 Non tot ad Euphratem vastis tentoria campis
 Victor Amurrathes quondam Babylonia circum
 Mœnia distendit; nec tot Mustaphus eois
 Viribus excitis, totoque Oriente coacto,
 Austriacam implevit nuper terrore Viennam,
 Quot Stygias turmas sub signa coëgerat Orcus,
 Atque urbem flammis & fumo, atq; æthera, & omnes
 Affla-

Afflarat campos. Callotti quisquis cremum,
 Infernasque acies pictas, portentaque vidit,
 Totque illic Erebi formas, Antonius olim
 Numine confusus quæ dispulit omnia in auras;
 Ille satis nondum sibi spectra horrentia fingat.
 Quid primum, quid deinde canam? Namque aëre
 toto

Plena avium stygiis rostris, plena omnia gryphis,
 Atque ipso emergunt orcae, atque acherusia cete,
 Attolluntque caput fluvio, & vada turbida verrunt.
 Tercentum in leucas latis exercitus omnis
 Porrigitur campis; quantumve interjacet arui
 Harpyiæ, Scyllæque tenent, nigrique elephanti,
 Phantusæ, Onoscelides, Phonique levesq; Paredri;
 Vexillumque Erebi ferratâ è cuspide pendet
 Dæmonis hirsuti pellis, quam ventilat Auster,
 Ipse etiam ex Erebo perflans. Quid murmura
 circum,

Quid raucos fremitus, castrorumque otia cantem?
 Pars piceos infrænat equos, pars ærea stipat
 Tormenta, ingestis lemurum in cava viscera turmis,
 Atque alius bombo horrifono displodit in auras.
 Hic Centaurorum submisso poplite calces,
 Atro præcinctus corio, convitia jactans,
 Æratis soleis ferruminat: ille retusos
 Exacuit mercede ungues & cornua passim,
 Cum stridore rotâ circumactâ, quam pede versat,
 Doliolo è nigro in filicem stillante cremore.
 Tum diræ facies, quales de marmore summis
 Delubris Gothicis præstant, cœlove cadentes
 Excipiunt pluvios imbres; vel qualia in hortis
 Romuleis Tiburtino spirantia saxo
 Ora labris bifidis, magnoque patentia rictu
 Albæ jaculantur aquas. Hæc omnis apertis,
 (Assy-

(Afsyriâ postquam latè confederat orâ ;
 Jamque aderat toto miles collectus Averno)
 Ibat ovans legio campis . Præit horrida cantu
 Buccina , Tænario Phlegethionte audita, cavernisq;
 Æmula respondet stygiis . Prima agmina Alastor
 Millia centum agitat lemurum, quibus omnibus ora
 Effuso varioque sonant distorta cachinno ;
 Oïnaibus æquoreæ summâ pro casside conchæ,
 Ac frustillatim scissæ per corpora abollæ .
 Hi campos habitant imi æëris ; æthere magno
 Namque ferunt olim discrimina neutra secutos ;
 Nec styge , nec cœlo admissos , volitare per auras .
 Post hos implicitus nimbo , nigrâque procellâ
 Arbiter Oceani Typhon sese arduus infert :
 Quem sequitur Rummus, Rummus qui devia saxa ,
 Quique sinus habitat Locarni, & vertice ab alto
 Margutii veniens Verbani exasperat undam .
 Centum illi lamia comites , anus Orchia, & Afra
 Euganeæ ; Nannæaque, Fæaque junior , ambæ
 Vindeliciæ, & Rhætæ innumere, Marsq; Sabelleque
 Atque æris fabri , fumosoque ore caminis
 Assucti furvis pannosâ in veste barrausi .
 Hinc stridor varius , veluti cùm summa domorum
 Rivales glaucis oculis se torva tueantes
 Noctibus hybernis percurrunt culmina feles .
 Unâ omnes spissâ pluviali in nocte feruntur ,
 Terrificosque cient nimbos . Heu viadicis ira
 Numinis ! heu quantum pulcherrima sydera
 Olympi

Deformare scelus quondam ; quantum impia regni
 Ambitio potuit , solique insana cupido !
 Postremò insignis maculosi pellibus hydri
 Quadrijugo it curru Dramelech, qui prælia primus ,
 Quique arcus Scythicos docuit, volucresque sagittas

Mille

Mille repertores secum trahit ille nocentes,
Qui ferri infandos usus, qui dira venena,
Qui pestes, morbosque novos, & Theffala philtrea;
Atque alia in populos miseros inventa tulere
Noxia: quos sequitur clauditque nigerrimus unus;
Vertice demisso, qui seris invehet annis
Flammiferas bolides; jam nunc secum ille volutat
Triste magisterium flammæ, pandasque carinas,
Arcanique ignis non evitabile fulmen.
Singula quid memorem? quid formidabile murmur?
Quid rictus varios, quos haud fas dicere? namque
Ipse etiam balistæ, ollæ, tentoria, carri,
Tympana erant stygii Cacodæmones, oraque, &
igneos.

Abstrusos oculos hâc illâ in parte gerebant.
Ad stagnum obscuris piceis, atrâque cupresso,
Ilicibus septum nigris postquam undique turba
Lixore confiterat (dictu mirabile!) signum
Tænariæ cecinere tubæ. Tum protinus omnes
Quadrigæ, pedites, equites, carpenta, cameli,
Quot non vastator Totilas, non Attila secum,
Aut Tamerlanes olim convexerat, omnia
Emissis alis ingentibus aëre sparsis,
Tartareo in nimbo pennis subvecta volabant.
Talibus horrendus spectris eruperat Orcus
Multâ timens: nec enim mortali pugna gerenda
Cum stirpe, aut simplex aliquis fallendus eremo
Sylvicola; at dura in superos, atque ardua in ipsum,
Pro templis, arisque Deum, spoliisque repositis,
Bella fore armatum gens prævidet impia Numen,
Nazareæ interea matres, ut rite quot annis
Mos erat, Infantes, quorum annua fata redibant;
Unanimi in cœtu flebant. Nam myrtea sylvâ,
Et sylvâ in mediâ prætum, circumque frequentes

Colli-

Colliculi exigui, monumentaque tristia passim
 Extra urbis muros fuerant. Fueratque ibi, gnato
 Dina ubi mœsta suo, atque suo mœstissima Rachel;
 Atque aliæ, aggestâ terrâ, tenerisque cupressis
 Ornarant tumulos; tumulos tamen intus inanes,
 Quippe ignotus habet procul hinc corpûcula
 agellus.

Nil miserabiliùs visum unquam. Namque ut acerbis
 Ærumnis aderat quæ dictis blanda mederi,
 Solarique ægras Virgo mitissima voce
 Et vultu poterat; iuvat omnem evolvere coram
 Flebilis historiæ seriem, quam dicere sæpe
 Consuevit Rachel: sed nunquam sic lacrymata est,
 Nec lavit velum uberius, quo lumina tergit
 Interdum narrans calido manantia fletu.
 Heu natum illa suum cæsum crudeliter ipso
 In gremio, parvasque manus, atque utraque collo
 Brachia tendentem lacrymis reminiscitur ægra,
 Quo gemitu concussæ aliæ, luctusque secutus
 Ingens; sœmineis resonat nemus omne querelis.

At medios inter ploratus cuncta scelestus
 Ille explorator stygius terrore repente
 Ridiculoque metu implevit. Nam federat herbâ
 Ipse etiam in viridi lugens, spissoque nigroque
 Se abdiderat panno, viduæ ore, habituq; Phenennæ;
 Ereptosque sibi geminos ululare nepotes
 Conabatur: eratque aded sine more modoque
 Expresso in luctu deformis, ut ipsa modestum,
 Quanquam dissimulet vultu, vix, credo, teneret
 (Conscia quippe doli) Virgo pulcherrima risum;
 Namque utrâque manu complectens tempora
 labris,

Barbula queis inerat, sœdè hinc atque inde reductis,
 Singultusque trahens crebros, velut antlia sicca;

Hos,

Hos, frontem caperans, vultu lugentis amarum;
 Perfida turpis anus questus dabat: Ah miseram me
 Ah mens ereptus fato Nehemillus acerbo,
 Cui furui crines, vultusque oculique nigelli,
 Cui nondum exerti unguiculi! Nunc viveret ille;
 Es, lassæ ætatis fulcrum, quoque viveret Abner,
 Eheu, quem pariter lictor mihi sustulit ense!
 Eheu me miseram geminis lactentibus orbam!
 Heu non posse mori, meque his exsolvere curis:
 Causa mali tanti Puer ille. Hic indice Jesum
 Lurida signabat; sed clauso gutture vocem
 Edere non poterat: Nequicquam tempora quassans
 Eluctatur iter, veluti qui faucibus arctis
 Justo majorem transmittere nititur escam
 Transversam jugulo. Dumq; improba fingit acerbo
 Se fletu nimio oppressam, nec posse loquelam
 Exerere, & velo interea sese arctius abdit
 Intentos oculos meruens, (res fœda relatu)
 Paulatim rupto prodibant utraque lino
 Cornicula; emicuere ignes, & tempore eodem
 Lubricus è soleâ pes fugit, equinaque coram
 Ungula subducta in solem teterrima venit.
 Dirigere metu cuncta; simul agmine facto
 Terga dabant: renuit Virgo, excussoque pavore,
 Obscœnam vetulam certatim murmure magno
 Sandaliis jactu alterno, taxisque petitam
 Turba puellarum insequitur. Fugit illa, cavernamq;
 Occupat: inde efflat grave solentem in limine
 fumum.

Quo focii haud longe tremefacti, in veste latentes
 Fœmineâ, falsos pueros, luctumque parati
 Inferre in medium; conditæ ubi fraudis inanem
 Successum videre, nemus subire, nec ausi
 Prodire in scœnam: densis in nubibus errant

Nazareos colles circum, vicinaque rura;
Ancipites quid agant, quò res, meditataque vergant.

Ecce autem, postquam jam dudum Virgo penatès
Intrarat, purasque manus tendebat Olympo,
Fundens rite preces, stygii haud ignara pericli;
Ecce, inquam, foribus patefactis, nuncius Ales
Astitit ante oculos, roseoque hæc ore locutus:
Diva poli, his Puerum, teque ocyùs eripe tectis:
Jordanisque sacri pete ripas. Est ibi vallis,
Umbriferumque in valle nemus, cui proxima rupes,
Atque in rupe domus. Tuus hæc silvestria parvus
Antra nepos habitat, Præcursor Numinis. Illuc
Protinus ire jubet superùm Pater, atque hominum
Rex;

Atque hæc ferre dedit celerès mandata per auras.
Surge age, clara priùs quàm solem proferat Eos.
Nam qualis quantusque cavo se carcere fudit
Turbo niger cælum, terras, & tartara miscens!
Dicere plura vetor. Sic fatus, multa volentem
Pescere deseruit, tenuesque recessit in auras.
Ocyùs illa sequi cælestia jussa parabat,
Auroram expectans. Rutilis nitidissima stellis
Cernit adhuc convexa poli: procul ignibus ardent
Tenariis celsi montes; atque arva, lacusque
Et nemora, & montes nox obtegit alta tenebris.

Et metuenda acies Erebi vecta aëre cæco
Ibat more gruum, totamque immanibus alis
Assyriam latè, atque Arabum deserta tegebat;
Nulli visa tamen, nisi felibus, armentisque,
Et canibus noctu finè sine latrantibus, ore
Sublato aëria ad spectra, horribilesque phalanges.
Ter lapsa ad terram nubes Cocytia, turmas
Exceptura novas: nam passim è rupibus illis,
E pemorum latebris, è quercubus, atque cavernis

Cor-

Cornigeri egressi focii bella armaque poscunt.
 Noctes atque dies it flammæus æthere turbo
 Horrendus, terrisque minans; latèque per omnes
 Judææ fines sparsis se turbinat alis.
 Donec ter circum-gyris ingentibus actus,
 Ter rauco accitis locis agrestibus ore,
 In montana Abarim præceps cadit; atque ibi quot
 quot

Vallibus; & sterili in sabulo loca vasta tenebant;
 Accolæ Avernales occurrunt undique Mormi,
 Obscœni Triptes, Aquili, Læmiæ, Eurinomique,
 Lucifugiq; alii innumeri, & focia agmina jungunt.

Musa, mihi infernas curas, miserosque labores,
 Rixas, atque lues memora, erroresque viarum,
 Et studia, & mores; insanique orgia Ditis;
 Quæque procul ratibus miris delata per auras
 Extremis Asiæ turba adventarit ab oris:
 Utque ingens castris his orta, utque arma vicissim
 Conversa in focios; ac demum fœdere diro
 Omnia compositis turbis sedata quierint.

Mos est, igniferas quoties in bella catervas
 Tartarei eduxere duces, seu littore turmæ
 Constituerint, seu desertis in montibus, illic
 Noctes atque dies exercere agmina campo,
 Nec minimam lassus unquam indulgere quietem.
 Ni faciant; aut hæc illac sparsa æthere aberrent,
 Continud, aut inter se ineant asperrima bella;
 Tanta animos rabies, furor, atque insania versat.
 Ergo locustarum deserta per avia summam
 Principio exigere, & rutæ, colocynthidos, erui,
 Absinthique omnis, censumque indicere arenæ.
 Inde huc atque illuc transferre horrentia castra,
 Per loca inaccessa, abruptis asperrima faxis;
 Cætera diversis legio dum sparsa per orbem

Paulatim coëat terris, præmissaque turba
 Exploratorum redeat: Pulsus ossibus albis
 Tympanum equo præit horrifonum, sonat ungula
 equorum.

Plurima ponè sequens; flammis ardentia lucent
 Ad lunam Mathanæ deserta; atque ardua Moab
 Regna, Edomitarum pendentiaque oppida, saxis.
 Ventum est semirutis pagi in magalia noctu,
 Hic Satyrus Behemoth pedibus dum rudera versat,
 Legiferi Mosis cineres ubi fortè quierant,
 Gramineo è saxo flamma improvisa reluxit,
 Hircinamque illi barbam, & crura hispida adussit;
 Capripedesque inter socios dum saltitat, ignem
 Corripuere alii villis: Hinc excita primùm
 Injectis stimulis rabies; hinc triste per agmen
 Augurium, fractæ vires, penitusque medullis
 Infixus dolor impatiens: tum sulphuris atris
 Addita proluvies alvi, stranguria, canceri;
 Unde gravis labor atque exosæ tædia lucis,
 Inque duces varium murmur, dira omina belli.

Ergo, ubi prima polo surgens aurora refulsit,
 (Ne mora jam cœptas intenderet acrius iras)
 Rursum castra movent petrosa per avia Mara,
 Mosis ubi jussu cortex demersus in undam
 Tersit amaritiem stagni; nunc omnis Avernus
 Ore bibit sallos latices, & flumina turbat:
 Atque hæc, intento rictu dum singula lustrant,
 Calceus in ripâ niger & vetus Ismaelitis
 Inventus, soleis longo jam tempore adesis;
 Quem circumfusus rostris dum Dæmones atris
 Naribus olfaciunt, & morsum dentibus inter-
 se rapiuntque trahuntque; Bawum Phegor ore
 momordit:

Grunit ille, nigreque armo Babuelis inhæsit,
 Atque

Atque is restituit morsum Zabulo, iste Molorcho.
 Hinc iterum furor, & rabies, & stridor ad astra
 Excitus horribilis, veluti cum exorta canum lis
 In trivio, aut stridens nexu pede protrahitur sus.
 Cornibus infestis concurritur undique, fumum
 In faciem, piceosque ignes sibi mutuo inhalant:
 Hic ruit ex alto princeps, hunc ille veruto
 Trajectum, impositumque humeris rapit: ille sub
 alto

Infoditur fabulo: Hinc Babel, hinc Euphius, inde
 Per medias turbas Belial, nec non Melusina
 Strix anus, & proceres alii compescere dictis,
 Fustibus, & quernis palis certamina sæva
 Conantur medii. Furris exercitus amens,
 Horrendum stridens, montes secessit in altos;
 Dissidiumque ingens oritur. Pars plurima bellum
 Detrectare palam, nisi dux regat arbiter agmen
 Humanâ de gente fatus: nil viribus Orcum
 Posse suis, atque acceptis id cladibus olim
 Compertum toties: quidquid feliciter actum
 Flagitiis hominum referunt. Pars altera contra
 Abnuere invisum genus, eventusque sinistros
 Mortali pariter toties sub principe, scedos
 Objicere: Hæc testis rupes, hæc conscia saxa,
 Hoc ipso, agebant, nos quondam in monte fessilis
 Sacrificus Balaam: Castra execrariæ olim
 Ifacidum iussus, vates nequissimus ante
 Consuluit cæli Numen; dehinc proditor ore
 Fatidico cecinit Sydus fatale oriturum
 Abramidum populis. Hoc sydus deinde sereno
 Offensum cælo Solymæa in regna sequuntur
 Memnonii Reges: Confestim hos perdere letho
 Herodi sumus auctores: ille urbe, domoque
 Excipit: Infantis quia & cunabula demens

Indicat. Elusis votis, ferro ocyùs ire
 In puerum hortamur; sit strages, undique terror;
 Ira, pavor, luctus: mediis è millibus unus
 Interea impunè elapsus subterfugit hostis.
 Proh scelus! Et quisquam tantarum credere rerum
 Perjuro generi, infido, totiesque rebelli
 Nunc summam velit? Hæc illi. Tantò acrius ira
 Æstuat. Hinc atq; hinc mens, & sententia constans,
 Obnixque animi studiis discordibus. Et jam
 Indomiti, infrònes, nec passi excedere castris,
 Nec tolerare moras, in mutua fata ruebant,
 Tartaream aggressi litem decernere campo.
 Ecce autem (horrendum visu, & mirabile mon-
 strum!)


Ecce, inquam, obscuro in nimbo procul æthere visi
 Veliferi ingentes gauli, centumque triremes
 Aëriæ, innumeræque rates, cymbæque minores,
 Informes cattæ, lintres, piceique phaseli;
 Classis ab eois quæ formidabilis Indis
 Solverat. Huc Sinæ, & Bactra, & Malabarica regna
 Transtulerant rictus varios, & spectra Deorum
 Innumera. Illa rotis se circinat aëre magnis,
 Paulatim ad terras spiris ingentibus acta.
 Vela alii antennis religant, carchesia summa
 Ascendant alii; fragor undique nauticus, atque hæc
 Atque illac per transtra ultro citroque celeritæ
 Nuda in terga sonant scuricis. In puppibus altis
 Reginae apparent, fulvo quibus omnibus ora
 Sparsa vitro, caliendra argentea, vinctaque taxo
 Tempora inauratis foliis, spartoque ligati
 Horrendum in morem summâ cervice capilli.
 Mox, ubi demissæ terras tetigere carinæ,
 Continuo immanes volucres, animalia, cephi
 Exilire cavis ratibus, Fauni, Saryrisci,

Semihominesque canes, & tortis cornibus hirci,
Dorcadæ, omnigenumque Deum sine nomine
turba

Has inter facies varias regina (a) Amilida
(Japones appellant contracto nomine Amidam)
Sparsa, comas, nigro vehitur pulcherrima capto
Per medias turbas: quæque infert ardua gressum,
Armigero obsequio vexilla, hastasque phalanges
Subjiciunt: Stetit illa gravi imperterrita vultu,
Hinc atq; hinc geminas adverso in monte catervas
Nunc has, nunc illas adverso lumine lustrans:
Et quæ vos, inquit, mentis vesania cæcas
In furias agit, o miseri? Hoc erat, hoc cene bellum?
Huc socias tulimus vires? hæc fœdera nuper?
Hæc jurata fides? in nos condiximus arma?
Plagiferi, ambugi torres, per numina Ditis
Horrendi, infernumque Chaos, discordibus ultro
Exitium commune fero. Concurrite utrinque,
Pergite, io, sedeo spectatrix, tertia Erinny
Ex æquo ambobus cladem allatura, scelesti,
Viribus una meis par bello: His territa dictis
Lucifugum mens versa: animis subsidere sensum
Irarum fluctus: summis de rupibus acti,
Vivendi studio in mediam descendere vallem:
Mollius illa animos verbis lenire feroces,
Hortarique omnes, dum tempus, dum vacat, & res
Integra adhuc, numerusque auctus, spem ponere in
armis:

Arbitriumque sibi poscit, quo fœdera certis
Legibus instituat, dirimatque obstacula belli.
Hic epulæ instructæ; atque inter carchesia magna;
Obscænæque dapes, & ferrea pocula, tandem,
Consilio ducis, & procerum, jussuque Amilidæ,

Lis ita composita : Ut primùm discrimina Martis,
 Principes sub Stygio , collectis viribus , omnes
 Concordes ineant : sin verò prospera pugna
 Sors minùs acciderit , nec soli obistere possint ;
 Tum aliquis demum mortali è sanguine cretus ,
 Fœdere conjuncto , belli moderetur habenas ,
 Succedatque oneri . Clamorem ad sydera tollunt
 Assensu unanimes cuncti . Ter flumine salso ,
 Et pice liquenti , ter plumbo & sulphure regi :
 Inferno libant , ter nigri felle veneni ,
 Tum choreas enormes . Quatuor cæcædæmones , orbi
 Lumine utroque , hirsuto pectine , pegmate ab alto
 Sambucas chordis gravioribus , & monochorda
 Unanimes feriunt . Pedibus tremat icta bifulcis ,
 Saltibus horrificis tellus : ululatus antra ,
 Umbrosæque sonant valles . Væ , turba Acherontis !
 Væ tibi , vulgus iners ! væ nigra examina Diris !
 Tot strepitus , tot spectra Erebi quò denique vergant
 Exspecto . Juvat hanc animis modò tergere nubem ,
 Atque meum sydus , nitidumque revifere solem ,
 Quem dudum haud video nebulis inclusus opacis ,
 Vixque adedò intueor , fuligine plenus , & umbris .





LIBER QUARTUS.

ARGUMENTUM.

Deipara cum Puerō in vallem Æconis ad Divum, Joannem Baptistam proficiscitur. In itinere leoni sitienti aquam ē puteo haurit. Puella montana, amore JESU capta, eidem ferre osculum, à Virgine Matre impetrat; ejusque jussu in fonte se intuent, mutatam sibi faciem, eamque pulcherrimam stupet. Angelus in sinum Abrahe nuncius ad Patres mittitur.

Ergo in valle procul dum talia preparat Orcus, (tum Parthenis interea exierat sub luminis or- Nazareo ē pago, parvum visura nepotem Elisabe natum; cui summam, arcanaque rerum Secretis puer alloquiis committere, nondum Nota genitrici, decreverat. Hæc tamen olim, Post casus, variosque metus, durosque labores, Evenient. Nunc unà ambo, per iniqua locorum Et steriles saltus, (ut nuper jusserat Ales) Quà via per scopulos, gressum in deserta ferebant.

Est prope Jordanem nemorosa & inhospita vallis, Zacharidæ statio pueri, quem cernere nulli, Scrutarique datum: quodque admirabile dictu, Illius in totà resonabat vocola eremo, Exigui in morem litui, argentique canori.

Sape viatores mirus sonus ille fefellit ;
 Implexosque diu tenuit ; noctesque diesque
 Erravere jugis alii , quos antra vocabant ,
 Speluncæque cavæ nemorum , & vocalia saxa ;
 Illæ habitat rupem non vestigabilis ulli ,
 Et modò venatur sylvestria sicubi mella ,
 Nunc scabrâ filice immisâ , digitisque pusillis
 Sollicitat rimis , sua pabula nempe , locustas .
 Huc igitur peregrini ambo , per opaca viarum
 Delati , obscuris lucis & vallibus ibant .
 Ventum erat in montana Endor sylvestria : summus
 Æstus erat : puteus sub collibus unicus , unde
 Hauribat gelidas omnis vicinia lymphas .
 Heu fuge , Diva poli ; torvus leo circuit undam
 Egressus sylvâ , atque oculis loca sævus oberrat .
 At non illa feræ ingentis deterrita rictu .
 Continud ut vidit : Misera hæc sitit , inquit , anghela
 Bellua : tanta illi pietas , maternaque cura ,
 Et teneri sensus : abiegnâ protinus urnâ ,
 Compede ferratâ insertâ , lapsuque sonoro
 In præceps misâ , teretis vertiginæ torni
 Haufit aquam . Impatiens quadrupes pede rectus
 utroque ,
 Ut stillans educta udo stetit hydria saxo ,
 Æger hians gelidæ incubuit ; cui mater amoris ,
 At tu , inquit , gregibus posthac ne noxius ullis ,
 Neû pueros læde infantes , tenerisque juvenis
 Parce ferox ; catulisque tuis hos præcipe mores .
 Dumque bibit largè , mersâ cervice , comantes
 Illâ toros , manibusque jubar mulcebat eburnis :
 Ut satur eduxit torvum caput undique rorans ,
 Rugitum dedit ingentem , quo lucus , & omnis
 Insonuit latè , tremuitque exterrita vallis ,
 Hermonisque procul montes , piscosaque Salim ;

Cæteraque acta metu subjere animalia sylvas.
 Nulla magis memor officii fera, nulla salute
 Gravior accepta; Usque aded benefacta feroces
 Submittunt animos. Jam saltum evaserat omnem
 Nazaris: ecce autem retro conversa jubatum
 Miratur comitem vestigia ponè sequentem.
 Perge, ait, in sylvam, perge, inquam; iterumque
 morantem

Supploto increpuit pede terrens, bisque nivales
 Percussit palmas. Ille ægrè in tecta redibat,
 Instar ovis gradicens placidæ, timidique catelli;
 Mœrenti similis; quod non, pro munere tali,
 Par quidquam obsequio, meritoque reponere posset.

Hinc via per lucum umbriferum, quæ ducit ad
 amnem

Castaneis nemorosa solo fruticantibus, arctos
 Concisa in calles: folia arida deflua ramis
 Terram augent intermixtis passim aspera echinis:
 Hæc iter implexum per opaca umbracula agebant.
 Mœandro inflexo, variisque ambagibus acti.
 Et prior extricans dumos, ramosque coercens
 Sedula, per callem exiguum bona Virgo præibat:
 Cum densos inter vepres pulcherrimus Infans,
 Cui Matris dolor, atque exercita cura parumper,
 Et tenera anxietas, fletusque placebat amantis;
 Populeâ furtim sese occultavit in umbrâ.

Illâ tamen cœptos sermones nescia fraudis
 Usque sequebatur, ventis verba irrita jactans.
 Ah misera! ut vertit sese, nec vidit; ut omnis
 Extemplo fugit præcordia in intima sanguis:
 Jamque aded lacrymans implebat cuncta querelis,
 Pallidior buxo, lustrabatque omnia circum:
 Cum media erumpens inter lamenta Puellus
 Ex improvîso coram stetit. Ah! meus infans,

Quàm pendè exanimis rigui ! Amisisse putaram :
 Sic ait , arripuitque manu nive frigidiorè :
 Pectora adhuc gelido salium concussa timore .
 Multa hic prætereo , quæ si memorare canendo
 Cuncta velim , diversa nimis mihi carmina
 aberrent .

Rem tamen obscuram famâ juvat ordine totam
 Eruere in lucem , & seris committere seclis ,
 Si quis honos musis post longum accesserit ævum :
 Unde queant olim sylvestres discere Nymphæ ,
 Simplicitas quàm cara Deo , quàm grataque Divis
 A teneris exacta annis sine labe juvena .
 Jam medium ferme sol conscensurus Olympum
 Hortabatur equos , & fræna resolverat aurea ;
 Cùm Maria , & pulcher Jesus deserta per arva ,
 Thaboris ad lævam frondoso colle relicto ,
 Transierant vitreum , quâ glareâ sicca , Cifonem :
 Jamque propinquabant Summæ , quæ vertice in alto
 Eminent aërii collis , cui pascua circum ,
 Et longo nemorum tractu juga consita olivis .
 Hic capreas inter rondenres gramina vallis
 Invenere bonam succinctâ in veste puellam ,
 Veste duas tereti ac lento quæ fortè gerebat
 Fagineas humeris fitulas , & vertice plenam
 Lactis urnam tepido , cui lævam admoverat ; ore
 Illa quidem fusco , nam dudum exercita campis
 Sole sub æstivo ; at simplex , & candida , nec dum
 Saucia amore ullo , quanquam tres circiter annos
 Jam tribus addiderat lustris . Hæc , numine viso ,
 Quo non in terris puer unquam pulchrior ullis
 Ore fuit , qualem nequoquam fingere ceris
 Cinnabari ad vivum Lucensis cura laboret ,
 Cælesti exarsit flammâ correpta repentè ,
 Atque sui , atque oblita gregis , sic ore locuta :

O ma-

O mater, quò pulchrum aded per iniqua viarum
Delicium trahis, heu, Titan dum flammeus axe
Saxa coquit, flagratque dies ferventibus horis?
Haud procul hinc mihi parva domus: secedito ad
unbram.

Paulisper, donec cæli desæviat ardor,
Adspiretque brevi quæ temperat aura calorem.
O quam te memorem? Dic ò quibus advena ab oris
Quid tantum potuit vallis deserta mereri?
Nam puto te Solymis natam, quàm fors mala
nostris

Errantem impulerit terris; non ista puellas
Fert, siquidem regio tales, nec parvulus isto
Agresti de rure venit. Tum regia Virgo
More suo arridens, risu quo cuncta serenat,
Quove genis accedit honos, visque aurea dictis;
O gnata, ò nostros, inquit, miserata labores,
Quæ tibi pro meritis, paupercula & ipsa, referre
Dona queam? Siquidem nobis quoq; parva supellex,
Assuetæque manus calathis; atque hic bonus infans,
Qui mecum graditur, sortem fert æquus eandem.
Nazarides sumus: Ænonis nisi dissita vallis,
Quam petimus, celerare gradum, solemque præire
Cogeret, haud equidem (tanta est tibi gratia fandi)
Hospitium abnucrem. Hic studio queribunda puella
Extenuare viam, digitoque ostendere colles,
Viciamque amnem, & multum superesse dici.
Quamquam etiam noctem si fas traducere nostris
Montanis laribus, non pauperis, inquit, agelli
Munera, quincẽtiles uvæ, melimelaque decrunt,
Atque olera, & poma, & foliis suffultus acernis
Lectulus; & quidquid locus asper, & invida votis
Pauperies tulerit. Dein subdidit, ut prope sylvam
Jordanis, nulli deprenta huc usque, per auras

Vox incerta sonet, scopulisque & montibus erret:
 Multi illam studio nequicquam, atque aure secuti.
 Sæpius amnicolæ; multos per devia traxit,
 Implicuitque error. Sed non his Diva moveri,
 Nec comitem velle; & manibus retinere sequacem,
 Ac vultu officiosa bono lenire dolentem,
 Sequē brevi reducē multis promittere. At illa
 Obsequio precibusque moras innectere: Saltem
 Vicinum liceat tecum conscendere montem,
 Unde, ait, angustum callem, flexusque viarum
 Ostendam; paucis compendia nota: meisque
 Interea, supplex oro tē quæso, parumper
 Filiolum committe ulnis, qui jam nequit ultra
 Exiguos passus trahere inter saxa. Nec istud
 Diva tulit, variisque modis fallebat amantem,
 Quam nullis poterat procul inde avellere dictis.
 At saltem, agebat, saltem ne despice lactis
 Lassa viæ exiguum, quod fas mihi porgere, donum:
 Ipsa manu expressi nuper. Simul hæc, simul urnam
 Et situlas posuit; merisitque in lacte salignam,
 Eduxitque gravem pateram, quam Virgo prehendit,
 Admovitque labris Pueri: tum nectaris hausit
 Quod reliquum fuerat: nec, rursus ut fumeret, ullę
 Obtinuerē preces. Rursus instaurare querelas,
 Rursus inopes offerre lares. Sed denique victa
 Non tenuit lacrymas; atq; utraque brachia tendens
 Mater, ait, quando famulam comitemque recusas
 Nec te alias reducē fortē unquam lassa revisam
 Per te, per superos, perque hæc gemina ubera
 pulcher

Quæ Puer hic quondam pressit: permitte puello
 Suaviolum libare tuo: nil poscimus ultra.
 Quid non virgineus candor, moresque pudici,
 Ingenuusque amor, & simplex audacia possint?

Nam

Nam meruit felix (quod non permiserat ulli
 Calica fors) unum labris, duo ferre tenellis.
 Oscula pura gehis. Tum candida Parthenis: Inunc,
 Sisq; memor nostri. Procul hinc scatet exiguus fons:
 Quamprimùm invenies, pecora illuc cogito:
 postquam

Grex omnis biberit, vitreâ te conspice in undâ.
 Dixit, & in viridem collem vestigia torfit;
 In collem, unde amnis longas nemus inter opacum,
 Cernitur ire vias, & amœnâ serpere valle.

Multa movens animisibat quoque rustica virgo,
 Fragrantemque viâ redolentis aromatis auram
 Attonita hauribat; qualem violaria nulla,
 Nec rosa, nec fallunca recens, nec amaraeus halant;
 Unde odor hic mirus? quæ vis? quæ copia florum?
 Constitit explorans vestes, & singula mirans
 Ter circumspexit; patulis ter naribus ambas
 Admovitque manus: sed quis deprenderet unquam?
 Quippe labris fragrans illè hæserat halitus; illis,
 Quæ tria Nazario nuper dedit oscula Flori.

Venit ad umbrosam platanû, quam subter opacus
 Alluerat rivus: rivum obsedere capellæ
 Continud, saturique hædi: atque, ubi pura quievit
 Lympha vitro similis, super astans vertice prono
 Se liquido in speculo vidit; deceptaque visu
 Restitit extemplo. Vix primùm credidit undæ:
 Lumina bis vertit retro, si fortè puella
 A tergo peregrina foret, quæ insisteret amni:
 Bis merfit furtiva manum, si fortè sub undis
 Altera virgo foret, stagno quæ pulchra lateret.
 Non erat illa prior. Dictu res mira! capillos,
 Ora, genas, vultus speciem mutaverat omnem.
 Nympha videbatur, quales finxere poætæ
 Corycias divas nemorum, armigeramque Dianam.

Quæ

Quæ nova mi facies ! quod nuper fusca recessi ?
 Atque ubi memè ipsam demens oblita reliqui ?
 Me rapuit certè latrunculus ille Puellus ,
 Atque aliam mihi substituit . Sic illa furebat ;
 Miraturque etiam cur fons crystallinus illi
 Non aliter vestem pariter , crateraque pingat .
 Ter frõntem rugis contraxit , terque serena
 Explicuit , formam experiens ; ter candida risit :
 Mille modis variis finxitque corallina labra ,
 Composuitque comas , humerisque aptavit utrisque ,
 Intenditque oculos , & movit eburnea colla :
 Quasque magis decuit formas se flexit in omnes ,
 Nec potis est amens viridè discedere ripa .
 Discessit tandem notis incognita sylvis .
 Utque domum rediit , matremque patremque fefellit ,
 Cuncta renarravit ; dubium quibus abstulit omne
 Vox prior , & nœvus faciei in parte relictus ,
 Nativæque genis picæ . Miracula fontis
 Continud pagos vulgavit fama per omnes ;
 Atque illuc multæ indigenæ venere puellæ ,
 Quæ tamen elusis votis in tecta redibant .
 Multi etiam thalamo pulchram sibi jungere
 nympham

Optavere proci , quos illa exosa maritos
 Averfata fugit , nēmora inter frondea vitam
 Exactura brevem ; namque illam funere acerbo
 Mors tulit impatiens , septem post invida lunas .
 Historiæ hæc series . Nomen longinqua vetustas
 Improba surripuit , quæ saxa atque æra maligno
 Dentè terit . Verùm ne , virgo , ignota vageris ,
 Dictaque ad arbitrium vulgi , ut solet , ora pererres
 Non ego de plebe obscurâ , nec perbrevis ævi
 Cognomena feram . Magnum & memorabile

nomen,

Ipsa

Ipsa suum, agresti quamvis, tibi commodat Anna
 Auria, Pamphyliæ gentis decus; ipsa vocari
 Pamphyliam finit, & patrio cognomine donat.
 Tuque, genus claro Heroum de sanguine ducens,
 Sylvestris meritum ne dedignare puellæ:
 Namque hic antiquus mos cunctis vatibus, ævum
 Adversus ferrugineum immortalibus uri
 Nominibus, quoties Musis gentilia desunt.
 Nec mihi fas modò (nam properant jam proxima
 metæ

Carmina) longævi causas evolvere juris.
 Est tibi Romuleo in Pindo (a) germanus Apollo,
 Cui cithara, & Tyrio fulgentes murice vittæ;
 Illius ergo soror, pariterque Ligustica Phœbe
 Magna Quirinali scitare oracula colle:
 Vatribus ille præest sacris, atque ista docebit.

Talibus illecebris blandissima Virgo solebat
 Jam tunc illa suos felices reddere amantes;
 Quò nos extimulet pariter divina cupido,
 Exiliique moram fallat, spes alma fruendi.
 Nam, si quando domos fessis det adire beatas
 (Spero equidem) Puer ille Deus, quem reddere
 cantu

Præseatem, ut possum, cecâ in regione laboro;
 Quanta eris illa animis exundans dia voluptas
 Cum Genitrice tuâ, & tecum, pulcherrime
 rerum,

Per magni stellata poli convexa vagari,
 Et reputare annos, atque immortalia lustra,
 Æternùmque illic obeunda expendere secla!
 Quàm vobis, superi, invideo! vobisque, renelli-
 Lactentes, Libirina manu quos vellit acerbos,
 Ut ferrugineas violas, ut persica nata

Pri

(a) Bened. Pamphilius S. R. E. Card.

Primitias ruris, veniens quæ sedula agrestis
 Urbanis dominis confuevit ferre canistris,
 Lætitiæ exactæ brumæ, spemque uberis anni
 Quantum restat adhuc lassæ maris æquor arandum
 Septem aded vitæ superesse miserrima lustra
 (Quantum fila trahens in longū extendere possum)
 Fingo mihi; atque his exactis, cum spiritus istis
 Se primūmplexuerit membris, erit alea jacta
 Alterutra, heu! seclis jam non revocabilis ullis.
 Tu mihi Divinum Puerum, sanctissima Mater,
 Redde orō facilem; fac, oris anhelitus ille
 Supremus, sit Virgo tuus; Te nomine saltem
 Ter vocet, & toties repetat vox ultima JESUM.

Me rapuit subitus sublimem in sydera fervor:
 Nunc Mariam, & Puerū sacra in deserta sequamur;
 Et celeremus iter; nam lux jam sera propinquit,
 Jordanesque procul nebulis albescit aquosis.

Huc peregrina Parens jam lassæ ad fluminis
 undam

Venerat, & tenerā paulūm requierat in herbâ,
 Culmina suspiciens sacri procul ardua montis.
 Cum pueri vox clamantis audita per omnes
 Anfractus virides nemorum, auditumque canorum
 Per juga, per valles carmen, *Sit semita recta,*
Æqualesque vias Hominique Deoque paratæ.
 Hæc erat illa sonans per celsa cacumina eremi
 Vocula, quæ plures sæpe errabunda fefellit.
 Nam modò de scopulis resonat, nunc exit ab antris,
 Perque umbras nemorum, lucosque lacusq; resultat.
 Haud secus interdum densis abscondita ramis
 Parva avis ingentem replet modulamine silvam.
 Ipsa latet, trepidis nisi quantum intermicat alis;
 Perque nigras volitat frondes, umbrosaue tecta
 Et jam vesper erat, cliyo cum visus ab alto

Par-

Parvus eremicola ad fluvium decurrere anhelus,
 Lætitiâ exultans; cui villis hirta cameli
 Tergum pellis obit, sunt cruscula nuda, lacertique,
 Et parva in manibus crux lignea nexa papyro.
 Jamque aderat cursu exhaustus, gressusque tenero
 Per declivia vix poterat, tenuitque ruentem
 Parthenis ipsa ulnis; gremioque amplexa recepit.
 Unâ omnes pariter viridem conscendere collem.
 Hinc JESUM, hinc tenerum Virgo trahis alma
 nepotem,

Speluncamque subis. Intus scabra pumice testa,
 Exiguusque sonat rivus: circum humida tophis
 Saxa madent vitreis guttis: cras ire secundo
 Unanimes Jordane parant, dehinc vespere colles
 Circum ire umbriferos; perq; herbida prata vagari
 Conducunt. Nunc somnus adest, quem confraga
 vallis,

Conciliat, passimque altis de rupibus acti
 In præceps rivi. Tacitis it Cynthia bigis
 Picta vadis latè stagnantibus: illius altis
 Clara interlucent argentea lumina ramis.

Atque his deliciis placidâ dum nocte fruuntur,
 Abrami interea sub terris abdita regna
 Nuncius ætherius cælo delapsus adibat,
 Captivis Patribus summi mandata Parentis.
 Læta ferens. Urbs antiquis circumdata muris
 Imâ in valle jacet; quam primus dicitur (a)
 hospes

Abeliam dixisse suo de nomine, casus
 Invidiâ fratris. Turres, & testa domorum
 Prætexunt edera & mirti, semperque virentes
 Intonsæ pinus, olæque æternaque laurus,
 Aëre sed tristi lux intermortua fulget,

Alben-

(a) Abel.

Albentesque lacus circum ardua mœnia lueant :
 Atque, oculis quantum pacatus subjacet amnis,
 Aëria in ripis platani, atque aurantia mala,
 Egredietque altis stirpes arbutaque muris
 Ineumbunt flagris, & opaco tegmine inumbrant :
 Ipse sui in foribus lethi cœlaverat Abel
 Casum infelicem. Genitor super, orbaque mater
 E campo rediens, spicis & sesamo onusta,
 Flere videbantur juvenis miserabile corpus
 Sanguine turpatum. Mors primum egressa sub
 auras,
 Piniferi haud longè stans alto in vertice montis,
 Miratur terras, sua regna : insigne cruentum,
 Posseffo defixa agro stat sœva securis.
 Multa in vestibulo dextrâ levâque vetustis
 Exauderat pariter saxis, & sculperat ære.

Protinus impulsis valvis bipatentibus Ales
 Coram introgressus, matrum, juvenumque piorum
 Concursum in magno medius stetit; atque ita densum
 Umbrarum affatur vulgus. Lætissimus adsum
 Nuncius, Abramidae. Quamprimum inuupta puella,
 Omina læta ferens, lorica insignis & hastâ,
 Huc aderit, primo sublata in flore juventæ.
 Illa triumphato victrix memorabit Averno:
 Illatam cladem, & vestris se Manibus addet:
 Vos tamen interea, quorum de stirpe puellus
 Prognatus Deus, hinc mecum decedere, Patres,
 Paulisper superi indulgent. Datur ora nepotis
 Cernere, colloquiisque frui. Vos inter amœnos
 Perpetuo autumnos colles, secretaque rura
 Abscondam, & coram opportuno tempore sistam.
 His dictis festus sublatus clamor ad auras,
 Et simul exortus fletus: nam turba relicta
 Multa gemens, supplexque manus tendebat utraq;

Divi-

Divini Pueri, atque auræ cælestis amore.
 Præcipue Infantum, quos primo in limine vitæ,
 Regis Idumæis iussu, ferus hauerat ensis,
 Flebant exigui manes, umbræque pusillæ:
 Quos circumfusus divellere dulcibus Ales
 Promissis, diotisque bonis retinere laborat.
 Parcite lacrymulis nunc d, mea cura, puelli.
 Vos ego, deliciæ, & miseræ Rachelis amores,
 (Haud mora longa) iterum regna hæc antiqua
 revisens.

In lucem referam, & socios, comitesque beatis
 Cælicolis addam, cum se pulcherrimus Infans
 Nazareis tandem manifesto Numine reddet.
 Sic ait. At lati proavi, sanctique parentes
 Virginis, ingressi latebrosæ viscera terræ,
 Multa patrum, & turba infantis mandata Puella
 Votaque commissa, & gemitus lacrymasque
 ferentes,

Exuviis victi & manicis squalentibus ibant.

Ventum est post flexus varios in luminis auram
 Quæ dives campis vitreo lentissimus alveo
 It Phison, sylvæque lacum, montesque coronant.
 Hinc iter ingressos, adverso flumine, cum
 Ad solem ductor vestigia tendere iussit,
 Ipse pios manes vario sermone tenebat,
 Multa arcana docens; nimirum ut prodere sese
 Divino fulgore Puer decreverit almus
 Mœrenti patriæ, ut frendens nequissimus, atris
 Carceribus ruptis, totoque Acheronte refuso,
 Præfagus magai excidii proruperit Orcus;
 Utque olim ventura dies, quæ cuncta tenebris
 Obsita paulatim demum caligine solvet.
 Quàm latè, aiebat, populis atque urbibus ingens
 Undique telluris nunc circumfunditur orbis,

Ocea-

(Dum finit usque dies) supponere colla securi,
 Adjungique aliis. O mors, ubi terror? ubi illa
 Formidata acies ferri, vetéresque triumphi?
 At veluti nivibus tectus, gelidisque pruinis
 Vere novo pubesceat ager, seque exerit annus
 Lætior; haud aliter læva inter funera vultus
 Alma fides tollet. Scythicis florescere eremis,
 Thebanisque jugis deserta horrentia cerno.
 Ille feras, posito ingenio, mansuescere coget;
 Hic mare fluctifonium ubi remex, atque carina
 Sulcabit medium: hic nimbos, hic flumina sistet.
 Illyrium, Eurotas, Portus Lunæ, ardua Lygdos,
 Et Phrygii, & Parii montes vix marmora templis
 Sufficient. Venient annis quoque tempora seris
 Cum super oceanum, quod nondum accesserit auri,
 Regnandique furor, felicia carbasa tender
 Relligio. Jacet extra orbem sine nomine (a) tellus
 Exul adhuc ponto, unde auro super illita primo
 Augusta niteant Romana (b) Sacra Divæ.
 Quin etiam extremos superabit pubibus Afros,
 Littora curva legens, jubar allatura remotis
 Gentibus, inque omnes sonus ibit cælicus oras.
 Talia narrantem dextrâ, lævâque frequentum
 Circumstat populus Patrum, comitesque sequuntur;
 Ignari, alatus ductor quas tendat in oras,
 Quodve ferat, pariterque viam cursumque tenebant,





LIBER QUINTUS.

ARGUMENTUM.

Aves tartaræ Virginem in valle cum Divo Joanne Baptista observant, idque in castris nunciant, & bellum sollicitant. Deus Pater Angelis mandat, ut cælestem Puerum cum Genitrice in Paradisum terrestrem transfuebat. Juditba in somnis ab Angelis armatur adversus hostes. Describitur iter æthereum in terrestre Elysium, & clades Damonum in valle Ecnomis.

REm prope cælestem si cui spectare
voluptas,
Huc celer appropètet, Reginamque
ætheris illâ
Floriferâ in valle aspiciat, quæ colligit herbas,
En, niveos succincta sinus intenta labori,
Ut sese inclinat passim, quæ primula visa,
Aut visus crocus, aut apium; tenerumque nepotem;
Qui comes ingreditur, propius dignoscere
anethum,
Fragrantemque docet thymbram, montanaque fraga!
Ocyus accelerate gradum, nisi pulchrius unquam
In terris visum: viridem hunc ascendite collem;
Huc oculos, donec pulcherrima durat imago.
Heu cur tam subito species divina recessit!
Heu gremio redit in penetralia dives onusto!

Nam

Nam vespertinis jam rorant gramina gemmis,
 Atq; humiles circum nebule prata humida opacant,
 Sit malè præcipiti nocti, quæ sole remoto
 Talia nil curans mihi surripit invida velo.

Ecce autem excelso in ramo Cocytia cornix
 Constiterat, foedusque corax, quas undique sævus
 Sparserat excubias ductor, vigilesque locarat.
 Ut verò incolumem Divam agnovere volucres
 Tartareæ è pratis reducem, intrantemque penates
 Protinus insonuere alis: Acherusia castra
 Desertis adiere locis, raucùmque locutæ
 Nubivagum in vulgus quæ nuper visa tulere.
 Nec minùs interea demisso vertice tristes
 Exploratores lemures, quorum improbus unus
 Obscænæ in speciem vetulæ jam liquerat auras,
 Nazario è pago delusi in castra redibant:
 Et malè rem gestam, atq; odes patriamque relictam,
 Sublatumque fugâ Puerum cum Matre ferebant.
 Diditur extemplo rumor, fragor undique, & ingens
 Concurfus stygius picea ad tentoria regum:
 Bella volunt, poscuntq; feri: Nunc tempus inermes
 Prædari inclusos latebris; nunc, siquid Olympus
 Contra ausit, tentare juvat. Pars nubila densat,
 Horrificumque serit nimbum, pars nititur hastis,
 Pars ferrugineis contis. Vox omnibus una
 In vallem Ænonis transferre horrentia castra,
 Et celerare viam nimbis: nemore abditi opaco
 Concilium inter se proceres de rebus agebant.

Hæc Pater omnipotens cernens de vertice
 Olympi,
 Impia bella manu statuit deludere inermi;
 Sed Puerum interea, divâ cum Matre, per auras
 Trans Orbem profugum Paradisi abscondere in
 hortis,

Inter

Inter amœna jubet prata , æternosque recessus :
 Ergo ad se Genium Mariæ vocat , atque ita fatur .
 Vade age , sydereo in terras delabere cursu ,
 Progeniemque meam cum Virgine , præpete nimbo ,
 Transer in Elysi terrestres prouinus agros ,
 Quò Patrum Abramidū nuper præmissimus agmen :
 Atque illic lateant , donec desæviant atri
 Tempestas belli . Socios quoque vasse receptos ;
 Quisque suā ut maneat vigil in statione , moneto :
 Atque ubi concordēs hostes temeraria bella
 Excierint , vos hanc terris avertite pestem ,
 Ne solem ulteriùs , puramque obnubilet auram :
 Dux vobis imbellis erit virguncula : tali
 Fas ducē perculos probro exturbare superbos :

Sic ait Omnipotens ; nec fas mortalibus alta
 Scrutari arbitria , & causas tentare repostas .
 Credibile est tamen humani voluisse timoris
 Indicio Numen fugitivum abscondere Diti ,
 Ne Pueri vires , divina arcanaque nosset :
 Credibile est etiam veteris voluisse parentis
 Regna aperire novo , nulli visa hætenus , Adæ ;
 Quæ prior ille misser specie delusus inani
 (Causa mali conjux) eterno clauserat ævo .

Nuncius ergo Ales per opaca silentia rerum ,
 Ætheriis bigis cæli per inania vectus ,
 Ante ortum solis , Libano super affuit : atque hinc
 Alipedes flexit vitrei Jordanis ad undam ,
 Zacharidæ sub tecta , procul sonuitque flagello :
 Primaq; Virgo Parens , dudum vigil , ora fenestris
 Exeruit ; sed adhuc Pueros sopor altus habebat ,
 Fagineas inter frondes , muscosaque saxa .
 At tibi , fortunate Ales , penetrare subire
 Arcanum licuit , placidosque abrumpere somnos :
 Surge , age , sancte Puer ; Genitor supremus ab alto

Me tibi demittit folio : procul ocyùs ire
 Teque , tuamque jubet Genitricem : dux ego curru
 Sublimes duçam liquido aëre . Sic ait ; exin
 Protinus accelerare fugam : pulcherrima Virgo
 Induere investem Jefum . Dux penniger inftat ,
 Itque reditque inftat fuccincti ad munus ephebi :
 Ipfe etiam impatiens fonipes fodit ungulâ arenam
 Ante fores , phaleræque fonant , atque aurea fræna .

Et iam purpureo lux prima rubebat coo ,
 Agricolis solem revehens , opera , atque labores .
 Jamque inftaurati fomno , fratifque relictis ,
 Nazarii agreftes , pars pingua in arva juvencos ,
 Pars ad aratra boves , ftridentia plauftaque
 agebant .

Hos inter Juditha oculos , nondum excita prorfus ,
 Tergit adhuc niveis digitis ; fimul aurea vittis
 Tempora cingebat , fimul hæc infomnia pulchra
 Narrabat Matri : Mater , quæ mira per umbram
 Hæc mihi nox tulit in fomnis fpectacula rerum ?
 Quam fe caelefti Maria obrulit obvia veftè !
 Qui capitis decor , & cultus ! qui greflus eunti !
 Illa mihi in præto , tercentum vifa puellas
 Inter , virginei moderatrix agminis , album
 Vexillum præferre manu : meque illa fequacem
 Ultro invitabat dictis . Vin' tu quoque noftro
 Adjungi , Juditha , choro ? pariterque referri
 Has inter comites Divas , quas undique campis
 Concordes errare vides ? Sic illa ferenis
 Dicere vifa modis : cui , miro concita amore ,
 Affenfu ardebam tacito dare nomen , & ipfo
 Vox erat in vultu : at conanti reddere voces
 Verba pudor tenuit . Gaftris tunc oscula labris ,
 Amplexufque dedit ; primamque recensuit inter
 Belligeras focias . Dextrâ lævâque volucres

Protinus armigeri; hic chlamydem, cui candida
lino

Crux medio inserta; hic torquem, galeamque
comantem

Ferre videbatur. Visus quoque Iesulus ore
Sic fari roseo: Nostros hinc strenua in hostes
Bellatrix hæc arma geres. Nec plura locutus:
Nam subito (visu mirabile!) currus ab alto
Astitit ante oculos, radiis, atque axe rotarum.
Ex auro, gemmisque hyali, stellisque coruscans.
(Me miseram!) somnus media inter talia fugit:
Nec sibi quid possant hæc arma, aut prælia
novi.

Talia flavicomo religans sibi vertice crines
Intortos spiris referebat somnia Judith.

Interea super Euphratem, Tigrimque sonantem
Pennaiger auriga, ad solis cunabula verso
Temone, auratos currus per inania agebat.
Non ita ceruleam Libycus rapit æthere nubem;
Aut mare velivolum tanto secat impete pinus,
Cui Notus iacubuit; nec Belgica rustica ferreis
Ocyor it. soleis glaciato missilis annæ
Horrifera Scaldim cum vis gelat aspera bruma;
Quantus agit profugos liquidi per inania celi
Impetus, ærii trans ardua mæbula Olympi.
Perpetuo flexa sylvas, & flumina magna
Abcondunt: Turres, atque altæ mœnia Suso,
Nembrotique arces, frondosæque culmina Zagri
Prætereunt. Nemorosi aditus, faucesque malignæ
Apparent, ubi quondam hastâ trajectory equestri
Ille dabit meritas poenas, terrasque levabit
Sacrilegus Cæsar fidei desertor avite
Hinc super Eulsum, Hippophagos, Arachosiaque
arva.

Carmanosque volant: ad lævam Caspia tellus,
Atque pharetrati Medi, Hyrcanique recedunt,
Jamque peragrarant Persas, jamque ultima regna
Memnonis eoi; cùm primùm lenior aura
Sentiri procul è cedris gratissima cœpit;
Qualem è longinquo nautis venientibus afflant
Ad mare odoratis Ligurum nemora aurea citris!
Mox paradisiacæ volucres per cœrula visæ,
Nunciæ ab Elysiis hortis. Non India tales,
Nec variis pennis tot dives America vestit
Purpureis rostris, minioque rubentibus alis.
Miratur, capiturque locis tener incola eremi,
Quem pariter curru Virgo miserata locarat.
Hæccine Nazaridum regio, inquit, avitaque tellus?
O Mater, quàm lætus ager! quæ copia rerum!
Quæ nemora & vitrei fontes! Cui candida Virgo
Dissimulans: Equidem longè ista beatior ora
Quàm tua rura, inquit; nebulae queis semper
opacæ,

Et circumfusus stagnis gravis incubat aër.
Ille autem gestire animis, ut gestiit alvo
Quondam maternâ, atque oculis per cuncta vagari,
Et digitis nunc hæc, nunc illa ostendere parvis.
Interea magis atque magis subsidere currus:
Præcipites cælo bijugos sed parcius Ales
Accelerabat agens stimulis, quod tota videri
Jam regio ex alto posset ditissima pomis
Arboribusq; sacris, liquidisque uberrima venis.
Non ulla Italiæ facies, non amne quieto
Quam placidus secatur Eridanus; nec lætior illa
Ante alias Laudensis agri, cui pinguis lactat
Pascua tot mammis quot plenis Addua rivis:
Addua Lemene sacris celeberrima Musis,
Qui cecinit magnum Numen, felicibus ausis

Arcana ingressus Divûm ; dehinc terna rosarum
 Nexuit ætheriæ ferta immortalia Divæ ;
 Quique animos nobis audendi talia vates
 Adiecit , suasitque ratem deducere in altum ;
 Quâ via Pieriis nondum sulcata carinis .

Perpetui in gyrum montes felicia rura
 Verticibus vallant , quorum vix summa viator
 In juga bisseptem perreptet solibus ; inde
 Umbrifera atque ingens vallis, rursumque minaces
 In gyrum ductæ cautes ; atque inter utrumque
 It vallum medius lacus ingens . Plurima pinus ,
 Æsculus , & nunquam cava robora passa securim ;
 Se viridi è ripa vitreo speculantur in amne ,
 Perpetuisque sonant avium garritibus undæ ;
 Quas fulicæ assuetæ sylvis , mergique loquaces ,
 Assiduoque anates tranant hinc inde volatu .
 Ad Boream pons marmoreus , cui molibus altis
 Quinquaginta arcus subterlabentia stagna
 Excipiunt ; versoque situ longissimus undâ
 Excurrit pictus sub opaco gurgite fornix .
 Nulli fas hominum vetitos contingere fines :
 Stat Custos ferro armatus , noctesque diesque
 Excubias ducit , commissaque limina servat .
 Atque hæc transibat prono jam vespere currus ,
 Per magni convexa sonans saxa ardua pontis ;
 Excisosque aditus adversâ in rupe subibat .
 Apparent immensi agri , largissimus æther ,
 Herbosæ hæc illac valles , animantia mira ,
 Capreoli , pardi cicures , cervique fugaces .
 Quæ loca ! quas olim sedes ! quæ regna pararat
 Omnipotens ! ut belle , ut suaviter omnia rident !
 O miserum mortale genus , quæ dira cupido
 Hinc procul exegit ? Juvat omnem abstergere
 curam ;

Respirare auram juvat, & dare lumina circum.
Zacharides visu attonitus puer ore sequaci
Versicoloratas servabat in axe volucres,
Phœnicum, atque apodum turmas, & candida
olorum
Agmina, sturnorumque acies: cui regia Mater
Annue, ait, digito, porrectaque allice dextra.
Annuit; inque manum sublatam & brachia nuda
Ardeolæ, virides pici, cinclique loquaces
Ad nutum veniunt: mirantique addidit Ales,
Ipsi etiam accedent mites, si jusseris, urfi.
Nec renuent tigres: nulla his fera noxia sylvis!
Ventum est Elysiis in pomaria, dives ubi illa
Cladibus heu nostræ gentis memorabilis arbor:
Pomaque cernere erat summis fatalia ramis
Pendula adhuc, veteris monumenta perennia noxæ
His, ait auriga, infauftis sub frondibus actum
De rerum summâ, jacta alea, perditæque omnia
Ipsa locum immunis culpæ circumspice, Diva.
His furtim repens emerfit sepibus anguis:
Hic fedit miseranda parens: hic ore locutus,
Multaque promisit veterator callidus: huic se
Implicuit trunco, porrexitque improbus escam.
Heu dolor! heu pietas! Deliravere parentes;
Plectetur Puer iste tuus. Sancte Aliger, istud
(Da veniam) poteras reticere, aut dicere saltem
Vocibus ambiguis; nunc irrevocabile telum est,
Atque hæc verba diu tacite secum illa revolvit.
Occidit interea Titan: (mirabile visu!)
Suspiciunt lunam ingentem se tollere contra,
Cui maculæ insuetæ, & solito turgentior orbis;
Per vitreas qualis sese ingerit aurea lentes.
Usque aded illa polo, sublimi vertice, in auras
Accedit tellus, propioraque suscipit astra.

Denique marmoreum tectum sublime refulsit,
 Tot pictis aulis dives, quot solibus annus:
 Ingrediturque sonans curus quà porticu in amplà
 Mille aderant juvenes tedis utrinque coruscis,
 Ordine dispositi. Centum atria mira columnis
 Suffulta apparent, Ales pulcherrimus ulnis.
 Divinum accepit Puerum; Reginaque bigis
 Ultima descendit. Conclavia in alta feruntur
 Marmoreis gradibus, sequitur quos undique fusa
 Cælestum pubes. Lituis domus intima, plectris,
 Carminibusque sonat, facibusque incensa coruscat;
 Omnia tuta videt Genitrix, fruiturque beatis
 Deliciis. Nox stellifero tegit omnia velo,
 Projiciens latè campis felicibus umbram.

Nunc ruat utcunque, & sævis ferus intonet armis
 Orcus in absentes; nunc terras turbine, & axem
 Misceat, irarumque omnes effundat habenas.

Huc animos, Auguste puer, cui Turcico opima
 Sanguine Pannonicis jam sexta adolescit in arvis
 Læta ceres; raucùmque sonans promissa quotannis
 Corpora cæsa virùm, vestes, pacta, armaque patri
 Euxino impatiens Ister jam ferre laborat.

Huc ades, inviæti cura & spes magna parentis,
 (Spero equidem, nec vana fides) Orientè subacto,
 Imperii quondam gemini recturus habenas,
 Flos alme Austriadum, Joseph. En denique bella,
 En tibi promissas acies. Hinc armiger axis,
 Hinc Erebus jam signa movent, Matremque
 lacerant.

Ergo omnis cæco misceri murmure vallis
 Cœperat Ænonis. Prægnans Acherontia nubes
 Lucifugos manes alvo profuderat, instar
 Grandinis æstivæ, horrifono displosa tonitru,
 Atra Gomorrhæi trans usque bitumina stagni.

Quan-

Quantus Hebrus, quantusque Hypanis, vel magnus

Orontes,

Aut pater Eridanus latè imbris auctus inundat,

Egrediturque Athesis ripis, vel maximus Indus;

Tale fremit, tantoque ruit per saxa sonore,

Piniferas inter sylvas, camposque volarum,

Exsuperatque jugà, obscurisque it vallibus agmen.

Noctis erat medium, cùm Belphegor arduus alto

Stans scopulo, stimulos animis incussit amares,

Instigans jam trita jago subducere colla,

Frænaque morosa diu pertumpere, bellaque demens

Agminibus Stygis innumeris indicere Olympo.

O socii, ò quondam cæli gens incola summi,

Quos odium superùm vetus implacabile torquet;

Nunc vetera ulcisci tempus, nunc jura tueri,

Nunc fas antiquam per vim decernere litem.

Sunt nobis immensæ acies, extremaque passæ;

Quodque caput, nostris divina exhausta potestas

Supplicis, nec habet quid desperantibus addat.

Quæ fuerit fors cunque, in Numen vertere magnum

Lucifer arma jubet, patriasque reposcere sedes,

Syds hyperboreum supra, gelidosque triones.

Excindenda hominū primò stirps funditus omnis;

Reptilium, & volucrum, & pecudum genus:

insuper ipsa

Devastanda igni tellus: hinc aëre cæco,

Per medios ignes, per densa volumina fumi

Ibimus in superos. Memores tamen ista tenete:

Si fors cælicolæ trepidi venientibus ultro

Annuerint, & regna velint antiqua pacisci,

Partirique polos, aut conditionibus æquis;

Ne quisquā indecori obsequio, vehit indigus hospes,

Ætheris in partem veniat: rigido omnia jure,

Nil precibus, positoque genu, veniâque petendum.

Condicta, ò socii; res esto: jungite dexteras:
 Nunc locus, & res ipsa vocat, nunc facta potestas:
 Hunc prius abstrusum latebris exquirite parvum,
 Ambiguumque Deum, quem Numinis esse veremur
 Progeniem magni; nobis, si creverit, olim
 Venturum exitio. Captivus ad infima quæque
 Cælicolas trahet: haud parvo redimendaq; mater
 Obses erit pretio. Ite alacres, his abditus antris,
 Hic latet; ad predam discurrete, cingite sylvas,
 Vestigate aditus omnes, det buccina signum.

His dictis elati animi, & novus additus ardor,
 Vanaque spes miseris, cælique arrecta cupido.
 Jamque atris facibus læti, incensisque cupressis,
 Per juga odorisequi, per saltus undique fusi,
 Latrantum velut audito turba excita cornu,
 Exertis linguis caveas, & lustra subibant.

Cùm procul ætherei pugiles, mille axè quadrigæ,
 Loricæ ex auro, scuta ærea, telaque visa,
 Et chlamydes variæ, plumæ, & vexilla per auras;
 Alatumque triplex descendere nubibus agmen.
 Arrexere atros stupefacti ad sydera rictus
 Luce repentinâ obstricti: haud mora, murmure
 rauco

Tartareæ insonuere tubæ, tremuere cavernæ;
 Et conjuratæ, momento temporis, omnes
 Instructæ horribiles turmæ, sub signaque rapta
 Agmina. Lava acies tibi, corniger Asmodæe,
 Tessera cui belli piceus caper: huic Ephialtes
 Signifer, & Mormo comes additus; in medio dux
 Belphegor, & Gorgo, & Belial: extrema coërcet
 Squamigerâ Dramelech insignis pelle draconis.
 Parte aliâ classẽ; specie fugientis, Amida
 Laxabat ventis; à tergo scilicet hostem
 Circuitu interlor largo aggressura repente.

Quis-

Quisque suas lustrare acies, spemque addere dictis
 Et monstrare manu natalia sidera : Nunc vi,
 Nunc animis opus, ò socii, nunc reddere cladem
 Hostibus antiquis; nunc nunc cui cedat Olympus;
 Cui summa imperii, vestris decernitur armis

Jamque propinquabat legio omnis cœlica terris
 Jam propior stadio. Tot scuta, & tela per auras,
 Tanta acies Divum, galeæque, ensesque micantes
 Undique inardebant, quantum nec Cynthia pleno
 Orbe micat, medioque nitet sol purus Olympo.

Illa autem pennis cœlo librata pependit
 In turmas digesta suas Orientis ad oram,
 Opperiens hostem. E signis borealibus Orcus
 Circuit occiduam partem, volucresque maniplos
 In gyrum flexit: nec segnior inde volatum
 Erexit contra. Improvisi turbinis instar,
 Turbinis ex Apennino venientis, aquosam
 Obscuramque hyemem, tempestatemque ferentis;
 Ala sinistra Erebi, magno procedere jussa
 Cum sonitu, in dextrum cornu ruit impete facto,
 Alpheus, & Dagon, atque Ornicus, & ferus Acco,
 Ante alios primi. Tortas umbonibus hastas
 Scuta retorserunt adamantina protinus, actis
 Hostibus in præceps; iterumque in bella feroces
 Conversis rediere animis, iterumque repulso
 Fulguris instar agit, tergoque fugacibus instat
 Prima acies Divum. Sed & ipse sequentibus hæret
 Belphegor increpitans dictis: Non Appula tellus,
 Non hic Gargani montes, quibus hæsimus olim
 Vi pulsi cœlo; nec primum fulmina visa,
 Aut tonitru auditum. Sed & ipsum torva frementē
 Cum sociis premit Aligerum turma altera: turmam
 Hanc sequitur Dramelech; hunc tertia cominus
 urget

Diva phalanx: hastas hastis, tela ignea telis
 Implicuere, oriturque atrox asperrima pugna:
 Pastores strepitu excitî, de montibus atram
 Suspiciunt nubem: mirantur noctis in umbrâ
 Tot strepere obscœnas volucres, tanta agmina cœlo
 Misceri turmis internigrantibus alba,
 Fit clamor, sævitque canum latratus ad auras.
 Ast Erebi infanæ vacuum per inane phalanges
 Alternæ, ad lavam dextramque, infraque supraque;
 Hæc illac variis fusdeque erroribus ibant.
 Ter frustra in nubes validis conatibus actæ;
 Ter lapsæ ad terram; ter rursus concitæ ad auras;
 Mille vias incunt, spirasque, orbisque retexunt;
 Ut vespertini per sera crepuscula mures
 Pinnigeri volitant. Stat longis fallere gyris
 Instantes à tergo hostes: non si ruat ipse
 Desuper Omnipotens jurati cedere campo.
 Jamque aded in longam noctem fera bella
 trahebant.

Jam procul audiri clamor, stygiumque celeusma
 Gœperat infernæ classis; longèque videri
 Tartareæ antennæ, distentaque carbasa vento.
 Cùm subito tonitru Divum Pater, atq; hominum
 Rex

Sydereo è solio totum tremefecit Olympum.
 Ecce autem (res mira!) aderat sublimis Amazon
 Albo in equo aëria veniens altissima nube
 Bellatrix, cui tanarias confundere turmas
 Armipotens dederat. Non huic armata securi
 Hippolyte, aut ripis Amaseni educta Camilla
 Digna foret lateri pedes ire, atque aurea tela,
 Et pictas pharetras comes in certamina ferre.
 Hanc pronâ labentem hastâ, inter mille sequaces;
 Non tulit ille animis nuper, vultuque tremendus
 Pa-

Palantum ductor lemorum Asmodæus, in omnem
 Incurritque aciem trepidus, classemque petivit,
 Post puppes & transra latens, formidine turpi.
 Haud aliter quandoque canis pecuarius ingens
 Rure cubans, si quem venientem senserit, ore
 Continuo exululat magno, insequiturque paventem;
 Quem si audens quisquam petat obvius, ocyor Euro
 Tecta subit; stabulique alto de culmine vecors
 Latratu in feram noctem se jactat inani.
 Tum fragor auditus, veluti si corruat axis
 In præceps fractus: clypeum simul aspera virgo
 Obiecit rabidis, medioque umbone refulgens.
 Numinis ostendit non ulli effabile signum,
 Notum Erebo signum: simul axe apparuit ingens,
 Terribilis, vindex ensis; tum murmure claro
 Quattuor à ventis, vox magna audita per auras:
 Ad Chaos, ad puteum, genus exitiale, profundi.
 Horrendum visu! rima ingens aëre aperta est,
 Astraque visa polo, & comitatus Numinis, & mors
 Ossea præcedens in equo, innumeraque cohortes.
 Quo visu turbatae acies, pavor excitus ingens;
 Ceu trepidis avibus cum desuper ingruit alis
 Milvius, aut vultur rostro improvisus obunco.
 Prima fugam remis velisque capeßere Amida,
 Trans Casium, & Seras, nimboſaque culmina Tauri
 Parte aliâ Aegypti turba omnis foeda Deorum
 In diversa trahi longis invecſa colubris.
 Ad terras reliqui, condensa grandinis instar,
 Præcipitare metu: Laxis fugiamus habenis
 Quæ juga prona ferunt: totus ruit axis, ab alto
 Millia myriadum princeps trahit anniger; ipse
 Bellipotens curru insequitur, fugite ocyus, arma
 Exuite. Hinc pavor, & clades vastissima; nec fas
 Præcipites retinere minis; fanaticus error

Usque adeo exagitat trepidos. Fugit avius ipse
 Euphius, & Babel, & Belzebub: ater euntes
 Nimbus aquæ insequitur: caligine, pulvere, fumo,
 Arietibusque nigrisque ululis obnubitur ær:
 Pars obscenarum volucrum fusco æthere pennis
 Fidere, pars condi miserorum in corpora agrestum;
 Hos Sodomæ mersere lacus, hos terra dehiscens,
 Aut putei exceperè cavi, pelagusque profundum.

Est regio Italiæ in gremio, sub sydere tristi,
 Quam Dauni, & Vestinus ager, Marsique coërcent,
 Nubiferumque super caput exerit Apenninus;
 Unde jugis æti in præceps horrentibus amnes
 In mare se exonerant. Vulturini nomine. Tellus
 Omnis subtus hiat, cæcis perfossa latebris,
 Fornicibus suspensa cavis, & sulphure fœta.
 Huc legio princeps sese per aperta Vesevi
 Ora dedit, penitus vacuas ingressa cavernas
 Quantum (a) Hirpinorum urbs sedes, & regia
 distat

Parthenope. Hic profugos superùm Pater ære
 revinxit;

Adiecitque annos (b) quot cælo impendet arista
 Ifidis; ostentis ter ferme ut vergat eam
 Signiferi in partem gradibus. Quo tempore demum
 Exacto, rursus valido luctamine ad auras
 Erumpent scissâ tellure; & murmure vasto
 Impositas quatient ruptis compagibus urbes.

Nec verò eventum primi inter cætera mittam
 Ductoris stygii. Ille amens ad flumina cursu
 Dum fugit, in viridi pascentem gramina campo
 Nactus equum, huic ulvo sese indidit. At quadru-
 pes se

Pro-

(a) Beneventum. (b) Tempus astronomicum usque ad
 annum 1688. quo terramotus per Campaniam.

Protinus immani coniecit in aëra saltu;
 Concussisque júbis per colla, & spumeus ore,
 Indomitus præceps per devia fugit Idumes.
 Donec Ithuræi comprehensum montibus aspris
 Obstrictum hinc atque hinc per vim traxere lupatis
 Herodi, Herodes Agrippæ, Agrippaque habendum
 Augusto dedit. Hoc verò mirabile narrant;
 Illius in sobolem, & sobolis genus omne secutum,
 Tartareum possessorem migrasse frementem
 Cæsareis stabulis: donec sacro effera fræno
 Injecto Constantinus compescuit ora,
 Hospite Avernali ejecto: quæ ferrea fræna,
 Augustæ Crucis è clavo confecta trabali,
 Insubrum ante aras nunc Urbs regina veretur?

At ripâ ex altâ liquidi Jordanis Amazon
 Insignem niveo candore, auroque nitentem
 Egit equum, & fluvio victrix se condidit alto;
 Unde pios iter ad manes per concava terræ.
 Quò simul advenit, patriis fusæ undique sistris
 Occurrere animæ, latèque patentibus ulnis
 Antiqui Patres. Quis verò hanc crederet illam,
 Parthenii quondam meruit quæ præmia veli,
 Dilectam JESU, & Pueri cælestis amantem
 Juditham? huc talem armigeram quis tempore
 tali

Improvisam aded superâ expectasset ab aurâ
 Venturam? Illa erat, illa tamen jam corporis
 expers,

Præda recens mortis, fato sublata repentè.
 Namque agris nuper sero dum vespere anethum,
 Æquales inter legeret pulcherrima nymphas;
 Seu riguâ latitans malus anguis læserit herbâ,
 Sive aliud (longo nam fama obscurior ævo)
 Heu lassâ, heu morior dixit; collapsaque sedit

Floribus in nivèis, albo magis alba ligustro:
 Mox ubi deseruit mortales spiritus artus,
 (Quæ fuerant nuper sacri præfagia somni)
 Olli castus amor meruit, servataque voto
 Virginitas Erebi obscenas dispergere turmas,
 Et latum Elysii in sedes inferre triumphum.

Exitus hic primus belli; sic Tartara probro
 Affecta, elusi manes, dux fœmina facti.





LIBER SEXTUS.

ARGUMENTUM.

*Elias Thesbites in Paradiso terrestri Virginem collo-
quius tenet. Divinus Puer superveniens Matrem rosis
coronat. Serâ nocte, in palatium revertentibus oc-
currunt animæ sanctorum Patrum. Aulam maximam
subeunt, ubi sacra bella in parietibus descripta cer-
nuntur. Illic drama ab Angelis exhibetur; atq; iterum
sancti hospites curru sublatis Nazareth revebuntur.*

H Etruscos inter flores quâ labitur Arnus,
Hesperia sacris statio gratissima cymis,
(a) Est locus in prato, unde etiam data
nomina ruri.

Quanquam forte suâ felix locus ille vocari
Elysium meruit: regni nam siqua beati
Illius in terris species foret ulla superstes,
Unius ista foret Mediceæ gloria villæ.
Unde aded geminæ facies, & prorsus eandem
Exactæ ad normam sedes, rem promere ab alto
Fert animus, paulumque viâ deflectere cantu.

Namque ferunt, postquam vates (b) Aligherius
Orci

Ambages tortas, animarum februa, & altas

Cæ-

(a) Pratolinum, Magni Ducis Hetr. villa, cur simile
Paradiso terrestri. (b) Dantes.

Cœlicolum sedes stellato ascenderat axe ;
 Non illum in patrias (si famæ credere fas est)
 Continuo rediisse domos . Nam dia Beatrix ,
 Quâ duce tot vulgo ignotos penetraverat orbes ,
 Nequa forent divinarum mira abdita rerum ,
 Terrestris Paradisi iterum traduxit in hortos .
 Hos duce Matheldâ jam viderat ; ast ibi poto
 Amne sacro, memori abstulerant obliviam mentem :
 Ergo iterum peragrarè datum loca , tectaque mira
 Infanti fabricata Deo , quod reddita menti
 Visa semel rursusque forent : Postque otia longa
 Dicitur asportasse illinc descripta papyro
 (Seu verum , ut perhibent, seu vulgi fabula) sacræ
 Intima quæque domus , teneræ sarmentaue vitis ,
 Delicium Musæ , seræque alimenta senectæ .
 Hinc gemino dives spolio patria arva revisit ,
 Præcinctus nigris lauris , quas fumus, & ær
 Obscurus tetra fuligine tinxerat Orco .
 Olli sacra genis macies , vox ænea , tristis
 Obtutus , veterique scabrum rubigine plectrum :
 Perque urbes medias ibat , perque oppida Tusca
 Pone trahens citharâ stupefactum ad carmina
 vulgus .

Tum latè Aufonias gentes discordia demens
 Hinc atque hinc odiis in mutua fata ciebat .
 Causa mali, geminæ perplexa ab origine (a) partes ,
 Quois bicolor nomen fatalis tessera belli ;
 Unde bipertiti cives , atque asperi agrestes ,
 Et populi infensi populis , atque urbibus urbes :
 Quid répetam sævas quot passa Hetruria clades ?
 Quot procul extorres vis egerit impia cives ?
 Ipse etiam vates necquicquam dira minatus
 Exitia , & pœnas , quas imis nuper avernis

Vide-

(a) *Albi, & nigri* ;

Viderat ; infelix patriis à finibus exul ,
 Dicitur excoluisse agrum, curisque levamen
 Vīnetum instituisse domi : vitemque beati
 Elysi furtum crevisse penatibus ajunt ,
 Prætextam muris , quam dein volventibus annis
 Diffusam latè , & mira propagine adultam
 Paulatim Hetrusci campos severe per omnes ;
 Tyrrenæque urbes sacrum expressere liquorem
 Pistorium, Senæ, Alpheæque ab Origine Pisa .
 Prima propinavit laticem Florentia purum ,
 Os liquido perfusa mero , mirabile donum
 Finitimos inter populos partita Livi .

Olli (a) subviridis color , atque abscondita vena
 Nectaris ætherii , longè super Attica mella ;
 Quâ sensim agrestes hominum mollescere linguae ,
 Eloquiumque modis cœpit dulcescere miris ,
 Et lepor , & charites paulatim accedere dictis .

Inde tot egregii vates , cultusque per artem
 Italiæ sermo , Latii jam secula prisca ,
 Et Grajas Veneres fandi dulcedine vincit .

Eloquii hinc inter Patres subsellia Dantes
 Prima tenet , primus genialis confitor uvæ ;
 Unde illum in Tuscos , mentito nomine Bacchi
 Vexit agros (b) Redus , prætextaque fabula vero est .

At folio excerptum , ut dixi , mirabile tectum
 Hetruscis Ducibus longo post tempore cessit ,
 Cui formâ, atque situ substructa simillima (quantum
 Fas opere industri fabricis mortalibus) ædes .

Namque hæc in viridi prato : in viridi quoque prato
 Illa domus ; domui contermina eremus utrique ,
 Et sacrum nemus & fontes , & plurima quæ nunc
 Haud memorare vacat. Paradisi sed tamen hortus ,
 Divinas ædes gyro qui plurimus ambit ,

Paulo

(a) Vulgo Verdea. (b) Franciscus Redus in Ditbyrambo.

Paulò aliter positus . Verbana haud discolor illi
 Insula , ad eum quà formosissima solem
 Vergit opaca cedris , Borromæosque penates .
 Desuper aspectat . Multum illi , & Montia villa ,
 Pinifero quà subterlabitur Addua Vapro ,
 Meltiæque aspirat . Verùm hæc mortalia longo
 Post se intervallo species illa aurea linqvit .
 Antiqui Elysi ; quò me , post horrida bella . . .
 Jam fessum , series rursus vocat ordine rerum ;
 Invitatque chorus Divum , peregrinaque Virgo ,
 Quam cælo invecam paulò ante his liquimus arvis .
 Ergo age , quæ nostris illo solatia in orbe
 Hospitibus data , quæque oculis spectacula rerum
 Exhibita , utque inter sanctos nox acta penates ,
 Musa cane , & seclis non ante audita revolve .

Hic illa , hic gemini prono jam sole puelli
 Tunc aderant ; pariterque aderat venerabilis ævo
 Fervidus ille senex , raptus qui curribus igneis
 Sederat his quondam Thesbites advena campis .
 Olli canities mento diffusa , pruinis
 Candidior , nivibusque perennior Apennini ;
 Alba super fulvâ quoque lanca pallia veste ,
 Sandalia in pedibus , viridique intortus olivâ
 Nectebat ramus raros ad tempora crines .
 Et tum frondifero sub tegmine fortè sedebat
 Juniperi ; gemini verò per florea prata . . .
 Interea errabant pueri . Bonus incolæ Matri
 Hospitæ amœna loca , atque avi celeberrima quæque
 Monstrabat digitis longè monimenta vetusti . . .
 Illa procul juga celsa vides , sylvamque comantem ,
 Quæ solem tegit , ingentemq; huc projicit umbram ?
 Illis in latebris Adam , & malè credula conjux
 Delituere ambo velati frondibus ; haustum
 Lethalis pomi simul ac sensere venenum .

En

En ubi deterfis oculis fomno excitus Evam
Egressam latere obstupuit : sub collibus illis
Infelix famulantum inter genus omne ferarum
Jura dabat brutis , & nomine quæque vocabat :
Talia narrabat. Cui Parthenis alma , beatis
Deliciis capta agrorum , nemorisque propinqui
Respirans auram , roseo sic ore locuta .
Multa mihi porro peregrinæ ediffere , vates,
Jamdudum his assuete locis , quæ scire laboro .
Ac prius hesternò lethalia vespere vidi
Poma , venenatis vulgò celeberrima succis ;
Unde lues genus infelix diffusa per omne :
Ast ea credideram , fateor , pulcherrima longè ;
Longè aliam speciem rebar , quæ cogeret ultro
Invitas ad furta manus : nil tale , nec ullas
Illeccbras , quas fama refert , sub pectore sensi .
Olli subridens senior : Mirabile narras :
At non illa impunè alius spectaverit , inquit ,
Adami de stirpe nepos . Sed tortè Parentum
(Quod reor , & decuit Genitricem Numinis) illi
Dira cupido tuos nil se transfundit in ortus .
Certè ego , cùm primùm blanda illa pericula vidi ,
Ingenitum virus per venas serpere sensi ,
Præsentique malo sanguis sufferbuit imis
Usque fibris ; quanquam mihi jam vis nulla timenda ,
Inque hoc tranquillo jam tuta sit anchora portu .
Hic aliò eloquium divina Puerpera bellè
Detorsit , fortem egregiam sibi conscia celans .
Multa loci , veterumque rogat , sed & ipsa vicissim
Multa Palæstinæ , rerumque , hominumque reponit .
At senior , cui nondum animis excesserat ardor
Ille vetus , patrii cùm culmina degeret inter
Carmeli , pluvios upde ignes sæpe vocarat ;
Ingenii memor usque sui , memor atque scelesto
Quæ

Quæ quondam illo ævo passus, quot adire labores
 Extorrem impulerint ; antiquæ semina flammæ
 Elicitque animis, rigidoque hæc ore locutus .
 O ego quàm reliques inter nunc degere vellem
 Mortales , scelerumque ultrices cernere flammæ ,
 Quas Puer iste tuus , patrio pro Numine læso ,
 Axe feret ! Num sæva adeò vos sæcla tulere ,
 Qualia vixi olim ? Quantas mihi perfida lites
 Fœmina , quotque tulit ! quot sanctos illa peremit ;
 Haud impunè tamen , vates ! quot sparsa per omnes
 Monstra Deùm terras , quot fœda altaria vidi !
 Impia gens , toties nequicquam exterrita nostræ
 Fulminibus linguæ ; nunc denique magnus ab alto
 Ultor adest , meritis qui subruat ignibus urbes
 Sacrilegas . Quantus regum cruor effluet atris
 Lingendus canibus ! quot corpora sparsa per agros
 Alitibus prædam video, quantoque tumentem :
 Sanguine Jordanem ! Quanquam pro talibus, alma
 Virgo, equidem vereor , nimium frons ista Puelli
 Blanda tui , placidusque animus . Quod pristinus
 ille

Dux exercituum cessit ? cur grande sub istis
 Dissimulat Numen spolis ? ubi fulmen ? ubi vox ?
 Et nomen vetus , & facies , habitusve Tonantis ?
 Talibus austerus dictis antiqua renarrans
 Instabat vates : Quem mitibus alma querelis
 Mollibat Virgo ; desuetaque fulmina dextræ ,
 Alternasque vices , & sat data funera terris ;
 Nunc aliam seriem , conversa que sæcla docebat .

Interea verò gemini per prata puelli
 Immixti genis, calathi quibus omnibus auro
 Illusi , atque ebena texti argentoque quasilli,
 Carpebant flores . Ter quinquaginta seorsum
 Collegere rosas ; quarum pars tertia puris

Pu-

Purior alpinis nivibus, pars altera tincta
 Murice sanguineo, pars ultima concolor auro.
 Ut numerum explevere sacrum, Tria neſcite filo
 Serta, ait ætherius Puer, unicoloribus unum-
 quodque roſis; decimam medio ſed quamque nivali
 Bellè interpoſito diſtinguite lilio, odoros
 Inter utrinque crocos. Sic ille, & ſedulus ultro
 Ipſe manus operi quoque contulit; inde per agrum
 Lætitiâ ingenti Reginam adiere ſedentem
 Gramineâ in ripa: cui formoſiſſimus Infans
 Mollibus impoſuit nexum diadema capillis.
 Quis tibi ſenſus erat, Virgo? quàm concolor ipſi
 Sanguineo ſerto! quæ purpura ſparſa per omnes
 Ore genas! Manibus ter ſummo è vertice munus
 Detrahit roſeum, Puero impoſitura; ter ille
 Reſtituit rurfum; bis garriit almus ad aurem
 Matris; bis pariter Virgo reſpondit in aurem
 Cæleſtis Nati. Tandem pulcherrima Numen
 Cæruleo accepit gremio, & crinem, & tenera ora
 Ore ſuperpoſito ſtrinxit, tenuitque lacertis
 Amplexa; & lacrymans, & inhærens talia dixit,
 Quæ poterant ipſum, credo, retinere cadentem
 In mare jam ſolem. Hic luſus gratiſſimus inter
 Milie alios fuit. Hinc aded tibi grata roſarum
 Munera Partheniis altaribus; hinc tibi magnis
 Intermixta etiam titulis roſa. Denique ſerta
 (Nazareas poſtquam rurfum remeavit in ædes)
 Elpino dedit; ille autem ſua carmina cuique
 Adjecit flori. Verùm mihi noxia ſemper
 Veſperis umbra. Inter médias jam ter mihi;
 Phœbe,
 Delicias fugis: ipſe autem quæ cernere velles,
 Heſpere, cuncta fugas. En ſydera ſparſa repente;
 Præcipitemque fugam ſolis, noſtemque ruentem
 Par-

Parthenis ipsa dolet. Jam tempore cyclade velat;
 Discessumque parat: Procul, inquit, in ardua tecta
 Sera dies, Pueri, revocat, superandaque vallis;
 Perque sacram relegenda iterum vestigia sylvam.
 Sic illa. At senior vates suspexit eremum,
 Carmeli ad normam veteris texta ardua colle
 Palmifero, atque, illuc bis sustulit ad juga dextram,
 Clumoremque dedit notum; tenuitque parumper
 Sollicitam Matrem dictis; atque altius ore
 Signa dedit rursus. Ecce autem (mirabile visu!)
 Quattuor è monte alipedes, en currus ab alto
 Flammeus; alatusque Cherub auriga jugales,
 Lora tenens, summo de vertice collis agebat.
 Ac veluti in noctem, vulgo mediâ urbe coacto,
 Machina flagratura ingens ubi tempore longo
 Spectantes tenuit; cùm primùm culmine ab alto
 Per funem aut aquila, aut alato tergore serpens
 Sibilat ore ferens incendia; plebis hiantis
 Ora oculosque rapit flamma improvisa per auras;
 Haud aliter miri veniebant tramite recto
 Quadrijugi ardentes, flagrantisque axe quadrigæ.
 Utque solum tetigere rotæ, propiusve quierunt;
 His ego vectus, ait Thesbites, æthere quondam,
 Hisque feror toties trans nubila, transq; rubentem
 Supremi regionem ignis; maculosaque lunæ
 Bis propior convexa oculis immania vidi.
 Hæc memorans armos manibus palpabat equorum,
 Nomine quemque vocans; atque ora sonantis
 frœnis
 Prensabat dextrâ, atque humeris aptabat habenas.
 Inde Parens, Puerique ambo, Seniorque coruscis
 Confedere jugis; obscuroque aëre septi,
 Quâ procul ad stadium miranda palatia surgunt,
 Æthere stellato liquidum per inane redibant.

Fas mihi nunc rerum felici abscondita nocte
Efferre in lucem memoranda arcana sub auras ;
Fas audita loqui , tantisque obliuia rebus
Demere , siqua latent , memorique adungere famæ :
Jam claras ædes , jam limina celsa subibant .
Ecce autem extremis mediisque penatibus omnis
Plena novis strepit hospitibus domus : ecce per
aulas

Obvia , perque fores passim , perque atria magna
Turba ingens matrumque virumque effusa ruebat .
Nempe aderant veterum Abramidum de sede piorum
Selecti manes , proavi , sanctique parentes
Virginis : (his nuper supera ad convexa parumper
Ire datum , & Puero , & magnas deferre Parenti
Obsequia) Ante alias complexu ecce obvia inani
Anna Parens in colla ruit , notæque per auras ,
Ceu quondam , resonant voces : Ne subtrahe vultus ,
Ne metue , o gnata : en genitrix tua corporis expers :
Illius hic simulacra vides ; non veraque imago est ,
Quam cernis : sed præsentem te , Filia , miris
Amplector , videoque modis . Nec lumina possum ,
Nec vestes , nec mortalem discernere vultum
Spiritus exutus membris terrestribus . Atqui
Longè alia apparet species , animamque nitentem
Perspicio insolitis radiis , cui corpus inhæret ,
(Cernere quod nequeo) nebula circum instar opacæ .
Oscula redde mihi , mea lux , quæ sentio ; quanquam
Sparsa tibi hæc eadem volucres videantur in auras .
Parte aliâ Elisabe pavidum complexa puellum
Alloquitur longæva suum ; similisque tenenti ,
Cæca velut , rogat an tergo circumdata zona ,
Ut quondam , præsumque manu contrectet inani
Hortaturque loqui ; propiusque adnixa laborat
Ingerere antiquos vultus , & nomina nota .

Me ne , puer , nosti , tenerum quem montibus olim
 Infantem texi , pueris cùm bella moyeret
 Impius ille , cavoque specu jam lassâ biennem
 Te moriens liqui ? Quæ sors exinde secuta ?
 Quæ rerum series ? Tales dabat illa querelas ;
 Quas strepitus Patrum tegit ingens undique circum
 Infantem Divum . Hic citharis insignis cburnis
 Regis Idumæi , Joachimi , atavique Manassis ,
 Pantheris , Jesse , atque ingens senis Abrahæ imago ,
 Isaci que pii serâ de stirpe nepotes :
 Vestibus in niveis omnes , oleaque virenti ,
 Et semper vivo redimti tempora flore .

Unâ omnes subiere aulam , quæ maxima tecto
 Sese aperit medio . Centum cristallina lychnis
 Pensilis effulget lampas , centumque minores
 Aëre dependent ; aurataque brachia longo
 Ordine sustentant ardentes undique ceras .

Hic acies pictæ innumerae , & seges aspera Martis ;
 Aëre graves equites , hastæ , galeæque comantes ,
 Et clypei , atque omnem sacer horror circuit aulam .
 Scilicet in divum Puerum Styx effera quotquot
 Eductura olim furias , horrentiaque arma
 Cernere erat , pictosque duces , & fortia facta
 Magnanimùm Heroum , pugnataque in ordine
 bella ,

Hinc Constantini labara exundantia ventis ,
 Romuleisque aquilis Crux addita , visa per auras :
 Inde Godefridi vexilla , & Maurica cæsa
 Agmina , Arianaque acies , & Thracia bella .

Nec tantùm veteris , sed & ævi Mars quoque nostri
 Effigies , atque arma virum , spirantiaque ora
 Parietibus pictis , variisque tapetibus errant .
 Namque hic æratas classes , Venetosque leones
 Littora spectabant , Maurocepique triumphum ,

Jonio

Jonio è ponto in patriam nova sceptrā ferentis .
 Parte aliā heroes magni Lotharingus in armis ,
 Et gener Augusti Bavarus , duo fulmina belli ;
 Duētoresque alii mediis in millibus ibant .
 Tuque etiam palmis superesses , Jule , Sabaudæ
 Gentis honos , cui mors præcep̃s florentibus annis
 Invidit , ne lætam urbem , conversaue fata
 Aspiceres belli , quorum pars magna fuisses .

At latè in medio Geticus revolutus in omnem
 Pannoniam it torrens , cui vix satis ampla camelis ,
 Armentis , & equis potoribus , atque trecentis
 Europæ atque Asiæ collectis gentibus urna
 Danubii : Austriacis successu turgidus horrens
 Iæ superfusus rupto aggere cernitur arvis .
 Hinc miserræ matres profugæ per tela per enses ,
 Crinibus effusis , lamentisque astra cientes ,
 Quæis mediâ è flammâ gremio asportata supellex ,
 Aut cæsus conjux , aut rapti in vincula nati ,
 Inter equos , currusque latent , confusaue castra ,
 Migrantum plena arva fugâ , plena omnia luctu ,
 Horror ubique , metus , faciesque miserrima belli .
 Nec procul Austriadum positam discrimine in arcto
 Cernere erat sedem ; tercentum millia circum
 Quam Thracum immensâ valli obsidione coërcent .
 Omnibus it tortus circum cava tempora turbo
 Lineus implexus spiris , latera ardua cingit
 Fascia versicolor ; vario Babylonica textu
 Arva tegunt pictis tentoria serica velis .
 Heu , quæ tum miserræ facies , quæ vota paventis
 Italiæ ! heu , propior flammæ quibus anxia curis
 Littoris Adriaci regina , urbsque alma Quirini ,
 Ignaræ quid fata parent , quò pondere vergant !
 Qui gemitus , quæ fama omnes malefida per urbes ?
 Posteritas ; (si non sera illa extremaque mundi es ,

E.

Visa.

Visura excidium rerum) ne talia speres
 Posse tuis memoranda aded contingere seclis?

Ecce autem picta in summis laquearibus aula
 Numinis apparet, puraque in veste (a) Sacerdos
 Maximus, effusis lacrymis avertere cladem
 Si queat; & Cæsar supplex, Augustaue conjux,
 Et nati gemini, atque omnis Germania mœrens,
 Hungaricusque aderat Divum chorus, ipsaq, sceptri
 Pannonici custos Virgo, veniamque rogabant.
 Namque hos è cælo armipotens objecerat ægris
 Terrores populis Divum Pater, atque hominum
 Rex,

Vota auditurus miserorum, & jacta sub auras
 Lamenta & gemitus: Quis denique motus, ab alto
 Æthere prospiciens, oculos ad mœnia torfit
 Jam centum perfoffa locis: simul armiger Ales
 Ære cavo insonuit; sonitu quem Vistula longè
 Audiit, atque Hypanis, gelidique Borysthenis unda;
 Audiit & longè nivibus glacialibus horrens
 Carpathus, extremusque Albis, Rheausq; bicornis.
 Undique convenere duces, tremit excita tellus
 Ærisonis plaustis: huc fors, huc alea rerum
 Extrema, huc demum fatia adducta supremis
 Lis Asiam Europamque inter, cui pareat orbis,
 Mens eadem cunctis prædonem arcere cruentum
 Mœnibus obsessis, aut certæ occumbere morti.
 Nec mora: per densos cuneos, per fulmina valli,
 Per segetes ferri horrentes, hinc turbinis instar
 Sauromata, hinc Lotharus Mavors, & Noxius,
 atque hinc

Saxones, & Cimbri, atq; Hasti, gensq; incola Mœni,
 Et Nicri, atq; Amisi, & Vahalis, quosque alluit Eder,
 Quique Istrum, Traunumque bibunt, gelidumque
 Visurgim,

(a) *Innoc. XI. Pont. Max.*

Hercyniosque colunt saltus, ceu montibus acti
 Torrentes, profugos de mœnibus urbis agebant,
 Famaque jam toto signum dabat aëre eladis,
 Ære cavo ingenti. Centum urbes, oppida centum
 Cæsareas acies, victriciaque arma canebant.
 Omnibus in pagis ludi, combusta superbi
 Mustaphi simulacra viis, profusaque dona
 Larga meri, in mediis passim convivia pratis.
 Ipse autem niveo altus æquo, pulcherrime, cultus
 Hungaricoque insignis acinace, rite vetustis
 Cerneris, Austriade Joseph, succedete regnis.
 Stant circùm Illyrici, atque Dæ, extremique
 Triballi,

Et Mœsi, & vincti Thraces: ipse arduus ense,
 Quattuor ad ventos conversus, patria regna
 Designas. Bello populi mirantur acerbo
 Plena ora, impubesque genas, auroque comantem
 Cæsariem, & pulchrum spirantia lumina Martem.

Talia per muros venturi præscius ævi
 Ausai ingentis pictor digesserat Ales.
 At majora oculis velo servata latebant.
 Nam procul ante ora augustum se tollit ad auras
 Pegma, pavimenti extremâ de parte, corusco
 Sipario obductum. Post velum scena, choriq̃ue,
 Actoresque latent Genii, pulcherrima pubes,
 In seram noctem spectacula mira daturi
 Hospitibus Divis. Titulus de fornice pender
Oscula Justitiæ, & Pacis: Jamque aurea tite
 Cymbala proludunt chordis: jam pompa latentis
 Se reteggit scenæ jamque alta silentia poscit
 Sibilus. En sensim subducitur aëre velum.
 Proh! quæ immortalis species! quæ Regia! quæ lux!
 Quæ domus ætheria! Hem qualis sedet ardua
 gemmis

In folio Regina nitens ! quot fulgurat astris
 Intextum syrma aërium ! quas jam dabit illa
 Fronte gravi voces ! ut plena silentia sancto
 Terrore ! ut tragicis dictis jam præparat ora !

Argumentum operis , Majestas læsa Tonantis ;
 Justitia hinc acuens iras ; Pax flebilis illinc
 Exorans veniam . Nodum Sapientia solvit ;
 Proponitque , inter Numenque Hominemque ;
 sequestrum

Unigenam , nostro velatum corpore Numen .
 Discutitur , placet inventum : suprema Potestas
 Commissum sibi spondet opus . Sic lite diremptâ ;
 Acceptis hinc atque hinc conditionibus æquis,
 Oscula Justitiæ & Pacis spectacula claudunt .

Talia supremus fortunata otia magnis
 Hospitibus Pater indulgit ; queis rite peractis ;
 Subvectos iterum curru trans nubila , opaco
 Aëre , Nazareis bonus Ales reddidit oris .





LIBER SEPTIMUS.

ARGUMENTUM.

*Nazareni caelestem Puerum magis in dies admirantur ;
ejusque suboscure Divinitatem curiosè vestigant .
Jonas camelarius , iterum ex Ægypto veniens immi-
nentis infortunii metu oppidanos terret . Agar pere-
grina historiam de Engaddi vinetis narrat ; quâ au-
ditâ , Alcindus senior , afflatu numinis , vaticinatur .
Vox interim è cælo delabitur , quæ prosperum arum-
nis , ac votis exitum pollicetur .*



A T tot mira diu penitus subducta latere
Haud poterant . Deus ipse Pater luce-
scere quiddam
Jam propius , fuscâ veluti de nube ;
finebat .

Nam , postquam lætis Paradisi è collibus Eden
Nazareos iterum Virgo remearat in agros ,
Illa domus , rura illa , amnes , vallesque beatæ
Elysi invidiam poterant , cælique mereri .
Illius augusti species , habitusque Puelli ,
Undecimus cui jam gyrum prope clauserat annus ,
Et nitor , & sancti mores , & amabilis illa
Majestas jam tum pavidos terrebat agrestes ,
Numinis ignaros ; eademque trahebat amantes ,
Mulcebatque feros . Mirantur plena decoris

Lumina, mirantur voces, atque indole in imā
 Nescio quid plusquam mortale; animique tuendo
 Expleri attoniti nequeunt. Quod sydus in istas
 Delapsum terras! quæ lux oblata per umbram!
 Quis Deus his nostris successit sedibus hospes!
 O Pater, an seclis ille expectatus ab alto
 Venturus, qui colla jugo fessa eximat ægris
 Isacidis? Quæ nos terrent insomnia? quidve
 Omina tanta parant? Tales dant pectore voces;
 Perculsi que stupent. Pueri nutritius ipse,
 Deliciis impar, vix custodita tenere
 Clausa sinu ingenuus poterat sua gaudia Joseph;
 Atque illum curas inter quandoque fabriles
 Æquevi urgebant patres, variisque premebant
 Ancipitem dictis: partes se versat iu omnes
 Jesseus senior, longèque exordia sumit;
 Quaque licet variis responsa ambagibus exit;
 Secreta involvens, quæ non licet ire sub auras.
 At matrum longè tibi lucta molestior, alma
 Partheni, Nazaridum; quibus importuna sciendi
 Fervida cura nimis, solitumque impervia quæque
 Rimari ingenium. Contermina Virgo paternis
 Deboræ erat testis, quæ sæpe domestica eodem
 Sub lare conjunctis curis muliebribus unā
 Inter acus & fila diem studiosa trahebat.
 Altera arundineum nam stamine versat alabrum;
 Inque glomos transfert; discriminat altera telas,
 Alternisque trahunt ambæ sermonibus horas.
 Hæc semel haud tenuit sese, quin sedula multis
 Rem peteret precibus, quam pertentaverat ante
 Lusibus obscuris; nunc verò exorsa precando
 Sic fatur dictis. Maria, inquit, per verus istud
 Commune hospitium, primæque crepundia nostræ
 Ætatis simul exactæ, quando omnia (sanctè
 Spon-

Spondeo) secreto sub pectore dicta reponam ,
Nec meus ipse sciet conjux, nec resciet aura ,
Quin mihi met studio properare oblivia nitar ;
Per si quid merui , per quidquid poscere fas est ,
Cara mihi ante alias , cui vox , cui gratia nata
Solamen curis , semel exorabilis esto .
Fare age , quis tandem genius tuus iste ; puérne ,
An divinum aliquid tibi lapsum ex æthere , ut ipsa
Suspikor, in gremium ? Tibi namque simillimus ille
Usque aded te voce refert , teque exprimit ore ,
Teque unam ; ut certè , in terris , quasi credula jurent
Non habuisse patrem . Tibi verò tanta venustas ,
Atque aded à partu nil gratia decolor otis ,
Nil species læsa ; ut possis , pulcherrima , credi
Mater , adhuc virgo . Veniam precor ista loquenti ,
Nam tuus ista facit miseræ deliria natus ,
Crine aded , gestu , vultuque , oculisque decorus ;
Ut , si mortales Deus ipse assumere vellet
Omnipotens artus , (ausim hoc quoq; dicere) tales ,
Nec credo unquam alios vellet sibi fingere vultus .
Nonne vides , quæ forma illi , quæ gratia fandi ,
Qui decor , alme Parens rerum , quæ lumina fronte
Bina micant ? ut dicta stupent , pavidique recedunt
Externi agricolæ , monstrisque simillima narrant ?
Verane quæ perhibent ? venisse Orientis ab ora
Illius ad cunas reges ; humilique coruscant
Insedisse lari stellam ? vinetaque eodem
Tempore , bruma licet foret aspera , colle propinquo
Vernasse ? Auditum hoc memorant à Beride quadâ ,
Quæ modo Sunam habitat nupta illic ; ipsaq; flores
Testatur quondam , atque uvas vidisse recentes .
Sed quid ego hæc longè revoco , atque antiqua
revolve ?

An non hæc pariter nobis memoranda canebat
E 4 Hisque

Hisque etiam majora hospes narrabat Jonas ?
 Quin etiam, nostros cum lis foret inter amantes ;
 (Quanquā alio te sub cælo tunc Memphis haberet)
 Sub noctem pueris manifesta in luce repente
 Dona ferens aderas ; eademque inuenta per auras
 Arboribus super, atque inter cava nubila visa es
 Ictu oculi præsens ; dum te nemus inter opacum
 Quærimus, & nati miramur munera fontis .
 Ex illo attoniti quæ Divum ostenta tuemur !
 Quot vates horrenda monent ! quæ visa reportant !
 Ipsi etiam nostri cum matutina bubulci
 Armenta educunt stabulis, per gramina sparfos
 Inventunt flores, peregrinaque lilia passim .
 Mirantur loca, qui possint ea candida ferre
 Germina, quæsitumque diu : extremòq; repertum ;
 Quà tibi, quà puero interdum mora facta per agros,
 Alba ligustra illic, violasque erumpere ad auras,
 Et rorem interdum, aut liquidi vestigia rivi .
 Quid plura ? Hoc etiam memorant : In floribus illis
 Si quis captarit somnos sopitus in herbâ,
 Continuo simulacra videt cœlestia, miris
 Ante oculos objecta modis, arcanaque Divum .
 Hoc mihi narravit Beroë, quæ lumina postquam
 Clauserat, atque illic paulisper fessa quierat ;
 Vidit ut innumeræ in somnis longo ordine gentes
 Reges, atque duces, matres, pueri, atque puellæ
 Ante lavacrum ingens properabant tabida morbo
 Corpora certatim sacris abstergere lymphis .
 Vidit & impositam præruptis montibus arcem,
 Quam ferrugineo circum tecti ære gigantes
 Terrigenæ armati frustra obsidione premebant,
 Necquicquam & contra reserabant tartara portas ;
 Multaque præterea variarum ænigmata rerum,
 Quæ mens (quippe audita olim) meminisse laborat .

Nunc

Nunc autem, hæc animo relegens simul omnia
mecum.

Quid statuam, fateor, cæcâ vetor obfita nocte :
Somnia cerno vigil, miris feror anxia monstis :
Quod te per superos, per magni Numen Olympi,
Perq; tuum hunc Solem, semel hæc perplexa resolve,
Atque arcana doce. Tibi fida silentia juro :
Hic citius paries commissa arcana loquetur,
Quàm retegam quidquam. His dictis pulcherrima
Virgo

(Nam quo rem tegeret? quò se converteret anceps?
Quidve aliud poterat?) velo sese illa ruboris
Virginei totam deprensa in luce tegebat,
Purpureo similis panno, similisque Damasci
Coccineæ rubicunda rosæ. Perpauca roganti,
Ut decuit, responsa dabat: cùm pulcher JESUS
Adfuit, extemplo coram, nec Debbora fando
Explorare ausa ulterius, nec sanguinis ultra
Elicere in vultus flammam: sacer ingruit horror,
Suspensisque animis, serâ jam nocte, recessit.

Talis Nazaridum cura ingens pectora agebat,
Ignoscenda tamen. Quis enim, tot mira tuendo
Abdita mortali specie, non sedulus omnes
Rimari arderet latebras? non cuncta fufurro
Miseret testa ambiguo? Nam corpore in illo
Exiguo, tenerisque annis quis crederet unquam
Esse Deum? Hinc stupor, & velut ægræ somnia
mentis,

Hinc animi implexi, diversaque murmura vulgi.

Ecce autem Phariis rursus mercator ab oris
Ille bonus Jonas, aderat; mercesque Canopi,
Donaque cælesti Puero, Matrique ferebat.

Isque palam patrio in cœtu miranda Puelli

Alius inferuit suspecta ænigmata genti,

Terroremque tulit trepido sic ore locutus .
 Nazarei cives , genus alto à sanguine Judæ ,
 Dicite , quis vestrū concurrere cominus ausus
 Cum Styge ? quæ vobis bellatrix fœmina ? quisve
 Ille Puer , cui tantum odiis infensus Avernus ?
 Namque (ut longævus retulit Pellæus aruspex)
 Ex adytis templi post longa silentia tandem
 Hæc vati responsa dedit latrator Anubis :
 Væ miseris , duro quos bello asperrima virgo
 Nazareâ de gente (nefas) sub tartara mittit !
 Væ diis noctivagis ausis ferre arma sub axem !
 Causa mali tanti demissus ab æthere magno
 In terras Puer . At contra pro talibus ultor
 Mox aderit juvenis Samarita . Ille æqua superbis
 (Spero equidem) superis referet ; nova bellaque
 vindex

Exciet , & pœnas , cœsâ sibi virgine , poscet .
 Talia narrabat vulgata oracula Jonas ;
 Pendebantque animis , Ecquis Samariticus iste
 Laturus triste exitium , quæ victima virgo
 Danda neci , quæ dira lues impendeat arvis .
 Præterea fuit in Libani convallibus imis
 Armenti custos . Huic improvisus ab alto
 Fatidicus menti furor incidit ; ipse per omnem
 Mira Palæstinam ventura horrenda canebat .
 Et Samarim digito ostendens , væ , perfida pelle
 Væ tibi , væ , Babylon , scelerati numinis hospes
 Væ Galaaditis sponsis ! Nec plura : sed omnes
 Ipse etiam indigenas terrebat & oppida vates .
 Nec satis . In somnis alii quoque nocte silenti
 Hæc eadem moniti passim ventura ferebant ,
 Inque Deo Puero spemque effugiumque locabant :
 Ille dabit vobis magicas eludere fraudes ,
 Isacidæ , ille Deum mentitum arcebit Idume :

Hunc

Hunc precibus servate piis, huic rite Sabæa
Thura date, & sanctis jam nunc assuescite votis:
His igitur dictis horrebant undique agrestes.
Hinc Samarææ excisa omnis commercia gentis,
Inque dies magis atque magis plebs territa
monstris,

Nazareoque super Puero mens omnibus anceps.
Omnibus in votis aliquam exalbescere lucem
E cælo, atque altè injectam rarefcere noctem.
Da, Pater, augurium, qui præ vius igne columna
Isacidas quondam deserta per avia duxti:
Quique olim precibus victus sitientibus undam
Cautibus è duris, dona insperata, dedisti:
Da finem curis, atque atram disjice nubem.
Talibus orantes onerabant sydera votis.
Cum tandem tenuis resplenduit æthere fulgor,
Inque atris fulsit spes improvisa tenebris;
Spes, inquam, quam fortè tulit peregrina puella,
Historiam veterem narrans. Rem fusiùs omnem
Altiùs ordiri, seriemque ab origine præstat,
Et varia, ut possim, intertexere stamina telæ.

Nam semel hybernis circumfusæ ignibus Esther,
Atque uxor Jonathæ, & Damaris, longævaque
Charmis,

Nazaræque aliæ, streperâ ingentique coronâ,
Ad risum faciles, pars vellera, crudaque lina
Carpebant alius labor hirtis solvere echinis
Castaneas; aliæ torquebant stamina fufis.
Fortè autem reliquas aderat spectabilis inter
Nupta recens Agar, Engaddi è rure puella;
Quam patriis profugus tectis formosus Heberus
Nunc primùm in patrias sibi nuptam duxerat ædes.
Hanc croceis vittis, aurumque imitante orichalco
Insignem, faciesque novas, nova rura timentem

Turba peregrinam paulatim assuescere blandis
 Cogebant refugam dictis, trepidamque ciebant.
 Primaque Charmis anus de more interrogat, utra
 Rura magis placeant, Engaddi, an Nazareth? illa,
 Cui pudor ingenuus, nativæque gratia linguæ,
 Haud meditata diu responsum; Nazareth, inquit.
 Vestigare instat, Quæ verò his dignior oris
 Causa moræ? illa autem; Mariæ pulcherrimus
 almæ

Natus. Et huic puero jam tu intima, (Dammaris
 infit)

Vix quinque exactis hic solibus hospita? At illa,
 Infantem in cunis vidi, cùm poma rigenti
 Nata hyeme, atq; uvas, & texto in vimine quondam
 Attulimus flores. Hic ingens orta cupido,
 Engaddi ut quondam vernarint rura decembri,
 Cujus inaudierant aliquid, sed nubila erat res.
 Attamen & senior Jesse, & longævus Obedon
 Nescio quid memori confusum mente volutant;
 Ipsaque vineti procul hinc mirabile quiddam
 Dictum olim reperit Charmis memor; ipsaq; flores
 Nescio quos semel auditos reminiscitur Esther.
 O age, dic, oro, seriemque ab origine miram
 Incipe: fœmineo simul illam murmure circum
 Constituunt cœtu in medio, interruptaque pensa
 Paulisper ponunt, remque omnem audire laborant.
 Quæ simul ac vidit conversa in se ora, rubore,
 Ut decuit, suffusa genas, formidine tandem
 Depositâ, sic orsa loqui. Jam talia dudum
 Credideram, fateor, vestris quoque didita terris,
 Nec latuisse sonum. Sed quando ingentis ad aures
 Prodigii tenuis vix rumor, feraque fama
 Accidit; ipsa, oculis quæ præsens testibus hausi,
 Expediam paucis; nec enim sine numine divum

His

His ego nupta oris vestris, nec inutilis hospes
 Munera parva olim referam. Bethlemia in arva
 Visendi studio, (undecimus jam vertitur annus)
 Ad Jesum Infantem, pastorum credula dictis,
 Fortè jerat mater. Serà dein nocte reversa
 Engaddum, pluvio imbre fluens lutulentaque cœno,
 Ut nunc, hybernium circa ignem & fumida ligna,
 Dum chlamydem ponit, madidos dum siccet
 amictus,

Narrabat nobis quæ viderat. O, quibus illa
 Ebria deliciis miris! quæ visa canebat!
 Nec finis fandi quàm dia puerpera; quot se
 Vincit illi, obstrictamque modis; quàm candidus
 illic

Quam roseus Puer inventus, quàm frigore penè
 Exanimis! qualis superi! qui fulgor ocellis!
 Mille modis variis secum dulcedinis haustæ
 It volvens animo sensus, atque exprimit ore.
 Ire iterum juvat, atque illi se Beris eunti,
 Atque ego multa gemens, & Zelphe, ac denique
 cunctæ

Adjungi oramus comites. Lux crastina tandem
 Ore uno decreta viæ; modò cesserit imber,
 Candidiorque dies madidum deterferit Austrum.
 Ergo parens, veteri ex arcâ dum sedula tostam
 Depromit Cererem, rugosâsque eligit uvæ,
 Quas Mariæ, & puero designat munera; flebat
 Importunam hyemem, flebat sine floribus hortos,
 Culpabatque nives, mutataque balsama olivo
 Nuper Ithuræo. Quàm vellet melle liquentes
 Nunc utique octobris ficus, & nectare plenos
 Nequicquam botros! O nostra ubi cerea pruina?
 O nostri, aiebat, nunc mala rubentia ruris!
 Heu glacie, heu canis horrentia cuncta pruinis!

Au-

Audiit hæc Pater omnipotens de vertice Olympi;
 Cui Zephyri parent, cui ver, cui pomifer annus,
 Arrisitque bonus, spemq; omnem, & munera vicit,
 Improvisa repente ferens, mirandaque dona.
 Namque, ubi prima polo rubuere crepuscula lucis,
 E speculâ caput impexum caprarius Alcon
 Protulit, observans ventos, & nubila cæli:
 Sublatisque oculis, innubem ut vidit Olympum
 Undique, & egelidam sensit de montibus auram;
 Bella dies, inquit, nostris accommoda votis!
 Oh! quis odor veluti florum! myrtique recentis!
 Hem! flores! flores & poma! Alphæ, Manasses,
 Zambris, io! Simeon; uva & narcissus in horto.

Hei mihi! nocte diu vigili (nam tempore longo
 Lætitia in somnem tenuit) tum roscida primùm
 Attulerat lassis membris aurora quietem.
 Jamque orto sole, & diffuso lumine, nostri
 Immemores aliæ per florea rura puellæ
 Errabant lætis clamoribus. Excita somno
 Audio garritus, confusaque murmura vocum;
 Hem, Rachel Rachel, quot in uno persica ramo!
 O bella! Hic violæ, hic violæ & fraga; hic quoque
 fraga;

En cerasa, en cedri: pueri, ne carpîte: Zambri,
 I propere ad matrem, calathos ferat: Aspice, Ebere,
 Aspice, per superos, hæc arbute: suspice, Ruben,
 Quæ mala insunt tibi pendula: Perge, puella,
 Quæ mora? perge citò: Fugit illa simillima vento,
 Latratu festo sequiturq; catellus euntem:
 Mater, io! improvisa æstas, miracula rerum,
 Turgentes uvæ, pyra, pomaque nata! Reliçto
 Ocyus è strato miris feror excita monstis:
 Nec mora longa, adsum cum matre & corbibus:

uvæ

Con-

Consequitur soror, atque incompertis Sara capillis.
Vix possum hæc memorans lacrymas retinere
cadentes,

Tollimus ad cælum palmas, stupefactaque circum
Lumina versamus. Sunt hæc cælestia dona,
Quæ tetigisse nefas, ait Abra; intacta feramus
Betlæo Infanti: Foliiis inferne quasillum,
Sephora; vos violas, vos porcite fraga, puellæ:
Vos, juvenes, truncis insistite, citraque nobis
Deiicite ex alto. Insistunt ramalibus ambo
Protinus exertis Jonathas, & Beno lacertis:
Cerea pruna cadunt, melimelaque perlita rore:
Grandinis in morem succusso perfica trunco
In viridem labuntur humum: Supponite, Matres,
Huc gremium, huc corbes; tibi pomum hoc, Sara,
bilibre;

Hoc tibi, tende sinum, Zelphe. Quid singula narro,
Quæ vidi his oculis præsens, hisque auribus hausi?

Jamque omnis veris pompa, autumnique sub altâ
Ilice erat, foliis cooperta, & odoro adianto.

At quinam Puero redolentia dona referrent
Lis erat, & magnum certamen; nam sibi quisque
Id cupiebat onus, sibi certatimque quasillos

E manibus rapiunt; instant pueri, atque puellæ,
Contenduntque super. Res tandem ad jurgia venit;

Cedere nec Zelphe vult Dina, atque utraque certat,
Fœmineisque utrinque sonat garritibus æther.

Ergo pater Ruben, litem componere adorsus,
Dispositos omnes in gyrum promere jussit

Quemque manum: digitos, quot quisque cmiserat,
unam

Colligit in summam; tum quemque ex ordine
lustrans

Non uno numerat gyro. Sors prima Barucchi,
Cui

Cui trifidum guttur, fatuus cui risus in ore
 Idem semper erat, risuque excepit eodem
 Id quoque : Rubeni sors altera : tertia Zelfes :
 Advolat illa statim ; capitique celerrima plenum
 Aptat utraque manu calathum, quo ditior alter
 Non erat, atque illum celarat callida in herbis,
 Ne quis furriperet : sequitur dein Sephora nutrix ;
 Inde ego, tum mater : sors ultima Bersabæ .
 At miseram Dinam fortuna inimica fefellit :
 Dissimulare nequit, lacrymasque abscondere vultu
 Nititur averso, & lites clamoribus altis
 Suscitât, atque alium rursus vult invida gyrum
 Omnino institui . At Ruben maturior annis
 Ploranti bonus atque æquus sua munera cessit .
 Pergite jam, matres, inquit, nam semita longa est :
 Hic ego, Bethlæos dum vos properatis in agros,
 Servabo interea fidus pomaria custos .

Ergo alacres, summo gestantes vertice textas
 Viminibus corbes, dextra lævaque prehenfas,
 Imus per nemora & saltus ; sonat undique vallis
 Pastorum calamis ; thymbræque, cedrique recentis
 Late odor efflatur . Mirantur munera veris,
 Extantesque rosas calathis, & frondea ferta
 Attonitæ passim matres, puerique, nurusque,
 Effusæque ruunt pagis, atque agmina jungunt .
 Venimus ad Pueri cunas, jam sole cadente :
 Primaque Daphra parens, postquam de more
 salutem

Obtulit ; Hæc, inquit, Mater, tibi paucula nostri
 Munera vineti tulimus : foliisque reductis
 Explicuit dona ; & salices, & juncea rupit
 Vincula manu . Genitrix, ut fraga rubentia vidit ;
 Et matutinis rorantia persica gemmis,
 Sustulit ad cælum palmas, paulumque morata

Ore

Ore super stetit admirans : Unde ista repente
Copia ? queis, inquit, decerpitæ in collibus uvæ ?
Versabatque manu ridens, nunc Punica mala,
Nunc hos nunc illos flores : mox, sedula prono
Vertice cuncta legens, texto de vimine botrum
Sustulit ingentem, puerique admovit ocellis,
Blande agitans teneras frondes, ramumq; virentem.
Nec minùs hinc Zelphe, hinc Rachel, formosaque
Beris

Blandiri, autumnumque manu prætere ocellis :
Ille è fasciis exertam porgere dextram.
Nudaque brachiola ad visos proferre racemos.
Ast ego ludentis pueri prensare lacertos.
Quia etiam, memini, propior scitarier ausa
Infantis nomen ; cui formosissima, lætos
Advertens oculos, JESUM inquit Mater ; & isto
Nomine Nazareis de finibus (addidit) olim
Monstrum horrendum, immane, ingens arcebis
Idume,

Undecies postquam sol signa recurrerit anni.
Sic genitrix pueri : testis mihi turba sororum ;
Quæ præsens aderat diëtis : jamque incipit annus
Fatalis, quem terrificum tunc ora canebat.
His ergo auguriis lætæ (nam sydera toto
Jam scintillabant sparsim nitidissima cælo)
Ultima cum lacrymis libavimus oscula cunis :
Inde per obscuram noctem, per cæca viarum,
Sublatis paleis ardentibus atque manipulis,
In patrios hilari cantu remeavimus agros.

Talia narrabat, cunctis mirantibus, Agar
Engaddea, olim præsens quæ viderat ipsa.
Atque hinc Nazarii statio gratissima pagi,
Incolæ ubi Maria & Jesus, dulcissima jam tum
Nomina, deliciæ, atque humilis solatia ruris,
Tum

Tum verò attonitis lux tandem cœlica oborta est
 Prodigio ingenti, spēsque improvīsa refulsit.
 Nam senior Puero & Mariæ dilectus, utrique
 Jam dudum assuetus laribus, cui scœnore largo
 Mentem animumque Pater cœlesti afflaverat œstro,
 Alcindus vates geminas ad sydera palmas
 Sustulit, & plusquam mortali voce locutus:
 Nazaridæ, Alcindi suprema hæc dicta tenete,
 Quæ, Raguele, tuo sub recto, è sedibus istis,
 Tëstibus hisque focis, prædico. Videbitis olim
 Hunc regum antiqua venientem è stirpe Puellum;
 Sublimem Isacidis dare jura, in spemque vocare
 Hæredes Regni ingentis; vosque illius inter
 Sceptra manus, velataque membra stupebitis ostro,
 Et stabili nexam fixo diademate frontem.
 Abrami hæc venies manes mihi fama sub imos:
 At precibus nobis placandum Numen Olympi,
 Hæc si fortè piis lacrymis arcana revelet.
 Spero equidem, mors atrà priùs quàm luminis
 auram

Auferat, & veniens mortales exigat artus;
 Dandum aliquid nostræ, cœlo miserante, senectæ.
 Sic reor haud dubiis signis; mihi præscia namque
 Vox sonat interior longo jam tempore, *nostris*
Esse Deum in terris. Sic ille: extremaque dicta
 Terræ ingens fragor, ac motus, tonitruque secutum,
 Quo domus, ac muri, & muris disposita supellex
 Stannæa, & insertæ lauri, mensæque moveri.
 Continuo pavidæ matres in genua volutæ
 Jessei vatis trepido ore evolvere carmen:
 (a) Cui Deus è cælo adjutor, sub præside tanto
 Nil timeat: dicet Domino, tu rebus in arctis
 Spes, & perfugium. Nec secius aère grando

In-

(a) Psal. 90.

Interea ruit, & venti transversa frementes
Incurrunt portis. Postquam verò ultima ventum
Ad promissa: *Olli longo namque salutis*
Auctorem ostendam, (dictu mirabile!) longè
Vox celsa veniens de nubè audita per auras.
Ne trepidate, viri Isacidae: Solymeia templa
Vere novo petite, & sacra ante altaria proni
Fundite rite preces. Magnum & memorabile
tandem

Arcanum vobis referabit Numen Olympi.

Hæc evenere hybernæ inter rustica brumæ
Otia; spes unde agricolis magis aucta sciendi
Quid tandem Puer ille ferat. Vox omnibus una
Magnum aliquid terris portendi, animisque
recurrunt

Multa audita olim; primique exordia veris
Cuncti expectabant; velut æger, tædia longæ
Perpessus noctis, venientem suspicit axe
Auroram, queriturque diem solemque morantem.





LIBER OCTAVUS.

ARGUMENTUM.

Simon Magus, adhuc adolescens, puellam virginem Samariæ sacrificat Dæmoni; & magicis præstigiis se Dei filium, uxoremque Selenen Deam in vulgus jactat. Deipara Virgo, & Joseph caestem Puerum orant, ut se manifestet. Sed, vere ineunte, dum templum de more adeunt, in reditu JESUM amittunt. Magus impostor Samaritanos in sylvam cogit, quos Selene amore sui, & pravis erroribus imbuat.



Tque hæc Nazareos dum spæs tenet, almaq;
cælo

Lux veniens animis paulatim discutit
umbram;

Ecce repentinus rursus permiscuit urbes
Judææ, atque omnem turbo peragravit Idumen;
Nubila cæca ferens, & seram in secula noctem.
Quæ nuper Libani vates, quæque hospes Jonas
Paulò ante, atque alii ventura horrenda canebant;
Evenere, metu; & diro terrore, sub ipsa
Anni supremæ funesta exordia lunæ:
Exemplum memorandum olim, quid fœda libido;
Quid scelerata hominum vesania, quidve malignus
Humanis possit conjunctis viribus Orcus.
Scilicet his fretus vafer ille & proditor hostis

Con-

Consilia & vultus tegit, horroremque metumque
 Flagitiis aufert. Sic olim conjugis usus
 Illecebris primum decepit fraude parentem,
 Sic ritus cultusque feros, odia, arma, neceſque,
 Conjunctis hominum studiis, vitioque potentum
 Induxit terris: & nunc quoque subdolanus iisdem
 Artibus in superos bella instaurare parat.

Est, Silonem inter Samaræaque mœnia, vicus
 Nominis obſcuri Gitton; nunc diruta saxa
 Reliquias pagi, lentoque jacentia circum
 Stagna immota lacu longè execrata viator
 Præterit, & diris sceleratum devovet agrum:
 Namque hæc (a) Semonis Sanghi natalibus olim
 Infamis tellus; magicus hîc perfidus ollas,
 Fatiferas ceras, infandaque plurima tristi
 Vaile exercebat: nunc illius & quoque flammis
 Apparet femiusta domus, defossæque luco
 Spelunca ingenti, puteusque altissimus, unde
 Carminibus manes supera ad convexa ciebat.
 Hic quondam, ut perhibent, extrema è Persidis
 orâ,

Patria in arva redux, Phœnicum constitit arvis;
 Nondum excantandi ritus, penitusque nefandas
 Edoctus leges, nondum penetrare sub imum
 Carmina ferre potens, necdum altè imbutus
 Averno.

Ast illic miro succensus amore puellæ,
 Quâ non Sidoniis fuit altera pulchrior oris,
 Nec telas depingere acu solertior inter
 Phœnissas, famâ ante alias celeberrima cantrix;
 Nil intentatum demens, nit liquit inausum,
 Siqua via infano succederet improba voto.
 (Quid non cæcus amor cogit?) nequissimus hospes;

Quò

(a) Simon Magus, sic appellatus à Romanis.

Quò demum Tyriâ queat urbe abducere, sese,
 Atque ipsam, & sobolem venturam vovit Averno,
 Inque vices magicas in dotem acceperat artes,
 Quois fretus tandem intempestâ nocte (a) Selenen
 (Pellicis id nomen fuerat) tulit aëre prædo.
 Hic erat ille Erebi vindex, quem Belphegor olim
 Successorem oneri, & stygiis promiserat armis,
 Si fors eventu cessissent bella sinistro.

Huic spes innixæ, huic rerum nunc credita summa:
 Ergo urbes passim spectris, atque oppida Idumes
 Implebat miris; tum primo in flore juventæ
 Mentitus senium, mentitus vertice canos,
 Rugosamque cutem; visus sæpe æthere ferri
 Obscuro in vectus nimbo, nigrique caballi
 Terga premens; visus Jordanem vertere retro,
 Omnigenasque dapes accire, & pocula nutu;
 Seque Deum, uxoremque Deam magno ore ferebat.

Hic demum, stygii monitu instinctuq; paredri,
 Qui comes hærebat lateri, canis instar agrestis,
 Collectas sylvis, & sparsas undique villis
 Finitimas gentes Samari mediâ urbe coëgit;
 Implevitque forum, spectacula mira sequaci
 Pollicitus vulgo: heu, quales habitura subinde
 Eventus! quantam mox allatura superbo
 Lætitiâ, fastumque Erebo! Documenta puellis
 Virginibus, procul à turbâ, rerumque novarum
 Infano strepitu, patrios servare penates,
 Atque ævi inclusum penetralibus abdere florem,
 Namque Palæstinas inter pulcherrima virgo,
 Pastori dilecta Helymo, Thamar Galaditis,
 Excantatoris ludos visura frequentes,
 Huc sociis comitata suis, redimitaque primis
 Narcissis, violisque comas, & tempora fertis,

Ve-

(a) Alii vocant Helmen.

Venerat æquales inter lætissima nymphas :

Hæcque inter medias viridi confederat herbâ,

Successu gaudens, & vori denique compos.

Scilicet hanc genitrix paulò ante invita precantē,

Et miserè flentem, rerumque cupidine tactam

Ire diu vetuit, dictisque averfa tenebat.

Nam quem concursu in tanto juvenumq; virumque

Accessum tentes? quò te immiscere procaci,

Innuba virgo, inquit, vulgo: aut quam denique

sedem,

Quemve locum speres? Alvearia non ita densa

Intus apes stipant, tot confluit agminibus gens,

Cuncta illuc properans; inq; atram ludicra noctem

Fortè ibunt, reditumque vetat via longa per agros.

Adde quod ille senex ciet ignes, aëra turbat,

Eque polo trepidam deducit murmure lunam;

Quasque videt prædo raptas vehit axe puellas

Egregias formâ, & cæcis abscondit in antris.

Addidit eventum Dinæ, vetitosque hymenæos,

Quos traxit cupidæ muliebris curæ puellæ:

Addidit & vetitas divinis legibus artes.

Pythonom; ludisque nefas adstare profanis.

Ne me, inquit, precibus victam, ne talibus, oro,

Objice, nata, malis, quæ mens præfaga minatur.

Talibus ardentem lacrymis moritura tenebat.

Jamque animos dictis paulatim, incensaque corda

Mollierat blandis, melioraque suaserat ægræ;

Ni supplex juvenis sponsus, comitesque puellæ.

Vora inflammassent iterum, curamque levassent

Circumfusæ omnes. Lateri se fida juvenus

Custodem spondet: Quid vana pericula terrent?

Quæ te cunque adversa manent, vel si ruat axis,

Aut vi diffiliat tellus, & nos quoque poscunt:

Sors eadem eunâs: Hic mater denique victa,

Ægrè

Ægrè utcunque ferens , mediâ penetravit in urbem
 Undantem populo, gnatamque ante ora locavit
 Multa timens ; propiorque Helymus trabe sedit.
 acernâ

Armatus ferro, discrimen in omne paratus,
 Eventum opperiens. Jamque atria, summaque testa,
 Jam speculas infra supraque, aditusque viarum,
 Atque altas turres plebs undique densa tenebat ;
 Attonitis inhians animis quid cogitet ingens
 Promissor, quæ mira ferat ; planatisque vetustis
 Institerant, magnoque gravarant pondere ramos :
 Cum subito effusæ horribiles toto axe tenebræ,
 Obscuraque omnes, densaque in nocte relictæ ;
 Non aliter, quam si Phariâ caligine rursus,
 Velleribusque ater piceis niger ingruat aër,
 Inque diem referent grave olentes Tartara fauces :

Interea procul aspiciunt, quæ perfidus alto
 Suggestu, atque unâ meretrix confederat, illic
 Paulatim tenuem nubem exalbescere, qualis
 Cernitur ex imâ interdum se tollere valle,
 Aut humili vapor è stagno, sub vespertis ortum.
 Hæc lentè augeri, & magico splendescere sensim
 Lumine multicolor, spectro intus turgida miro,
 Ecce autem ante oculos (diræ præludia scenæ)
 Marmoreus leo, quem quondam mediâ urbe
 locarant

Afsyrii, cum regna olim dirione teneret
 Salmanasar, ritus extemplo, & saxea movit
 Ora, deditque sonum, rugituque impulit auras :
 Quo veluti signo admonitus ter mugit Orcus,
 Ter mota intremuit tellus ; simul æthere opaco
 Diffusa est nebula ; & turbæ patulo ore tuenti
 (Res incredibilis) cum pellice terribilis rex
 Nube cavâ septus mirandâ in luce refulsit,

Ar-

Arduus aëriâ in magna spectabilis aulâ ;
 Numinis os, habitumque gerens, & ferrea sceptrâ;
 Nubifero in solio . Postquam alta silentia pleno
 Facta foro , utque acies torvo circumtulit ore
 Dicta parans , ut genua solo flexa undique vidit
 Perfidus ; hæc tandem fœda execranda locutus .
 (a) En , fortunatæ gentes, en denique vindex
 Antiqui sceleris , promissus vatibus ille
 Numine progenitus , votis precibusque petitus ,
 Quem venturum olim sacræ cecinere Sibullæ .
 Quæ causa in terras è summis egerit astris,
 Quidve ferat lateri mulier comes addita nostro
 Accipite , & memores animos advertite dictis .
 Ante chaos , primosque ortus , & semina rerum
 Hæc mihi nupta Dea; innumeriq; hinc ubere partu
 Egressi in lucem , nostrum genus , Angeli ab alvo .
 Illi autem artifices rerum terramque polumque
 Stelliferum , atque hominum pecudumque , atque
 omne natantum

Eduxere genus . Sed fastu opibusque rumentes
 Se dominos tali puduit genitrice creatos .
 Dejecere polo , cum sydereo comitatu
 Natorum fido ; atque ipsam per secula centum
 Lustraque bis septem mortali compede vinctam ,
 Inque alia ex aliis transfusam corpora , sævis
 Exercent pœnis . Hinc illa Ennoïa primum ,
 Post belli conjux , Heleneque Argiva ; Selenen
 Nunc vulgus vocat . Heu pudor , atque infamia
 nostri

Numinis ! Hanc tandem Tyrio de fornice, probris
 Turpibus affectam , subduximus . En Dea qualis !
 Quæ facies olli ! qui spiritus ! Illius ergo

F

Ve-

(a) *Simonis commentum de Selene , & Angelis ;*
Ex Ireneo l. 1. c. 20.

Venimus ex alto in terras, genus omne rebelle
 Cœlituum ulturi, quorum discordia motu
 Cuncta agitat vario. Illi hyemes, fera prœlia,
 morbos

Immittunt terris; quāprimū hęc omnia flammis
 Hausturi, dum quisque sibi moderamina rerum
 Præsumit, cœlumque manu in contraria raptant.
 Hos simul è superis imum detrufero in Orcum;
 Hanc urbem, ignotos terris quæ prima recepit,
 Imperij sedem statuam; quam Nilus, & Indus,
 Auroræque amnes extremi, atque Orbis adorent.
 At mihi vos, comitique Deæ, & mea iussa securis
 Cœlicolis quondam geniis, quos nunc tenet horrens
 Sub terris carcer, fraterno crimine ab altis
 Sedibus excussos, nigram jugulate juvencam;
 Rite adhibete preces, sacrisque imponite flammis;
 Ad Boream versi, sedes ubi regia nostra est.

Sic ait: Et, ne quid furiis scelerique deesset,
 (Horrendum dicta facinus, miserabile, fœdum)
 Matribus, atque viris quærentibus undique iussa
 Dona cremanda rogis, injecto errore repente;
 Obrulit ante oculos taurinâ fronte puellam,
 Te, Virgo infelix, te, formosissima Thamar,
 Quæ præsens aderas. Sic visa in luce malignâ es
 Omnibus, obrutu torvo, palcaribus horrens,
 Pelle nigrâ, atque imâ-verrens vestigia caudâ.
 Centum illuc digiti intenti, converſaque centum
 Protinus è rectis, è summis turribus ora.
 Ipsa prior vidit, visuque exterrita mater
 Portenti ignara, En vobis, en victima; cives,
 Ante oculos, inquit, fertis & flore revincta,
 Sponte petens aras. Simul hęc, simul effera, cornu
 (Sic rata) corripuit. Nec segnior ipse timentem
 Urget agens Helymus. Medium cū deniq; vulgus

Vi rumpens tenuit lanio, obscuræque tabernæ
Ante fores traxit, multâ extundante catervâ
Circumquaque virum: Jam vulnus rite parabat
Mactator ferus: Ecce autem, dum brachia nudat,
Vaginâ exsolvens cultrium; dum testea vasa
Subjiciunt alii calidum exceptura cruorem;
Heu matri, heu sponso, de sede tuentibus altâ
Triste ministerium, sublata utrique repente est
Ex oculis nubes magica; & natam illâ trementem,
Et sponsam hic miseram, pallentem morte pro-
pinquâ,

Tendentemque manus, & sydera voce cientem
Infelix vidit: reliquos idem occupat error,
Et species mentita prior. Ruit excita monstribus
Per medios furibunda parens, te, nomine, Tamar,
(Namque aliud quid agat?) te, gnata, heu victima
Ditis,

Per densos ululans cœtus, per tela, per hastas,
Prætentosque virum chalybes. At pallida virgo
Interea jugulum cultro dabat, & fluit ater
Per gladium cruor, atq; imbutam sanguine terram
Ore canes lambunt. Tunc mens quoq; reddita fidis
Virginibus sociis: flavos discerpere crines,
Et roseas laniare genas. Exterritus amens
Ante omnes sponfus; cui cæsa miserrima nupta
Ante ora, heu! demens furiis immanibus actus,
Perque ruens medios, lanium stricto ense cruentum
Ter conatus adire, sacris bis terque repulsus,
Nequicquam & genibus nitens, aditumq; retentans,
Devovit Samarim diris, numenque nefandum
Horrida vociferans: Tellus Samaræa, dehisce,
Sacrilegosque viros absorbe, atque impia testa,
Meque super; manifesta Erebi namq; omina cerno:
Teque Deo genitum mentiris, perfide, cæco

Ex Orco impostor veniens, Juvat ire sub umbras;
 Incestamque diem fugere, execrandaque sacra.
 Sic ait, & ferrum conversum in viscera adegit,
 Sanguine dans largo vitam. Huic comes addita
 focus,

Quæ sine fine dabat gemitus, complexa cruentum
 Natæ infelicis corpus. Nec secius amens,
 Tænariæ ad lumen nubis feralis rubentis,
 Lymphatum vulgus bacchari, & voce ciere
 Te, Satan, comitesque tuos, manesque tremendos:
 Te cælo immeritò excussum, te, Numen Olympi:
 Te solum thure, & templis, atque æthere dignum.
 Hasque inter voces, bacchantumque orgia dira,
 Paulatim infernum spectrum vanescere in auras,
 Et fatui languere ignes, ac sulphuris ater
 Sentiri grave olentis odor, nox sparfaq; Olympo:
 Verùm aded furiis gens cæca, atque ebria Dite,
 Insanoque furens cestro, ut discernere nemo
 Clara tot indiciis vestigia posset Averni.
 Per noctem obscuram redeunt: ululatibus arva
 Responsum longè: strepitus, stygiique cachinni
 Auditi, manesque agris discurrere visi.
 Hunc habuit fœdum promissa tragœdia finem;

At latè in populos, atque urbes fama vagari
 Advenisse Deum Samaritis, qui juga fessis
 Eximat Ifacidis; huac claro in lumine visum
 Nube super poscentem aras; huic rite litatum
 Urbe palam mediâ; sermonibus omnia vulgi
 Misceri magnis: super omnia serpere rumor.
 Nazario in pago, & pavidos implere colonos.
 Murmur erat, quale illud apum, cùm rusticus
 atro

Implevit, flammâ crepitante, alvearia fumo:
 Aut pluviâ ingenui, diversis undique rivis,

Cùm

Cùm tumet , atque ingens unus rapido impetu
pontes ,

Ingentesque vehens ornos it turbidus amnis .

Ergo his commotus senior nutritor Jöseph ,
Cælesti Pueri custos , pro Numine læso
Saucius , & metuens ne conterranea dictis
Adjiceret gens fortè animos ; cùm Conjuge divã
Contulit eventus , penitusque horrore metuque
Complevit teneros sensus ; juvat ocyùs omnes
Obstruere insidiis aditus . Utque anxia mater ,
Si fortè ingruerit tempesta turbida noctu ,
Confestim è strato , summotis luce tenebris ,
Pervigil it tecto parvos invisere natos ;
Ne veniens turbo , neu tortus verberet imber :
Haud aliter Virgo præsentibus excita curis ,
Proque suis jam tum mater fidissima alumnis ,
Assensit dictis , unaque adjere Puellum ,
Atque prior trepido Genitrix sic ora locuta :
O superùm , o cæli rector , mundi arbiter unus ?
Nate , audin' quæ bella vetus nova suscitet hostis ;
Virginis arma ultus , cæsa sibi nuper ad aras
Virgine Idumæa ? utque homines adsciverit ultra ?
Utque (nefas) falso Judæam numine tentet
Fallere , si queat , & stygios inducere cultus ?
Per Genitorem oro , per sancti Flamen Amoris ,
Quod spiras , tetrâ caligine discute mentes
Nazaridum ; Numenque tuum (si poscimus æqua ;
Si fas , Dive , precor) cælesti in lumine pande .
Adjecit Pater , ut quondam Simeonis in ulnis
Promissa hæc eadem tulerat . Quia candida Virgo
Subdidit , ut nascens divinâ in luce videndum
Se dederat quondam pastoribus , utque remotos
Traxerat eos , manifesto Numine , reges .
Nunc eadem supplex Mater , genibusque voluta

Illacrymansque rogo; aut (tantum si tempora
forſan

Ferre negant) ſalrem ſic te permitte videri,
Sic, inquam, ut pariter lateas, ceu nubila ſolem
Clara tegunt: tuque, alme, potes componere
utrumque.

Talibus inſtabat dictis; ſimul oſcula fronti
Plura dabat, lacrymiſque oculos implebat obortis;
Heu quales, miſeranda, paras tibi neſcia fletus!
Quanto emis hæc pretio! Lacrymis nam denique
victus

Annuit ætherius Puer: at pro munere tanto
Addidit hanc legem, quam nunquam, Virgo;
putaras,

Hanc, inquam, legem, patrias ut ſcilicet ædes
Deſereret fugiens, atque innoteſceret abſens;
Quò ſimul & notus foret, ereptuſque lateret.
Atque ubi me regio procul hinc diverſa tenebit;
Tunc, ait, amiſſum dabimus cognoscere munus:
Namque aderit miſſus præco, qui nunciet iſtis
Conſediſſe Deum terris, hos Numen Olympi
Incoluiſſe lares: Tuque, optima, parce querelis;
Parce Parens lacrymis. Sic ille. At ſaucia Virgo;
Prima fugæ ut ſenſit prænuncia carmina, vultus
Pallida deiecit, preſſoque obmutuit ore:

Nec vocem infelix habuit, nec verba, nec ipſas
In promptu lacrymas. Non hæc ſententia mentis;
Non hæc Mater amans unquam moritura rogarat;
Nec revocare licet, nec fas obſiſtere contra:

Auſa nec ulterius reſponſa laceſſere dura.
Hoc miſeram Gnatus lethali vulnere læſam,
Hoc duro fixam telo, exanimemque reliquit.

Has inter curas tandem pulcherrimus arvis
Extulerat frontem redimitam floribus annis.

Jam-

Jamque aderant votis optati tempora veris
 Expectata diu, & precibus lacrymisque petita :
 Nazarei rite ad Solymæ delubra frequentes,
 Ut primùm illuxit, matres juvenesque senesque;
 Agmine partito, campis florentibus ibant,
 Alcindi vocem, & cœlestia jussa secuti,
 Audita ex alto paulò ante per otia brumæ.
 Non edera antiquis intorta tenaciùs hæret
 Parietibus; timida ut nodis, & nexibus arctis
 Implicitum dextrâ Puerum tenet anxia Virgo.
 Cuncta timens; & sæpe oculis intenta revisit
 Hærentem lateri comitem. Quid sedula cura
 Profuit? Heu! postquam solymeia ab urbe redibant,
 Obtulerantque preces moniti, consuetaque dona.
 Illa quidem nati dextram memor usque tenebat:
 Sed miseræ ex ipso vix primùm limine templi
 Egressæ, ætheriâ Divinus Spiritus aurâ
 Mortalem eripuit nubem, Numenque tueri;
 Arcanumque dedit non enarrabile Verbum,
 Cælum oculis referans, testâ immortalia Divûm.
 Dumque altè fruitur sopitis sensibus, olli
 Elapsum interea immemori, manibusque solutum
 Eripuit Puerum, spesque irrita cessit in auras.
 Nec priùs advertit Mater, quàm pristina sero
 Vespere mens rediit, somno velut excita. Tum se,
 Tum comites circum, & latus hinc atque hinc
 desertum,
 Atque manum vacuum cœlesti pignore sensit.
 Quò non jactatæ voces, repetitaque Jesu
 Nomina, per muros pagi, per frondea lustra,
 Illatæque faces? quos non adiere penates
 Mœrentes sociæ per opaca silentia noctis?
 Heu quid agant? quò se vertant? namque undique
 stellis

Tempora jam longo cœli convexa refulgent ;
 Nec fas nocturnum per iter vestigia retro
 Ferre per obscuros calles , perque avia cœca :
 Ire vetant trepidæ matres , arcenque volentem :
 Semianimis, lugens, & acutâ cuspide fixa,
 Postquam altè ingruerat serò expectantibus umbra,
 Orba suo infelix Nato , caput obsita velo ,
 Singultusque ciens bona Virgo in testâ redibat :
 Tota sequebatur larga vicinia fletu .

Interea verò impostor , quem moverat Orcus
 Sydereum adversus Puerum , spe lætus inani ,
 Hoste velut pulso liber , campoque potitus ,
 Antiquam in sylvam vulgus deduxerat ingens ;
 Agricolas Sichemitas , atque Amridis , omnes
 Cultores Ephraim , & Thersæ , & Samaritidos oræ,
 Illic concilio in magno condixerat amens
 Se legem è cœlo missam , & nova jura daturum
 Vulganda in populos : Aderat quoque perfida vultu
 Composito pellex , pulchroque incenderat ore
 Rustica corda virum ; tali se compserat arte ,
 Sic nitidis collum baccis , sic tempora vere
 Florifero ornat , gemmisque ardebat & ostro ;
 Nuda humerós , niveosque sinus , & eburnea colla :
 Nec minùs è roseis manabant dulcia labris
 Verba , quibus blandum sæva inspirabat amorem ;
 O mihi dilecta ante omnes Samaræa juvenus ,
 Si me , progenitam cœlo , non sydera rursus
 Optarent reducem , si non in patria Olympi
 Quamprimùm inveheret stellantia limina conjux ;
 Hæc sedes , fateor , præ cunctis una teneret
 Immemoræ cœli . Terras invita relinquo ,
 Quodve queo , extremum lacrymis obtestor
 amorem .

Vos contra , si quid merui , per numen utrumque
 Conju-

Conjugis atque meum, vota instauratione quotannis
 Et memorem jurate fidem; meque axe supernam
 Credite descendisse Deam, (a) Nil poscimus ultra,
 Nec leges alias pono. Sint liberae quique
 Arbitria, & vestros ad votum fingite mores;
 Neve adeo immites posthac imponite Divos
 Gentibus. O frustra cæcis terroribus acti
 Huc usque, & vanâ superâ formidine lusi!
 Talibus in speciem blandis nequissima virus
 Condibat dictis. Frondentibus orgia sylvis
 Interea, lætifque choris, largoque lyæo,
 Infernis epulis noctem gens capta trahebat;
 Mentitamque Deam stupet, ardescitque tuendo,
 Tam bellè ad lunam pictos movere arte cothurnos,
 Sic vestem rotat auratam, gemmisque micantem
 Esaltria, sic miseros obtutibus urit amantes.





LIBER NONUS.

ARGUMENTUM.

Oppidani ; irritò successu , & novis infortuniis , JESUM vestigant . Tandem Deiparæ querelis motus Deus Pater Angelum mittit , qui primum ; viatoris senis habitu , Puerum indicat ; deinde : excantatoris præstigias in sylva dissipat . JESUS in templo Patribus subobscurè se manifestat . Denique Matri redditus , in patrium oppidum cælesti comitatu regrediens , à Nazarenis DEUS agnoscitur .



Æ quibus hæc pellex gemmato præbuit
auro

Toxica ! væ populis , quos illa affla-
vit ore !

Væ quibus inque aures fatali murmure cantrix
Verba susurravit ! Nam nunc quoq; subdola vultus
In varios , inque ora migrat ; pestemque per urbes
Incedens , lethumque vehit mortalibus ægris .
Fabula narratur , seclis conficta vetustis ,
Nec vero absimilis . (a) Nam postquam perfida
tandem

Morte obitâ (ut perhibent) Stygium fletit ante
tribunal ;

Jeffeo

(a) *Hæreses Manicheorum , Ebionitarum , & Ari-
norum unde orta .*

Jesséo ecquid de Puero tot damna ferente
Sentiret, procerum petiit niger undique cœtus.
Illa autem, Quantum potui mortalibus, inquit,
Explorare oculis, (quidquid gens falsa susurret)
Nil mortale super vidi. Tum celsa Maneres
Tempera concutiens, proceraque cornua: In illo
(Mentiris) fîcto latet, inquit, corpore Numen,
Nec verum hunc hominem temerarius asserat
ullus.

Afferit extemplo Beïon, magno ore refellens
Dicta, Deumque negat; si quis patat, huic ferus
amens

Intendit litem & bellum. At putat esse Riarnus
Exurgens contra; contenditque arduus alto
Numine progenitum, magno Genitore minorem.
Paulatim incalucere animi, discordibus iræ
Mentibus erupere, atque implacabilis orta
Seditio; inque has inque illas Stryx didita partes.
Mens est Tartareis geniis immobilis. Ante
Versus eat Padus, aut duro se robore flectat.
Quercus humi, quàm quod semel asseruere retra-
ctent.

Ergo intestinæ immortalia semina belli
Jacta Erebo fuerant; nisi dira venefica prompto
Consilio illatas sedasset provida turbas.
Scilicet hoc, inquit, velit hostis; ut ille supremum
Dum vobis parat excidium, nova regnaque
condit;

Vos furor, & rixæ teneant, & mutua bella.
Quia agite, &, quando sedet hæc sententia
discors,

Hæc eadem vestris proffit discordia rebus.
Hos ferite errores terris, hanc spargite labem
Utiliter, socii; sua quisque ad signa sequaces.

Mortales trahat : ipsi autem in sua damna vicissim
 Hanc vestram dirimant odiis & sanguine litem ,
 Sic ait : inferno placuit sententia regi :
 Collatisque simul cervicibus , assensere
 Concordes omnes . Illi data cura per orbem
 Ferre tot ambiguas tricas , quas sæva sub Orco
 Edidicit prius , & libros digessit in amplos
 Per capita . Inde dolis instructa , atque arte nocendi ,
 Protinus Ægyptum , atque Afros , Asiamque per
 omnem ,

Nunc has nunc illas Erebi sibi sedula turmas
 Adjungens , tabem latè & contagia sparfit .
 Ex illo quis acerba virum , quis funera fando ,
 Fatalesque vices memoret ? Nusquam illa quievit ,
 Tot sese in facies vertit , tot nomina sumit ,
 Urbibus opponens urbes , regna aspera regnis .
 Nec mora , nec requies ; volat exitialis Erinny ,
 Hostis acerba , ferox , civili sanguine gaudens ,
 Ambitiosa , tenax , popularis , perfida , mendax .
 Hoc , superi , monstrum , hanc terris avertite
 pestem .

Sed jam puniceos surgens aurora penates,
 Allatura diem , roseo referarat Olympo .
 Nazarei verò loca per sylvestria circum
 Nequicquam exierant ; atque arva , atque oppida
 latè

Undique lustrarant , Carmelum , Galgala , & omnem
 Jordanis vallem . Verum spes irrita rursus ,
 Projectusque labor . Quin cælo effusa procella
 Sub noctem improvisa ruens , commixtaque grando
 Terruerat cunctos , profugique in tecta redibant .
 Accidit & fessis aliud miserabile . Namque
 Illa recens hospes ruris , quam diximus , Agar
 Engaddea , inter fremitus , & murmura venti ,

Vastum ingressa nemus; perplexa per avia sylvæ,
 Ultima dum sequitur comites ignara viarum;
 Olli surreptum violento turbine velum,
 Delatumque procul dumoso cespiti inhæsit,
 Injecitque moram. Ruit imbrifer in faciem Auster,
 Inque sinum, vittasque rapit, vestesque, capillosque
 Insequiturque horrens nimbis pluvialibus æther.
 Nequicquam socias, quas impetus ocyor Euro
 Præcipites agit, infelix clamore vocabat;
 Nec meminit callis, nec quod se tramite ducat:
 Pallentemque metu nox denique cæca tenebris
 Occupat errantem; collectisque omnibus, una
 Defuit ipsa etiam, & sponsum, comitesque fefellit:
 Talibus implicitum mens provida Numinis arte
 Nodum intexuerat mirum; quod lætior inde
 Exitus extremus foret, atque in gaudia tandem
 Cura ingens, luctusque, & longus mœror abirent.

Jamque fere medium stellatâ in veste tenebat
 Humida nox cursum, & pluviae ventique quierant,
 Nec sonitus nec murmur erat, nisi fontium ab
 altis

Stillantum ripis, & moti leniter Austri:
 Ipse procul somnos labenti flumine torrens
 Conciliat; longèque canum latratibus arva
 Responsant; tacito dum curru argentea luna
 Alta polo incedit per opaca silentia mundi.
 Heu misera, heu sola in tenebris sanctissima Mater;
 Quamquam lassæ viæ, secreto inclusa cubili,
 Casum infelicem lacrymoso carmine flebat.
 Et fletum augebat vicinus lectulus ille,
 Sed vacuus, quo membra Puer componere fuerat:
 Cynthia nam pleno lucens ex æthere cornu
 Omnia ostendebat manifesto lumine; nunc frons;
 Nunc decor, & facies, & viva absentis imago

Ante oculos redeunt, nunc vox, hesternaque dicta:
 Heu se desertam, tenebrosâ in nocte relictam,
 Confusamq; malis! Nam quid, pulcherrime rerum,
 Quid tantum, aiebat, potui delinquere mater,
 Mater amans? Te summe Pater, te conscia testor,
 Non aliud perii, aut volui (quantum ægra recordor)
 Quam meus ut Natus, præsentî numine, certam
 Ferret opem fessis: tamen ut simul ille lateret:
 Hæc mens, hic animus fuit: at non ut miseram me
 Defereret fugiens: has unquam velle latebras
 Orando potui? hæc Genitrix mihi vulnera ferre?
 Hæc lacrymis precibusque in me convertere tela?
 O patria! ô tristes desolatique penates!
 O domus infelix! At jam nunc sera querelis
 Tempora: debueram, cùm primùm conscia casus;
 Nocte remetiri vestigia; cunctaque solers,
 Dum jactura recens, exquirere; tale nec ulli
 Antea oportuerat poscenti credere pignus;
 Nec sinere ipsa manu premsum divellier unquam:
 Nunc quid ago? quò me infelix & faucia, verto
 Orba parens, deserta, stupens, confusaque luctu?
 Quam superùm nemo alloquitur, penitusque
 relictam

E cælo invisit nemo; nam te, Puer alme;
 Sublato, vidua hæc posthac quis limina curet?
 Hic meus est dolor, hoc vulnus; tibi, sancte
 puelle,

Displicuisse aliquid, quo læsus, matre relictâ,
 Fugeris ad superos; nec verba extrema dolentis
 Ferre, nec amplexus voluisse, nec ultima læsæ
 Oscula plorantis: cur ægram, Nate, Parentem
 Sic fugis? Hic, rupto lacrymarum gurgite, flebat,
 Nixa toro læsam cervicem; & multa volentem
 Dicere prælargæ & calidæ lacrymæ impediabant,
 Quis

Quis oculi, vultusque pluant, vestesque sinusque;
Et madet ipse torus. Superum moestissimus astat
Seprus nube chorus, miserans grave vulnus
amanis.

Nam Deus ipse Pater cunctis præceperat ante
Cœlitibus, ne quis latebras, & furta doceret;
Nec pieras quenquam miseræ, aut lamenta
moverent.

Heu! cælum tetigit mœror quoque. Nigra
repente.

Delituit luna in nimbo; rursus tonat axis,
Insequiturque imber, densarumque agmina
aquarum,

Fulguraque, & grando; veluti si corruat æther
In præceps, jungantque suos pia sydera fletus.

At cœli terræque Sator, cui iusta peracta
Virginei tandem visa est mensura doloris;
Non ultra ingentem passus procedere curam:
Ergo ad se genium Mariæ vocat ore sereno,
Finem allaturus lacrymis. Jubet illico tranet
Nubila, opemque ferat, fletusque abstergat amaro
Parthenidi, & fociis: exin mendacia sævi
Excantatoris retegat, penitusque resolvat
Tænarias fraudes. Libani de vertice jam sol
Extulerat matutina inter sydera currum;
Dispuleratque Austrum summis de collibus aura
Carmeli spirans. Ille æthere lapsus ab alto,
Aëriis positis pennis, nitidæque juventâ,
Induit ora senis Solymâ venientis; anhelaque
Ora labore viæ, gressumque imitatur euntis.

Nazareæ interea matres per proxima rura
Sollicitæ exierant, primi sub luminis ortum:
Ante alias verò tristissima Parthenis ibat,
Quam fidæ comites Debora, & Susanna sequuntur;

Has

Has ubi prospexit viridi è convalle viator,
 (Virgo tamen prior haud longè confederat ægra)
 Astitit ante oculos , atque hæc prior ore locutus .
 Dicite , montivagæ matres , quot adhuc stadia
 usque

In juga oliviferæ Sunæ ? læva hæccine tuta
 Semita ? an à fluvio dextrorsum tendimus ? Olli
 Susanna : Exiguum superest iter : amne secundo
 Carpe viam , quâ prona ferunt declivia vallis .
 At vos , excepit senior , quæ cura vagantes
 Huc egit ? Quidve illa procul comès altera plorat ?
 Quove tenetis iter ? Largo cui Debbora fletu ,
 Ah pater ! haud , inquit , nostræ tibi nomen
 ad aures

Fors unquam acciderit Mariæ . Non ulla sub axe
 Sanctior in terris ; nec fas modò singula fando
 Enarrare tibi . Sed nunc tristissima natum ,
 Cui non ulla parem tulit ætas , nec feret usquam ;
 Jam dudum vaga per montes , perque oppida
 quærit

Amissum , ut remur , Solymis . Stetit arte viator ,
 Multa animo velut reputans ; lævâque prehenso
 Incubuit mento , paulùmque obtutibus hæsit
 Intentis , nutu pendente . Inde ora ferens ,
 Quæ Pueri species ? os ? ætas ? & color ? inquit :
 Hunc ego fortasse . . . Hic trepidis simul utraq;
 dictis

Lætitiâ abruptis (tanto spes impete oborta)
 Ambæ sollicitæ faciem , vestemque coloremque ;
 Ætatem , crinem , vocem , incessumque docebant ,
 Sicubi vidisset fortè unquam , aut sicubi quicquam
 Audisset , Solymis , ait ille , simillimus (ibam
 Nunc equidem recolens) sacrâ Salomonis in æde
 Nuper erat . Sed enim (veniam permittite dictis)
 Pul-

Pulchrior illa oris species, quàm patria vobis
Ferre queat tellus; nec talem viderit usquam
Mortalis, reor; & certè tam rara venustas
Cœlesti de stirpe venit. Tantò altiùs illæ
Tollere spem lætæ, & vivis depingere pulchra
Ora modis, aliisque super muliebribus ambæ
Indiciis instare novis. Ubi plurima verò,
Ut solet, hinc atque hinc dubia explorata; viator
Longum iter, atque alius lassus prætereunda curas:
Jam finite hinc abeam, nam semita longior urget
In patrios colles. Simul hæc, simul ore sereno
Accedens propius, secretò affatus ad aurem est.
O fortunatæ! Tanto jam tempore vobis
Lux demissa polo; nec vestris credita terris
Munera nostis adhuc? Vobis Regnator Olympi
Sorte datus, vestris Numen latet hospes in oris.
Ocyùs accelerate gradus, contendite cursu
In sacras ædes: Deus est, Deus ille Puellus,
Quem vestigatis. Tum demum fulguris instar
Cœlica lux animis fulsit. Pavor & metus ingens
Principiò attonitas tenuit: dein vocibus altis
Lætitiæ vastum nemus implevere: Maria,
Huc ades, inventus Puer est: sonat undique vallis
Inventum inventum Jesum. Quàm sæpè videmus
Noctibus æstivis clarescere cuncta repente
Ignibus ictu oculi sparsis, quâ luce renident
Tecta atque arva procul, priùs atrâ abscondita
nocte;

Virginis haud aliter vox improvisa tenebras
Dispulit ex animo. Juvat usque, atque usque morari
Atque audire sui certa argumenta Puelli;
Singula nec finis, nunc hæc nunc illa rogandi.
Sed non ferre moram senior: Vos ite, monebat;
Dum permittit adhuc sol altior axe; cavete,

Nam,

Nam, si quando unquam, rapido se gurgite torquet
Imbre Cifon nocturno auctus, qui flumine
oberrans

Hinc rursus tranandus erit; neu fidite ponti.
Haud procul ad stadium tenso vos cymbula fuso
Transvehet; inde ferent trito vestigia calle.
His lætæ indicibus matres divina canentes
Deterfis lacrymis ibant; ceu roscidus aër
Cum liber pluviis hinc solem parte serenâ
Explicat, hinc pictum fuscis de nubibus arcum:

Postquam animos verò curâ satis illè levarat,
Protinus hinc geminis nitens se sustulit alis
Obscurum in lucum, quo noctem exegerat omnem
Turbinis acta metu per tesqua silentia nuper
Errabunda Agar. Peregrini insignia mira
Aliger induerat, queis territa nymphe repente est:
Namque humeros exomis obit taurina, marinis
Assutis cochleis, ad torum hastile peractum
Dextra gerit, medio vineta hæret sarcina tergo.
Piceni qualis sub sole viator in agris
Virgineas ædes transvestas Italia in arva
Pulverulentus adit, tali sub imagine sese
Obtulit in speciem flenti, causasque poposcit;
Unde domo, quæ fors profugam, quisque egerit
error?

Atque ubi rem didicit, terge, inquit, fletibus ora,
Pone metum: lateri comes addere: præfusus ipse
Paulisper perplexa regam vestigia; donec
(Nec mora longa viæ) certo te tramite sustam.
Haud procul hinc nemus illud erat septum undique
taxo

Illicibusque nigris, statio sylvestris averni;
Quò turbam innumeram, & lamias, scortumque
Selēnen,

Ac centum vario Cacodæmonas egerat ore
 Sacrilegus Simon, Illic tum fortè sub ulmis,
 Et densis piceis, platanùmque silentibus umbris,
 Quà media horrendo patet ingens area luco,
 Argento gravia, atque auro, dapibusque superba
 Duxerat in magnum convivia splendida gyrum.
 Corpora taurorum, aprorumque ingentia fumant
 Lancibus in magnis; sparso fœda omnia Baccho:
 Lætitiæ infano strepitu nemus omne resultat.
 Jamq; aberant quantum longè vox missa per auras
 Audiri poterat; gressumque coërcuit Ales,
 Ne comes obscœnas mēsas, epulasque videret.
 Atque illam immemori similis, cervice reflexâ,
 Amissi Pueri (Pueri namque inter eundem
 Casum enarrabat) nomen rogat : inde puellæ
 Hoc tu, inquit, nomen, Cæloque, Ereboque tre-
 mendum,

Versa illuc, sonus unde atris de frondibus exit,
 Ore voca. Illa akè distento pectore, & aurâ
 Collectâ, quanto potuit jacere impete, JESUM
 Intonuit. Dictu mirabile! protinus omnis
 Intremuit lucus, pateræque, effusæque vina,
 Concussæque abaci, atque argentea lapsa supellex:
 Altiùs exclama, jubet Aliger: altiùs illa
 JESUM iterum vocat. Ecce autem de faucibus
 imis

Convivæ stygli, quorum intermixta sedebat
 Turba ingens, redimita ederis, taxoque nigranti,
 Exeruerè atras immundo sanguine linguas.
 Tertia sed postquam cælo vox clarior acta,
 Non tulit ultra Erebus nomen; ventoque cœorto,
 Omnia diffugère repentè, ut fumus in auras.
 Tunc ora attollens Agar fuscò aëre vidit
 Nigro in equo fugientem equitem, volucrisque
 dracone

In-

Inveſtam comitem ſagam per inania ferri :
Tum meminit monſtri horrendi , quod Parthenis
olim

Præſcia fatidico prædixerat ore fugandum :
Quæ loca ? quod ſpectrum ? vultu exanimata
popoſcit .

Non hæc tempus, ait ductor : jam ſumma peracta
Inde ſcies . Extrema vocant me juffa Tonantis ,
Hic ore exanguem divus peregrinus agreſtem ,
Ignaram eventûs , umbroſo in calle reliquit :
Atque hanc carpe viam , dixit , quæ certa Puellæ
Obvia ſub noctem reduci veſtigia junget .
Sic ait : ipſe autem ſubiit penetralia terræ
Promiſſi memor ; & ſuperas evexit ad auras
Infantum exiguas animas , quas vallis opacæ
Abdidit in latebris : exin Jordanis ad amnem ,
Ad Puerum vatem roſeis ſe contulit alis .

Et jam dulce iter exactum, finemque laborum
Adventare queror . Meus inter carmina jam Sol
Paulatim cadit , & laſſis ſuperinjicit umbram ,
Otiaque indicit , & longa ſilentia muſſis .
Quas tibi , Diva Parens , referam ſanctiſſima
grates ,

Quæ me jam tandem , tenui vaſta æquora lembo
Sulcantem , in portum deduxeris ; hæſque canenti
Obruleris mihi delicias , ſolatia feſſo ,
Quandiu in hæc exul mortali demoror umbrâ ?
Heu ! nunc orba ſinis mihi plectræ , amiſſaque
plorant

Otia mœrentes juga per deſerta Camœnæ !
At , quando hæc operis meta , atque hic terminus
hæret ,

Carminibuſque meis extremum te alloquor , alma
Nazari ; per duros quos paſſa hucuſque labores ,

Per-

Perque tuum inventū Puerum ; quem læta reduces
 Quamprimū in patrias ædes ; ò rebus in arctis
 Unica spes , ægrisque salus mortalibus , audi
 Servatas hucusque preces , supremaque vota .

Aspice terrarum quantum gemino regat orbe,
 Quà cadit , exoriturque dies , Regnator Iberi
 Carolus . Huic sobolem conjunctis orbis uterque
 Fletibus implorat . Populorum flexa rogatum ,
 O Diva Hesperiae custos , tutelaque regum
 Austriadum , sceptri hæredem impertire querelis .
 Tuque (a) novæ uxori , quæ nunc maria aspera
 tranat ,

Partheni , stella maris , cui venti & nubila parent ;
 Sterne æquor placidum , tempestatesque coërce .
 Huc ò deinde , Parens , oculos mitissima verte
 Romulidum ad Regem , tenerâ jam sceptram
 gerentem

Bina manu . Odrysi crescentem in fata tyranni
 Augustum Puerum serva . Magni ille parentis
 Fortia facta , animi non eluctabile robur
 Rebus in adversis , æquam inter prospera mentem ,
 Synceramque fidem primis meditetur ab annis .
 Aspice postremò scissam latè undique bellis
 Europam , miserasque urbes data pabula flammis .
 Tu potes hanc atram nunc sedare procellam ,
 Et simul invicti Leopoldi Cæsaris armis
 Fræna recusantem penitus submittere Thracem .
 Romuleo ut tandem è solio (b) Pater atq; Sacerdos
 Maximus , Adriaci decus immortale Senatûs ,
 Cernat adoratum nomen circum undique JESU ,
 Pacatosque dies , atque unum Pastor ovile .
 Hæc precor , hæc supplex extremo carmine posco .

La-

(a) Maria Anna Neuburgensis .

(b) Alexand. VIII. Pont. Max.

Interea, quod restat adhuc, mihi proxima ripæ
Dirige vela ratis, Virgo; Tu suffice puppi
(Namque parum superest) vicina in littora ventos:

Ergo in delubro Augusto, Solymeia in urbe,
Turbam inter strepitumque Puer regnator Olympi
Concilio intererat magno. Tum forte, coactis
Patribus & populo; (ut series atque ordo ferebat
Commenti sacri) Hebdomadas Danielis ahenò.
E rostro Azarias interpret rite docebat.

Forte autem præsens aderat sublimis in altâ
Sede Arimathensis Joseph: isque, ora frequentis
Dum populi lustrat, stantem è regione Puellum
Cælestem vidit; fixisque obtutibus amens,
Attonitusque, diuque silens, immobilis hæsit.

Nec minùs interea vultu stupefactus eodem
Mentis inops, faciem, vestes, & singula mirans
Longævus juxta (a) senior pendebat ab ore...

Hunc cubito tangens comitem, laterique propinquum,
Levâ ante ora manu positâ, vicinus ad aurem,
Sic Arimathensis submissâ voce locutus.

Aspicis illum, oculis, & crine, & janthino amictu
Insignem puerum, strata inter palmea, sacris
Intentum dictis? Proh Divum abscondita miris
Arcana in tenebris! Hunc ipsum (sydera testor,
Atque adyta hæc, sanctosque lares) hunc prorsus
eundem,

Nusquam alias visum, noctu per somnia vidi:
Atque adeò demens feror, ut nova somnia credam
Hæc eadem, quæ nunc oculis præsentia cerno.

Ille videbatur malefidæ ante ora cavernæ
Ludere, dumque manum rimis insertat opacis,
Ulic telluræ abstrusum irritaverat anguem.

(Nam digitos fortè intulerat quæ regulus ingens
Abdi-

(a) Nicodemus:

Abdiderat sese) egressumque repente refugit
 Attollentem iras : Procul o procul, undiq; agrestum
 Conclamat trepidè vicinia vocibus hydrum
 Longè absterrentum. Cùm denique in ardua pennas
 Improvisè humeris natas (mirabile visu)
 Explicuit cælo Puer, elusoque colubro,
 Longo intervallo liquidum per inane volabat :
 Ipse oculis tractu ingenti cursuque sequebar ;
 Cùm demum aëris frondoso in vertice palmæ,
 Ceu velucris sublata metu, quam terruit auceps,
 Constatit . At genitrix clamoribus excita longè,
 Perque viam pede nixa super, cæsoque cruento
 Prædone, infelix aderat ; sed corpore toto
 Densa inter folia abstrusis pulcherrimus infans
 Se circum plumis obstrictum incluserat albis,
 Nec poterat cerni . Finem eventumque tueri
 Ut cuperem, potes ipse animo tibi fingere .

Somnus

Heu me deseruit, trepidum quò talia demum
 Desierint. Sic ille. Senex tunc alter ad axem
 Sustulit ora, manusque ambas ; post multaque
 vocem

Vix tandem expedit : Deus est, Deus abditus isto
 Certè, ait, in nodo. Somnus quà desit, inquit,
 Hic tuus, hinc nexu arcano meus incipit. Ipse
 Pennigeri Infantis (quando hæc tibi cura relicta)
 Successum referam. Per scabri corticis ambo
 Ardua connixi genibus, manibusque prehensum
 Amplexi truncum, valido luctamine ; tandem
 Ægrè, vi multà, in ramos evasimus altos .
 Heu pietas ! Geminis aliis utrinque reductis,
 Vidimus exanguem faciem, resperoque vivo
 Sanguine membra : latus longo trajecerat illi
 Rusticus infixò venabulo : &c, heu mihi ! squalens

Pen-

Pendebat niveo ex humero pulcherrima cervix ?
 Nos Puerum in prato exanimem distendimus inter
 Purpureos flores , & hiantia vulnera rivo
 Lavimus ; inde , ut erat, ferali in sindone Matri
 Ploranti tulimus . Tres illic crine soluto
 Lugebant mœstæ comites , quæ myrrhina odori
 Vascula contulerant aloës ; interque dolentum
 Fœmineas voces , luctusque reliquimus . Hic me
 Heu pariter lassum tristissima liquit imago .
 Talibus inter se dictis miranda vicissim
 Ore susurrabant ambo , lacrymasque ciebant :

Ecce autem Interea Mater , quæ denique fessæ
 Cum fociis , spatio emenso , delubra subibat ,
 Sollicita explorans oculis sua pignora . Vestes ,
 Et capitis velum , & fletûs vestigia , prorsus
 Talia cernere erat præsentî , qualia somnus
 Pinxerat . Obstupere senes magis : illico visa
 Ora recognoscunt memores : En illa , tremendum
 Quæ pede calcarat serpentem : En illa , peremptum
 Cui nos detulimus natum . Flagrabat uterque
 Quamprimùm affari peregrinos : atque, ubi tandem
 Interpres legis longo post plurima finem
 Eloquio imposuit , convenere illico Natum ;
 Et genus , atque iter , & nomen , patriamque
 rogabant .

Adfuit ipse etiam cano venerabilis ore
 Azarias pater , admirans responsa loquentis ;
 Et multum illacrymans senior bonus, indolis almæ
 Vim promptam variâ circum ire indagine gaudet .
 Quin etiam hebdomadas Danielis , themata nuper
 Proposita , ac discussa palam , scitarier ausus .
 Cui Puer ætherius cælesti in luce refulgens
 Sic turbâ in mediâ fatus : Jam temporis ætas
 Præfixa hebdomadam venit , quæ victima Sanctus

Occi-

*Occidendus; & hunc vestris in collibus Arbos
Funerea excipiet. Vestrum par nobile rite
Exequias solvet. Post hæc vastatio, luctus,
Et populi excidium. Nostri hæc oracula vatis.*
Sic ait: obstupere omnes; stetit ipse sacerdos
Attonitus dictis. Hesternæ somnia noctis
Agnovere senes: Hic est Puer ille cruentus:
Hæc erit illa Arbor; nosque, ut reor, ultimus iste
Poscit honos tumuli. Subitus circumstetit horror
Percussas mentes: comites sese addere furtim,
Atque oculis servare juvat vestigia longæ;
Quò tendant, quò se demum tanta omina vertant.

Ergo age, qui reditus fuerit, queis versa que miris
Ultima scena modis, utque alta arcana resecta,
Ostensusque Puer, finis, pretiumque laborum.

Nox erat, & lunam nubes incluserat atra;
Necdum Parthenidis custos, Jesseaque Virgo,
Debboraque atque Agar profuga, & Susanna
redibant.

Nazaridum vulgus jam tristia volvere secum
Cœperat auguria, atque illas quoque per loca vasta
Dispersas; pluviisque auctos sine pontibus amnes,
Abruptasque vias imbri, noctemque timebant.
Augerique magis cura, intendentibus atris
Se cœlo tenebris; mœstique extra oppida, opaco
Sub dio, ancipites stabant. Ubi plurima verò
Irrita nox fluxit, nec jam spes ulla videndi,
Et latè loca cuncta silent; quis tristia fando
Lamenta, & gemitus, desperantiumve querelas
Explicit? Hic Jesse, hic Ammon, hic crine soluto
Dina gemens, & pulchra Esther, innuptaque
Zambris,

Et senior Jonas, Jericuntaque, Elifaque plorans:
Luctus erat, qualis testō cum mater, & orba

Sport-

Sponsa recens funus plorant, sponsique cadaver
Ædibus effertur. Non si ferus irruat hostis
Vastator, tantus se tollat clamor ad auras:

Ecce autem hos inter questus fax visa per
umbram

Adventare procul, quam multo lumine clarus
Pelliceâ hirsutus zonâ puer igne ferebat
Flammantem largo; faciesque humerique nitebant
Eminus, atque sinus, atque ora. Ut Phosphorus axe
Pingitur auroræ, roseis anteire quadrigis,
Purpureamque aperire diem mortalibus ægris:
Haud secus auratâ Præcursor Numinis atram
Findebat noctem faculâ; vox claraque cœpit
Audiri longè. Huc illum deduxerat Ales
Aëre sublatum, per opaca silentia noctis,
Lucem allaturum, & mœstæ solatia genti.

Jamque aderat propius, roseoque hæc ore locutus:
Quid verò hic tristes flendo consumitis horas?

Nec subit interea redeunti occurrere Matri,
Quæ Jesum revehit? Vobis huc nuncius adsum
Numinis inventi. Simul hæc, simul igne coruscant
Obvertit cedrinam tædam, turbæque præibat;
Perque viam, magicas ut nuper solverit Agar
Insidias, utque arma prius Juditha Gehennæ
Fuderit, utque eadem thalamis adjuncta supernis;
Tum Pueri absentis miranda arcana docebat.

Protinus auditu litui, & lux eminus ardens
Visa per obscuras multo igne incedere frondes.
Zacharides jussit turbam discedere utrinque
Partitam ordinibus longis; duxque agminis ipse,
Instructorque ibat medius; spatioque relicto
Hinc atque inde, viam Matri, Pueroque parabat.
Tum patrium intonuit nemorosa per avia carmen,
Adventante Deo: visi subsidere colles

Palmiferi, trepidare metu, tremere omnia circum.
 Principiò labarum cæleste apparuit hastâ
 Defixum ingenti, quam princeps sustinet ales,
 Inter clara tubæ præuntis carmina. Centum
 Hinc atque hinc aderant, ceris ardentibus, ostro
 Et bysso insignes juvenes. Comitantur euntes
 Nazaridum exigui manes, quos funere quondam
 Sustulit Herodes, quibus omnibus igne flagrantes
 In dextris faculæ. Vestes, & vulnera, & ora,
 Atque illas ipsas chlamydes, quas utraque nerat;
 Continud agnovit Rachel, atque anxia Dina:
 Benonem illa suum; pulchrum videt altera Eberû;
 Quos longum flerant: Bis septem ponè canistris
 Purpureas fundunt violas, nimbosque rosarum
 Infantes alii; rubet omnis semita flore.
 At victrix gressus per candida ferta ferebat;
 Auratâ insignis pallâ victricis imago
 Judithæ, cui peplum humeris; atque anulus ardens
 In digito. Hinc lassæ matres, socisq; viarum
 Debbora, Susanna, atque Agar; inde ordine longo
 Purpureæ chlamydes, vexilla, argentea scuta,
 Militiæ ætheriæ species, hastata Juventus.
 Quis pompam illius noctis, lucemque renarret?
 Insonuere repentè tubæ, quo murmure ripæ,
 Et pulsæ colles responsant: audiit æris
 Horrendum carmen Tenechos, nemorosaque
 Hiebla,
 Et Lyde, & Marehon, & proxima nubibus Herme:
 Ecce autem hos inter plausus Amor inclytus ibat;
 Oui super alta ingens umbella holo serica piæ
 Sex agitur suffulta hastis, geminique Hierarchæ
 Thuricremum lentis alternant jactibus aurum.
 Dextra tibi nodo, Genitrix, implexa tenaci,
 Haud iterum fugitura; tibi manus altera nexu
 Strin-

Stringitur, alme senex. Campi, nemora avia, valles
 Carminibus vaturn resonant; O splendor Olympi!
 O lux in tenebris exorta! ò Legifer orbis
 Expectate diu! ò nostros miserate labores!
 Parce Pater, parce Omnipotens. Mens omnibus
 cestro

Afflatur divo, Regemque, Hominemque, Deumque,
 Paciferumque vocant, & sanctum Numen adorant.
 Quaque iter est, ramos curvat subeuntibus arbor:
 Desuper omnigenum cernuntur nubila Divum
 Plena choris. Alto Pater ipse è culmine Mundi
 Aspicit è folio reduces; atque omnis ab astris
 Cælestum populus, portas quoque, testaque
 summa,

Et muros pagi, & turres infederat. Ipse
 Ætherios inter comites pulcherrimus omnes,
 Hoste triumphato, Jesseus it Puer, instar
 Syderis eoi; signant vestigia achanti,
 Mixtaque parthenio bellis, convolvulus, iris;
 Et crocei flores campi. Sic ille redibat;
 Nazareisque suis, post tot discrimina, lucem
 Auroramque, redux materna in tecta ferebat.

P I N I S

AOI 1464484